

F

II

17/e



F. II

7/e

37728/B/1

part of MORTON, R.

Opera medica. 1727

pt 10

46672

# MARTINI LISTER

TRACTATUS

De Quibusdam

## MORBIS CHRONICIS,

Quorum

I. est, de HYDROPE,  
II. de DIABETE,  
III. de HYDROPHOBIA,

IV. de LUE VENEREA,  
V. de SCORBUTO,  
VI. de ARTHRITIDE,

In Quibus singulis

Non solum MORBI RATIO ex Nuperis ferè Anatomicis  
Notitiis exhibetur, CUM AMPLA ÆGROTORUM  
VARIETATE; sed etiam REMEDIORUM, maximè  
APPROPRIATORUM, NATURA & USUS, ex veterum  
Medicorum fide ac authoritate, breviter explicantur.

*EDITIO NOVISSIMA.*



GENEVÆ,

Sumptibus PERACHON & CRAMER.

---

M. DCCXXVII.



MAY 14 1871

THE

STATUTE

OF

MORRIS CHURCH

OF


THE

THE

OF

THE

THE



THE

THE

THE





# AD LECTOREM.



UO sunt, Lector, de quibus te paucis monere volo. Unum, si quæras, quorsum ipse hosce Tractatus scripserim, hujus rei rationem; ut opinor, satis bonam in ipsa præfatione illorum primi exhibui; nempe exercitii causa, & quod fere emeritus sim. Alterum, cur illos, me vivane rei aliqua excusatio texenda esse videtur, ne vel vanus esse, applausumque captare, vel ægrotorum copiam sollicitare, credar. At neutrum horum est; nam diu me tædet pigetque optimæ artis præ infirma valetudine. Quid ergo est, si neque questus causa, nec spe gloriæ hæc scripserim; solo veritatis amore ductus, si responderem, an non hoc sufficeret, ut vel illo nomine scriptionis veniam merear; At præsentis editionis alia, ingenue fateor, ratio est; nam, cum ex multis annis nihil equidem edere, præter Historiam naturalem meditatus fuerim; id ab aliquibus severioribus, etiam nostræ facultatis hominibus, mihi vitio versum fuisse tandem intellexi. At sciant velim, me ab illorum invidia minime moveri. Sit hæc vanitas nostra, (cum doctissimo Peiero loqui lubet) qui ex rerum natura ipsum naturæ ordinem intueri ac asserere studemus. Scrutentur demum alii quicquid velint, studium tamen istud, etiamsi tanquam vanum inique traducatur, mihi semper potius erit, quam *nugax futilisque* multorum *loquacitas*. Verum cum innuere volunt, me Medicinam perfunctoriè tantum facere, nec artem præcipuam coluisse; ex his paucis Tractatibus discant, me Medicam artem ex ipsis fontibus curasse, illamque totam ex *Adversariis* propriis eadem ratione, qua hic fecerim, si opus esset, adornare potuisse.



## A D L E C T O R E M.

Hinc insuper satis , ut opinor , liquet , me , etiamsi improbo labore *novas* semper res in Historia naturali molitus sim , *veterem* tamen medicinam præcipue instituisse. Ut autem ita facerem , hæ præcipue causæ me moverunt.

Imprimis , quod animadverti ipsos morbos non multum mutatos fuisse ab antiquis seculis ad hunc usque diem , si victus & coeli ratio habeatur. Imo hætenus nullum novum morbum ( de Acutis loquor ) qui non facillime ad Antiquorum classes referri , eorumque descriptionibus concludi potuerit , didici , aut observavi : quæ tamen quorundam nostrorum hominum frivola jactantia ac vana credulitas est !

Ad medicamenta verò quod attinet , quatenus illa veteres exhibuerunt , ex propria praxi & usu confirmare diligenter studui. In hoc itaque Specimine non alienum à rebus medicis fore credidi , si illorum virtutes *privatim* ab ipsis fontibus deducerem ; nempe à notissimis ac indubitatis illorum effectibus Chirurgicis ; ut sciant nostri homines quantum debemus antiquæ Chirurgiæ præ nova Chymia , aut ulla hypothetica doctrina , in medicamentorum facultatibus cognoscendis.

Quod autem ad *novos* morbos *Chronicos* , qui tamen pauci sunt , pertinet ; remedia quoque sua similiter explicui.

*Usus vetusto genere sed rebus novis.*

Unum illud addam , Medicamentum me sine invidia primum , quantum scio , hic edidisse ad *comprimendam Gonorrhæam* ; ne aliquis agyrta audax simili secreto amplius æstimetur , &

*Verbosis adquirat sibi famam strophis.*

Illo certe à multis annis cum successu usus sum ; at methodus , ( idque sedulo moneo ) temeraria est , nisi infinita cura & appropriatis catharticis , aliisque antidotis illam persequamur , ut venenum in vasis excretoriis restitans , alio revulsum , diligenter expellatur.

Hos Itaque paucos *representatos* Tractatus Medicinales , utpote imperfectiores , & raptim scriptos , pene invitatus edidi , ut severitatem frontis aliquorum nostrorum hominum aliquantulum placarem , cum quæ de rerum natura scripserim , nasute distrinxerint. At hæc quoq ; nimis insulsa esse , forte iidem dicent , quod *novos* homines nostros veteribus postposuerim.

*Quid*



*Quid ergo possum facere tibi, lector Cato,*

*Si nec Fabellæ te juvent, nec Fabula,*

Redde itaq; mihi vices reprehendi, o antiquarum rerum fastidiose!

Imprimis illud tibi notari volo, in *Morbis Acutis*, ubi auxilia non multa, eaque caute admodum adhibenda sunt, citra modum finemq; præscribere solemus, omnemque adeo crisin subinde turbamus; unde Prognostica (in quibus tamen summus honor & securitas Medici est) è re medica exulent, necesse est. Contra verò in morbis *Chronicis*, ubi id licitum est, & valentissima medicamenta dare oportuit, ibi nihil agendo, aut inutilibus, nescio quibus, remediis, Hypothesi alicui hodiernæ *insistivis* (nam quo speciosior alicujus Hypothesis, eo formularum, ut video, remediorumque feracior esse solet) tempus trahendo, in perniciem tandem ægrotos præcipitamus.

Quod autem ad remedia nostrorum hominum attinet & quæ *nunquam*, & quæ *intempestive* in lucem veniunt, ex æquo respuo. Etenim, ut *arcana* Adeptorum nigro prorsus puerperio nascuntur, lucemque abhorrent; ita hypotheticorum hominum *abortiva* remedia fere tanquam inutilia cassaque, si non utique noxia, habenda sunt. Utrique fane homines monstra quædam, scilicet in authorum suorum duntaxat cerebro nata, pro remediis nobis passim venditare solent.

A *priori* quidem & morbos, eorumq; curationes expediri posse, votum est; *at donec* illud fiat, liceat mihi ex *posteriori*, nempe ex chirurgicis medicament. notitiis, cum veteribus, *tuto medicinam facere*.

At non is sum, qui veterum adeo de re medica doctrinam pertinaciter amplectar, ac si nulla ei accessio nova fieri potuerit: aut qui *speculationum commenta*, sive ea antiqua, sive hodierna fuerint, tanquam vana rejiciam. Etenim in utriusque insignem utilitatem esse libenter agnosco: in *illis*, certe ut medicamenta ab iis inventa, suis morbis recte adhibeantur; in *his* verò, ut cum morborum, tum remediorum rationes ex novis inventis anatomicis, chymicisve, pro summa foelicitate atq; indefessa hujus seculi industria, profectuq; in rebus naturalibus indagandis expediantur.

Cum



## A D L E C T O R E M.

Cùm verò ex novis nostris Medicinæ Scriptoribus alii sint; qui dum Philosophiam magni faciunt, rerum interim naturalium *diligens* scrutinium, ac si supervacua disciplina esset, despiciunt; hos vel eo nomine pessime de Medicina meruisse affirmo, quod cùm eorum *jejuna* Philosophia sit, nihilq; fere in rerum natura præter *meras fictiones* aut [ quod ad idem redit ] *chymica*, nesciò quæ, *commenta* jactitent; tam paucis tamen macrisque rerum naturæ imagunculis instructi, contra veterum dogmata, multiplici experientia ac certitudine stabilita, de novo *rem medicam interpretari* atque *exhibere* ausi sunt.

Alii autem ex iis quoque vituperandi sunt, qui veteribus modernisque prorsus inconsultis, spretisque, suam in morbis expiscandis facultatem, sua remedia, suam Philosophiam; quæ tamen, ut illi volunt, minime pro dignitate acquiri potest, at

*Qui facere quæ non possunt, verbis elevant,*

Suam insuper in Medicina facienda prudentiam, methodumque, suam denique experientiam, *trito*, si diis placet, & *naturali cogitandi modo* ( ipsissima eorum verba pono ) innixam, vehementer extollunt, omnemque præterea scientiam medicam, artem studiumque dialectices susque deque habent. Atque hæc hætenus, ipsas Exercitationes aggrediar,







# ELENCHUS RERUM MAXIME MEMORABILIVM

In unaquaque Exercitatione.

## DE HYDROPE,

<b>P</b> Ræfatio de Hydropē,	Pag. 1. &c.
De Potionibus, & earum variis generibus ;	2
Hujus Morbi descriptio brevis ,	4. &c.
Casus nonnulli varii cum remediis ,	5. &c.
Causa sive origo hujus Mali ,	16
Methodus Medendi ,	ibid. &c.
De Elaterio, & ejus virtutibus in hoc morbo ;	17. &c.
Succi radice Ebuli descriptio & virtus ,	21
Subtercus & Ascites quomodo differunt ,	ib.
Croci metallorum quales effectus ,	22
Iridis Succi usus & effectus ,	23
Euphorbii natura & Dosis ,	ib.
Bryoniæ albæ ad hoc malum virtus ,	ibid.
Gambogium quæ confert ad hujus morbi curationem.	ibid.
De Hydragogis metallicis, & imprimis de Squamæ æris virtutibus & variis dosibus.	24
De Flore æris ,	ibid.
De Ærugine æris ,	ibid.
De Atramenti sutorii virtute ;	ibi.
De Chalciti & Mysy Sory ,	ibid.
Magisterium Veneris unde confici potest.	25
De Lapide Cœruleo & Armenio ,	ibid.
De Lapide Lazuli ,	ibid.
Artificium Authoris in conficiendo Ens Veneris, sive Flores Salis Armeniaci eleganter cœruleos ,	25
Animadversiones quedam non inutiles , à pag. ib. ad fin. Tract.	

## DE DIABETE,

<b>D</b> Ifferentia inter Hydropem & Diabetem ,	28
Diabetes descriptio ,	ibid.
Casus varii hujus Mali, & eorum Curatio ,	30. &c.
De hujus morbi Causis ,	32
Varia præscriptiones ad hoc Malum ,	33. &c.
Digressio de Fontibus Medicatis ,	34
Fontis Novi Hoxdonensis aquæ Judicium ;	5
Fontis Streethamensis aqua describitur ,	ibid.
	Rationes



<i>Rationes precipuorum in Diabete Symptomatum exponuntur.</i>	37
<i>De hujus morbi Remedio,</i>	38
<i>Lac, Fructus omnigeni, &amp; vinum meracius ad hunc morbum debellandum valent,</i>	ib.
<i>Hieræ descriptio, &amp; ejus efficacia contra hoc malum.</i>	ib.

## DE HYDROPHOBIA.

<i>Hydrophobia quare sic dicta,</i>	40
<i>Unde hic morbus ortum habet, &amp; modus infligendi.</i>	ibid.
<i>Casus nonnulli verè mirifici,</i>	43. &c.
<i>Hujus mali ratio,</i>	48. &c.
<i>Remedia in hunc morbum varia sunt,</i>	51. &c.
<i>Mantissa de Corticis Peruviani exhibendi Tempore,</i>	55
<i>Animadversiones in Salium,</i>	57

## DE LUE VENEREA.

<i>Luis succincta at non inelegans descriptio,</i>	59
<i>Conjectura probabilis de hujus morbi Origine.</i>	ibid.
<i>Hujus Mali causa Efficiens,</i>	61
<i>Casus nonnulli, cum eorum remediis &amp; præscriptionibus,</i>	62
<i>Methodus Medendi,</i>	à pag. 67. ad fin. Tract.

## DE SCORBUTO.

<i>Scorbuti Descriptio,</i>	71
<i>Quibus differt à Luc,</i>	ibid.
<i>Ejus Causa efficiens,</i>	ibid.
<i>Historiolæ quædam cum præscriptionibus,</i>	75
<i>Hujus Morbi Remedia,</i>	79. &c.

## DE ARTHRITIDE.

<i>Ut distat Rheumatismus ab Arthritide,</i>	82
<i>Arthritidis Descriptio,</i>	ibid. & seq.
<i>Hujus Doloris Causa conjuncta &amp; antecedens,</i>	84
<i>Quæstiones quædam de Podagricis respondentur,</i>	85
<i>Historiolæ quædam cum præscriptionibus propriis</i>	86
<i>Prognostici illius, de hujus morbi insanabilitate, discussio,</i>	93
<i>Varia remedia contra hoc malum exhibita,</i>	95. &c.
<i>Juxta finem uniuscujusque Exercitationis dissertatur de Remediis ad Morbum propriis, &amp; eorum Natura &amp; Usu.</i>	





MARTINI  
 LISTER M. D.  
 TRACTATUS

DE

MORBIS CHRONICIS.

---

DE HYDROPE.

P R Æ F A T I O.



U M propter adversam Valetudinem , quâ , ingravescentibus annis , magis magisque affligor , vitam mihi minùs laboriosam & Domi , quantum ferant negotia , sedentariam , viribus restituendis ; libens amplector , quæ 26. annis & amplius quibus Medicinam feci , occurrerunt memoriâ digna , ea jam in lucem edere mihi haud injucundum est.

Veterum autem Doctrinam libenter sequor , quorum labores non negligendi sunt , ut moris est , nuperis quibusdam scriptoribus nostris. Addant , per me licet , emendent , illustrent , suisque quæque hypothesebus novis *facta* interpretentur : at vanum est , & levis & mali instituti ingenii indicium , *Authores multis seculis approbatos* , vel alto silentio tacere , vel perfunctoriè memorare. Imò verò , si eorum definitionibus & morborum descriptionibus non adhærebimus , *inutilis* erit omnis *Institutio*. Hinc in quotidianis consiliis nostris tanta discordia est , quasi Doctrina omnis Medica de lana caprina , ut de lacte gallinaceo , esset ; scilicet de rebus nusquam existentibus : Adeo , singuli videmur *autodidacti* , & minimè in Doctrinam aliquam *communem* consentimus.

At *nova* [ inquires ) morborum genera , & Epidemica *quotannis* oriuntur : Illa autem annua proles , ut opinor , cerebri vacui imaginatio & mera figmentata sunt , Veteribus attendant velim , ubi ea mala multò accuratiùs depicta



& in species diducta habebunt; ut eorum vana & supervacua diligentia sit. Atque hæc satis dicta sint de vaga, & instabili quorundam Medicinæ Theoria.

Alii autem sunt, qui *Medicamentorum* etiam *Paucitatem* jaſtitant; & de Ruina Scientiarum sese magni faciunt. At non credendum est his hominibus; meram ignorantiam, aut, ut mitius dicam, studiorum ignaviam, sive desuetudinem, & oblivionem prodeſtibus. Sed de his plus satis: ad ipsos morbos accedo.

Cum *Hydrope* autem incipiam: Ex tribus vetò Hydropicorum generibus, *Asciten* maximè intelligo. Nam cæteri rariores sunt; omnium autem rarissima Leucophlegmatia, si fortè in *Anglia* contingat, scilicet ex veterum descriptione & notitia. Is autem morbus è Popularibus hujus magnæ urbis quæ cæteris impresentiarum grassari videtur. Quòd autem res ita sit, appello *Rationes Publicas mortuorum, hebdomatim editas*. Cum verò is morbus longus sit, ejus increſcendi rationes à victu mutato quærendæ sunt: Nam Morbi Chronici ferè à nobismet ipsis, aut certe à causis quibusdam evidentibus, oriuntur. At inquis, Hydrops Ascites, ut per se incipit, ita sæpè alteri vetusto morbo, maximèque Quartanæ, supervenit; imò *omnium* morborum *vitium* veteribus dictum est. Respondeo, Morbos jam paucos esse, qui Chronici & Populares sunt, præter Luem Veneream, & Phthisin, de quibus infra plura dicere meditor. Febres verò Intermittentes minùs ex decennio grassatæ sunt; & ubi iis jam Homines afficiuntur, citò & tutò jam curari solent notissimo remedio ex Cortice Peruviano, sine metu alicujus Hydropis supervenientis; aliæ itaque causæ quàm quæ olim assignari consueverunt, investigandæ sunt. At in multis victus hodiernus hujus urbis salubrior est, quàm olim fuit; jam enim olerum plurimorum generum largior proventus; jam fructuum optimorum copia incredibilis est, quæ quidem olim huic urbi multum defuerunt, &, ad maximam vicinarum gentium admirationem, tota ferè *carnivora* fuit. Atque hæc dicta sint de cibo.

De *Potionibus* autem alia res est; siquidem multo deteriores sunt. Etenim *potiones Cerevisiæ* dictæ summa diligentia & arte olim confectæ sunt, & sine fraude ad maturitatè quandam coctæ, sive eæ meræ hordeacæ, sive cum lupulo conservatæ; jam verò falsi sumus, cerevisiæque *omnigenæ fucata*, &, minùs quàm par est, coctæ sunt. Fucum autem in coquendis cerevisiis faciunt plurimis modis, vel ipsius salis culinarii, quæ una ex Hydropis causis (huic fidem facit auctoritas Cæl. Aureliani, ex coadervata hibentium transvoratione, & magis si *salsa* fuerit aqua) vel calcis vitæ, vel sacchari fœcum (in quibus omnibus mira est vis cunctica) admixtione. Non opus est plura memorare. Aliam tamen *novam* causam intactam non relinquam superiori, nempe cerevisiarum sale confectarum valdè affinem; scilicet illa annua, & solennis Aquarum Mineralium, *sale calcario* ex abundanti saturatarum, ingurgitatio. Etenim hæc jute merito & supra modum salis aquis, iisdè nque insuper purgantibus, annumerandæ sunt; adeoque duplici nomine illarum helluones male mulctari possint. Profectò apud eundem antiquum authorem & frequentata medicaminum potio, ac falsi alicujus liquoris potus, æquè perniciosi habentur.

Ad hæc, *Pomatia* & *Vina* quomodo adulterentur extant *Tractatus*, ab ipsis  
 rerum



rerum maleficarum authoribus publicati. At hæ potiones usitatæ , & semper Angliæ notæ fuerunt ; in his adeo vitium , si quod sit , bibendi excessus est ; una quidem è causis Hydropicorum notissima , & tamen pauci apud nos Hydropici , nisi his nuperis annis.

Amplius itaq ; de Potionum generibus quæ nobis restant , inquirendum est. En autem *nova* earum *progenies à Vino* , & cerevisiis uctis , sive igne tostis , *Spiritus vini dicti* ! Hæc fundi nostri calamitas est ; hinc illæ lacrymæ ! Etenim hi Spiritus , sive meri , sive multo lenocinio medicati , si assidue & multum bibantur , plurimos in Hydropem præcipitant. Atq ; utriusq ; ferè sexus deliciæ sunt ; & privatim apud mulieres varia arte certatim confici solent : imò verò nos ipsi Medici culpandi sumus , adeo omnia alexipharmaca apud nos vilescunt præ istiusmodi spiritibus medicatis : illorum tamen usum laudo ; & abusum tantum & excessum jam vehementer reprehendo.

Ut autem rem planè conficiamus , scire oportet Spiritum vini dictum esse ex *Sarcoticis* , quæ scil. carnem exedunt : idq ; certo constat ex lotione vulnecum , gingivarum , & ubi faciei , fuci loco , adhibetur : nimirum vehementer abstergit , non sine levi aliqua ustione ; isq ; si assidue utatur , exedit , inflammat. Atq ; idem est is Spiritus vini in Stomacho , qui fuit extra illū , nempe ad alias exteriores corporis partes admotus : imò verò inassuetis non aliter gulam afficit , quàm si quis vivū carbonē devorasset.

Qui autem hujus potione se ingurgitant , & Hydropici futuri sunt , primum stomacho laborant , dolent præcordia , ad frigidas & leviores potiones ferè nauseant , & non merentem stomachum accusant , quasi is naturaliter infirmus esset ; cum revera nihil aliud est , quàm ut ipsi suis deliciis lenocinentur. Nam ita quidem est , spiritu vini dicto nihil *plenius* est ; adeo ut his hominibus , vel ipsum venenum ad vitam eorum conservandam necessarium esse videatur. Tandem ipse Stomachus corrumpitur , à cuius vitio digestio ciborum integra non fit , adeoque noxius humor in perniciem corporis paratur , tumoremque inferre consuevit ; unde paulatim aqua in Uterum contrahitur.

I Cujus rei rationes ita deducam : in primis illud è cadaverum Hydropicorum dissectionibus abundè constat , stomachum eorum admodum extenuari , & rubore suffundi ; nimirum ejus internas fibras , sive villos à Spiritu vini exedi , ipsūque viscus inflammari , unde chylus crudus & lentus conficitur : à chylo autem lento ferè pedum tumor , à quibus paulatim in ventrem ascendit aqua.

Ut autem clariùs intelligatur , quomodo à stomacho corrupto chylus viscidus fiat , sic calculum ponamus ; nempe , concoctionem fieri ab humore aliquo *intus* perspirato , qui subitam putredinem in stomacho & intestinis conciliet. Istiusmodi autem putredinis concoctricis unica ratio est , ut dissolvatur & diffluat cibus : unde ciborum putrescentium summa teneritudo est ; imò verò vel ipsius Ichthyocollæ , quæ lentissima res est , dissolutio & aquatio est : illud autem superiore aliqua exercitatione satis , ut opinor , probavimus. Contrà verò , ubi stomachus tenuis & inflammatus est , cibum portionemque protinus vel vomit , vel deorsum in intestina festinanter illum detrudat , certe crudum minùsque coctum , *i.e.* lentum viscidumq ; Nam ut chyli *aquatio* digestionis ratio est ; ita ejus *lentor* cruditatis sola notitia est.



Chylus autem crudus sive lentus sanguini non ita facile permiscetur: hinc fere intestinorum lævitas; & cum intra venas semel receptus est, admodum difficile per communes cloacas rursus ejicitur; sanguinisq; adeo circuitum per venas capillares tardat, impeditq; Atq; hinc omnium malorum in Hydrope facilis intelligentia est. Nempè, stomachum diximus, ut viscus primarium officio suo potissimum labefactari, totumq; hominem in malum habitum converti à chylo crudo, lento & crasso. Princeps itaque causa hujus mali stomachus vitiatum est; unde inter præcipuas Hydropis notas à *cibo alienatio* stomachi est; item difficilis *spiritus*; scilicet à pigritia sanguinis motus; item propter eandem sanguinis ad movendum ineptitudinē; facies, *brachia*, & reliqua corporis *superiora* admodum *gracilia* fiunt: ad hæc quoq; ipse corporis *situs* plurimum facit, ut humores crassi & frigidi in locum *declivem* deorsum maximè defluant; *Pedum tumor* oedematofus, interdium magnus, noctu minor; nempè, in arteriis & venis quodammodo stagnat lentus sanguis, & propter situm eorum pendulū interdium egrè sursum promovetur; atque ob eandem rationem situs in decubitu contrarius aliquantulum sursum sanguinem propellit; à digito impacto in *cruribus* locus *cavus* & diu perseverans antequam restituatur: nimirum, ipsa vasa sanguinea assidue præter modum distenta, tandē emolliuntur, resolvunturq; unde partium vigor & restitutio ex toto periit: stagnationem verò temporis processu ipsa *extravasatio* excipit, & vel per se, vel levi de causa crurum exulceratio, & aquæ spontanea eruptio fit: ad hæc, tumor & sonitus liquoris *fluctuantis* in utero; ubi scilicet extra venas aqua liberè inter Peritonæum & intestina infusa est. *Ingens sitis & lingue ariditas* scilicet, cum pituita oris & faucium ex propria sua natura lenta sit à viscida & crassa lymphâ minimè suppleri potest. *Urinæ pauca, crassa & rubra*. Sudor nullus; nec enim in ipsis balneis sudari apti sunt; scilicet propter defectum stimuli, id est, salis Urinosi: nam in chylo crudo & lento sal urinosus non extricatur; renēsque adeo, cæterique cutanei ductus, nec urinam, nec sudorem conficiunt, quod sal deficit, qui excoquatur, *Tussis sicca*, nempè in arido pulmone pituita ex toto deficit.

At non ignoro præter cruditatem, alias Hydropis causas, etiam cum per se incipit, à veteribus expositas esse; ut copiosus frigida potus, cibus flatulentus, & Buprestes: id autem animalculum facit stomachi infinitum dolorem, totumque corpus in speciem Hydropici inflat. At, cum hæc inter rarò contingentia, maximè nostra Insula frigidior, numerari debent, eas nominasse satis esse videtur.

Ultimo verò loco ad Hydropicos *Curandi rationem* & remedia ventum est. Una autē & præcipua medendi intentio est, nimirum, stomacho pristinum suum vigorem restituendi, eque corpore illum amovendi: primum lenioribus, mox si vehementius malum est, valentissimis medicamentis, cujuscunque demum generis ea sint.

Cum autem *Remedia*, quæ nos experti sumus, sparsim in *Adversariis* nostris literis mandavimus, ut eorum supervacaneam repetitionem vitem, ipsos Ægrotos cum remediis, prout raptim à me, sed *fidelissima* narratione olim exarata sunt, transcribere bono publico non gravabor.

Illud autem te monere volui, me nihil præterquam meras Historiolas dare statuisse; sed cum aliquot conjecturæ nostræ, & annotatiuncule passim, ut vi-

deo



deo in his schedis, occurrant, cūque eas olim exercitii causa, cōmentatus sum; eas jam cum remediis cōmunicare cogito, quòd opinioni nostræ suffragia satis benè commodabunt.

Item illud alterum Lectorem scire volo, me in aliquibus Ægrotis remedia omisisse, in aliis verò plerisque adjecisse; vel quòd frustra fuisse, vel quòd à me omnino nulla adhibita sunt. Ubi autem profuere, ea omnino fideliter narravi.

## ÆGROTUS I.

### Ex Ebrietate.

S. Quidam (*Browning*) mediæ ætatis vir, strenuus, assiduus, infinitus Potator, omnium Potionum & hominum homo, at tenuis, pusillus, facie subflamea, ex catharro tunc temporis epidemico, aqua inter cutem vehementer affectus est; ei pedes & femora & imus venter mirum in modum intumescere, Urinæ Rubræ & Crassæ vix uncias aliquot 24. horarum spatio reddidit, quamvis præ ingenti siti aliquot congia quotidie siccavit.

Hunc autem sic ad pristinam sanitatem restitui intra 14. dies. Femur utrumque ex interna parte incidere jussi longâ & profundiore plaga, cui injectum est lineamentum tortile, penicilli ad instar, unguento Apostolorum dicto illitum.

Potionis tantum libram, pro sua optione ex quo genere illam habere voluit, diei noctisque unius spatio, permisi; idque religiose observavit, non sine maximo tormento & inquietudine. Singulis autem quibusque tertiis diebus hominem sic purgavi: [ & Succi Ireos ℥iiij, Mecoacan. gr. x. Julap. ℥i. m. f. Potio ] quo vehementer alvus mota est. Etiam si verò [ N. B. ] vigesies minimum dejecit, tamen Potionis modum quotidianum ne hilum quidem auxi.

Post decem autem dies Tumor ex bona parte desit; & jam sitis fit tolerabilis.

Postremò Hydrope siccata, aqua absinthii stillatitia usus est, in qua rhabarbarum maceratum est: idque ad confirmanda viscera. Convaluit, at Fonticulos in utroque femore cautè nutrit, & à potione abstinentiam ad plures menses observavit.

## ÆGROTUS II.

### Ex Sanguinis sputo.

S. D Omina Woodburne de Skipwith, minimū quinquagenaria, incautè verò, ex gravi tussi Sanguinem Spumofum copiosè excreavit; ad Sanguinē autem comprimendum, is quinquies è brachio missus est hebdomadæ spatio, nam toties malum recrudit.

Ipsè autem sanguinem, è brachio eductum, maxime refrigeratum, quotidie diligenter inspexi, cūque magis magisque ex parte rubra, concreta, diminui notavi; adeò ut ultima phlebotomia in 10 circiter Sanguinis unciis, concretum rubrum in medio Sero innatans vix latitudinem sesquiunciam & crassitudinē



octavæ partis digitis æquabat, ut qui Sanguis jam videbatur, mox totum ferè Serum fiebat. Post aliquot autem hebdomadas eadem mulier Ascito vehementer affecta est, ventre admodum ex aquæ abundantia intumescente. Plurima verò frustra data sunt; tandem in hoc medicamento convenimus ego & alii duo mecum Medici seniores Eboracenses, *Wittie & Tailour*, quos honoris & meritorum causa posteris commendo, (℞. *Succi Ireos* unc. j. *Elaterii* g. iiij. *Salapii*, *Mecoacan.* an. gr. xv. m. f. *Potio* :) eo autem vehementer purgata est: atque aquæ magna copia ex abdomine educta est: & quæ antea fere semper ob ventris pondus in lecto decubuit, domo exiit, & per viciniam ambulavit: ob sævitiam tamen medicamento Medicos omnes dimisit. At post 6 menses eo ipso morbo ruri mortua est.

*Annotat.*) Hæc autem faciunt ad intelligentiam morbi; Venis aliquibus majoribus intra abdomen ligatis in vivo aliquo animali ex sero alvus brevi repletur ut Anatomici perhibent. Item si venæ Renales ligentur, & aliquis liquor Syphone in arteriam injiciatur, exiit per ureteres, ut Bartholinus filius author est: item ipsam vesicam felleam Phthificis interdum refertam fuisse sero planè insipido, albo, pellucido, & igne in mucaginem albicantem coagulato, uti perhibet *Benedictus noster Theatro Tabidor.*

Venæ igitur pulmonis utriusque generis primum infarctæ sunt lento sero: à quo impedimento sanguinis serum ab arteriis Asperæ Arteriæ effunditur in vasa glandularum excretoria; imo hoc non rarò accidit etiam arteriis & venis integris non crosis, sed per se apertis; & in hoc casu multò serosior factus est sanguis ab ipsis remediis.

Etenim detur sanguinem ipsum sanguificare, sequetur, quò pauperior & debilior is, eò difficilius chylum in sanguinem converti; at is sanguis debilis est, qui crassamento sanguineo (qui in nobis vere sanguis & solus putandus est,) ex magna parte exhaustus est, novus quidem chylus in venas in dies recipitur, & sanguini commiscetur; sed fere crudus is permanet, adeoque serum quidem, non autem sanguinem propriè sic dictum, is auget: illud autem serum crudeum, ubi ad plenitudinem assurgit, sanguinem aggravat, ejusque motum impedit, & quia per excretionū officinas, pulmones puta, renes, cutisq; poros, satis copiosè amandari nequit, ipsis extremis tibiariū venulis heret; & in ipsum abdomen tandè transfunditur mediantibus arteriis, excretoriis glandularum vasis per anastomoses commissis.

Jure autem hic quaeritur, mulieri hæmoptoicæ cur Ascites superveniat; cum alias gravidæ mulieres, etiam non rarò vetulæ, sterilesque ingentem sanguinis vim ex utero profundunt, at rarò aut nunquam idcirco Hydropicæ fiant? Respondetur positus esset, item illius partis venas admodum increescere solere, adeoque sanguinem in se multum continere posse: ex quibus colligo multum sanguinis ex utero posse profundi de suo penu, reliquo corpore fere integro, aut certe parum prò ratione sanguinis exhausto, Atq; idem cogitare debemus de differentia inter naturam assiduam hæmorrhagiam, à qua non rarò Hydrops, in viris, & eorundem hæmorrhoidalium venarum vastam profusionem; nam hæ quoq; venæ tam in viris quàm in foeminis ob magnum sui incrementum & tumorem, sanguinis copiam



am præter fidem in se continere solent, quasi extra corporis œconomiam deponeretur. His adde, *Simplicem* sanguinis, quamvis maximam, profusionem; sive à vulnere, sive alias in corpore sano, Hydrops rarò excipit.

## Æ G R O T U S I I I.

**D**Ominus G. Blacket, miles, sexagenarius minimum, diu valetudinarius, ex vehementi equitatione, & quod jecur glande plumbea è sclopeto minore transfixum aliquando habuit; item quòd, nescio qua febre intermittente, ut videbatur, diu languit: huic autem sanandæ fontes medicatos atramentosos sive ferrugineos agri Eboracensis diu & multum hausit. Exeunte autem æstate, Febris Cortice Peruviano ex toto depulsa est, hinc narium hæmorrhagia fere quotidiana; eo autem tempore huic corpus plenius, alvusq; ex multis annis liquida, scilicet ter quaterve quotidie, responderet.

Ineunte verò mense *Octobri*, venter paulatim intumuit, sudorésq; nocturni ex Febre orti, jam ex toto desierunt, & sub hoc tempus planè Asciticus fit cum tussi gravi & vomendi cupiditate.

Meæ autem Curæ jam primum sese comisit; quod verò eo tempore forte D. L. Rigley senex Medicus *Londinensis*, Eboraco comorabatur, mihi socius datus est, is autem chymie valde addictus est, & in ea arte admodum peritus, per trinos autem menses ipse adhibuit remedia sua, me quidem consentiente, & eorum effectus, cum necessarijs ægri, expectante; sed frustra data sunt.

*Inter Diuretica illa sumpsit, viz.*

Liquamen Lumbricorum terrestrium cum sale Absinthii ex Vino Albo, aut Rhenano.

*Item*, Balsamum Judaicum verum circiter ʒj. quotidie ad ʒiij.

*Item*, Semen Genistæ contritum ad ʒj. ex Vino albo.

*Item*, Allii Jusculum supra fidem sapidum & valens.

*Item*, Cataplasmata ventri admota sunt ex ruta, cochleis contusis, sulphure, radice Brionie, &c.

*Item*, Empl. Sycyonium.

*Inter Chymica verò hæc data sunt, viz:*

Bezoar Joviale ad gr. vij. bis quotidie. N. B. Ab hoc medicamento alvus vehementer conturbata est cum importuna deijciendi cupiditate.

*Item*, Flores Antimonii, fixi dicti, ad gr. x. cum Diagridio: hæc autem medicamenta ultimò memorata ipse D. L. R. confecit. N. B. Ab hoc medicamento vomuit & deiecit non sine infinitis torminibus.

*Item*, Postridiè viridem bilem vomuit, & inhorruit, quam ardor vehemens excepit, & madore quodam subobsкуро desiit: & ex hoc medicamento diarrhœa molestâ affectus est.

Ipse jam ex febre putrida decubui, & ferè per integrum mensem foras non exii; ipse



ipse autem recuperatus hæc porrò præscripta inveni à D. L. R.

Rhabarbari cum Absinthio ex aqua frigida ter quotidie ad Diarrhœam comprimendam: Item *Terræ, Japonicæ* dict. ex aq. Cerasorum ad viscera firmanda.

Deinde ad 14. dies hoc Diuretico usus est, [ *Rx. Vini Rhenani* ℥ iij. *Ciner. Rad. Bryoniæ, Absinth. Juniper. Persicariæ an.* ʒj. ] Hujus Lixivii ad ʒiiij. aliquoties in die sumpsit, interdum Seminibus Genitæ, & Urticæ Romanæ additis.

At hæc omnia frustra fuere: nam aqua magis magisque abundavit, sitis intolerabilis, nec ulla Urinæ quantitas supra consuetam mensuram.

Jam in lectum amplius decumbere non potest, sed in sella pensili apertis, foeminarum more vestimentis indutus residere solet: item tussis multò molestior ob pituitæ vitree lentorem. His adde, dorsum etiam ad spinam digito premienti cedens, virēsque admodum labefactatæ.

His visis, humanissimè rogavi ut vices mihi quoque daret præscribendi, neq; id tamen obtinere potui sine multo jurgio: ad hydragoga tandem venimus.

Medio itaque Januario sic præscriptum est, ( *Rx. Succi Hepatices* ʒi. *β. Succi Rad. Ebuli* unc. j. *Elaterii gr. ii Vitelli Ovi n. 1. Sacchar. Cand.* ʒi. m. f. *Potio.* ) N.B. Ex hac Potione sumpta xvj. minimum libras aquæ citrinæ dejecit. Quamvis primis horis frigide sudavit, & pulsus exilis fuit, tamen restitutus est, & placide ea nocte decubuit, ac in lecto dormivit: item toto postridie aquas dejecit magnis, at raris sedibus.

Post Triduum verò vires supra spem rediēre, quamvis interim parum aut nihil nutrimenti sumpserat, sc. à solis aquis ejectis levatus est: venter autem lino mensus ad tres digitos detumuit & crura pro ratione. Stomachum verò adeò non læsit id medicamentum ut jam cibum gustare potuit, quod antea ex multis septimanis non fecerat.

Intermissis autem aliquot diebus Elaterii granum dimidium tantum, ex succo Ebuli ʒvj. sumpsit, cum Euphoris. Atque iterum Jalapii gr. xv. ex succo rad. Ebuli unc. j. Jam magna spes convalescentiæ affulsit, ac cibi appetentia admodum rediit: & vehementi pruritu affectus est, quod non inter mala signa numerari solet. Denique Cortic. Peruv. unc. j. in pilulis præscripsimus, quod ante faciendum erat: ac nec de eo remedio, nec de Elaterio convenire potuimus: adeòq; nobis valedixit æger, & iter plurium dierum in vehiculo ingressus est, quod strenuè & foeliciter confecit, ipso tamen eodem morbo, æstate exeunte, mortuus est.

Aqua venis concepta facile effundi potest, at quæ natat peritonæum & intestina solo *Elaterio* aut *Euphorbio* educitur. *J. Hearnius ad Aphorism.* Quod Ptormica faciunt in naribus, idem hæc medicamenta in intestinis efficere videntur; i. e. pituitam vehementer movent, scilicet è glandularum ductibus excretoriis, quibus infinitis intestina scatent, aquam valide exprimunt.

#### Æ G R O T U S I V.

J. **D** R. B. Miles, de M----quadragesarius, ex gravi & diuturno Ictero sanguinem copiosè semel atque iterum vomuit, item frequenti sanguin



guinis è naribus hæmorrhagia affectus est: tandem gravi Ascite correptus est. hujus venter adeò distendebatur, ut sedere vix potuit propter tumorem rigidum; tantum supra dorsum decumbere potuit rectà protensis pedibus: è rure in oppidum R... transferri se jussit, ut *paracenthesi* aqua educeretur; nam reliqua remedia vana credita sunt. Me vocavit: sic morbo supra modum vehementi occurrendū censui, [ *Rx Decocti Eptithymi ℥iiij. Syrup. è Spina Cervin. ℥iiij. Elaterij gr. v. m. f. Potio.* ] Eodem die ad tria minimū congia aqua purgata est: idem autem medicamentum ad intervalla aliquot dierum bis amplius sumpsit & convaleuit, & jam post 12. annos superstes & sanus est.

## ÆGROTUS V.

S. D. *Place de Dinsdale*, sexagenarius & tres annos amplius, ineunte Junio Ascite vehementer affectus est: huic autem malo initium dederunt vigiliæ hybernæ spontaneæ ad multam noctem, item victus & potio liberalis, sine ullo exercitio. Hæc primū cruditates movebant facilius in sene. Ejus autem morbi ad meum adventum hæc erat conditio; Modica sitis, at ciborum fastidium, anhelus, & ad omnem corporis motum, propter spiritūs angustiam, piger; in lecto decumbere vix amplius potuit, propter nescio quem stomachi motum, ut aiebat, convulsū, tantum non exanimantem, vomitūque & tussim graviter excitantem, omnium maximè affligens symptoma pulsus debilis & admodum citatus, urina paucā & biliosa, pars ventris inferior rigida & ad umbilicum usque distenta, digito tamen prementi cavitatem cedens & diu retinens; item tibiæ similiter & femora valde tumefactæ: in his verò à vesiculis quibusdam per se ortis & disruptis tenuis humor assidue ferebatur, item in tibiis ingens inflammatio indies aucta; in decubitu & aliàs, murmur & fluctuatio aquæ in ventre clarè audiebatur, alvus liquida bis tēve quotidie per se respondens.

Huic protinus hujusmodi Hydragogon propinavi, [ *Rx. Elatepii gr. iiij. Jalapii gr. XX. Syrup. Violar. ℥j. Aq. Mirab. ℥℔. m. f. Potio* ] 18. libras aquæ eo die sine magno languore, nisi in prioribus sedibus, dejecit.

N. B. Eo die Spiritus multò facilius redditus est, placidèque in lecto quievit, quod ante ex multis septimanis facere non potuit; tussis & vomendi desiderium ex toto desierunt, ex parte quoque venter & tibiæ detumuerunt.

Tertio verò die ab eo medicamento sumpto alvus non amplius per se respondit; atque adeo idem medicamentum iterū datum est, à quo cum minore languore aqua copiosissime dejecta est: jam abdomen fere & tibiæ aqua ex toto exhaustæ sunt.

N. B. Quamvis secundā hac purgatione aquæ adeo copiosè motæ sunt, tamen tibiæ detumescencia non ante nocturnum decubitum apparuit; unde liquet venas sive aquæductus intestinis propiores primum exhauriri vi medicamenti; quibus exinanitis, prono corporis positu, illi tibiæ alteri humorem suum refundunt.



Post Triduum verò, aëre admodum æstuante, tertium item medicamentum purgans sumpsit cum optimo, ut ante, effectu; nam, non solum aqua jam ex omni parte exhausta est, sed & tibiæ inflammatio atque ulcera ex toto sanata sunt: viro generoso & optimè merito valedixi. Quartum, medicamentum sumpsit, & nescio quo pulvere diuretico ab Agyrtâ quodam post meum discessum usus est. Ineunte autumno Hydropicus mortuus est.

[ Illud notandum est, Elaterium, quæ istius medicamenti summa commendatio est, dejectiones movere, authore Dioscoride, citra stomachi injuriam.

Illud insuper quæro, cum in Hydrope tussis vehemens moveri solet, & Elaterio sedari, an non eadem in Phthificis Tabidisque etiam Elaterio parcedato tollatur?

#### ÆGROTUS VI.

S. S Exagenarius quidam Pauper diu miseram vitam Hydropicus traxit, huic vehemens sitis, tibiæ, abdomen, scrotum, & ipse penis admodum, vesicæ instar, tumefactus, urina rufa & pauca, è tibiis altera per se ulcerata, valdè suspiriosus cum assidua Tussi; ciborum nulla appetentia.

Mense autem Decembri in intenso Gelu sic hominem purgavi, [ ℞ Elaterij gr. iiij. Jalapij ʒj. m. f. Pulvis, è cochleari lactis cocti dand. ] Eo modicè alvus mota est: post biduum verò idem medicamentum sumpsit; jam vehementer dejecit; detumuit abdomen, scrotumque. Ad idem intervallum tertio datum est; modice, ut primo, dejecit. Ad idem intervallum sic amplius præscripsi, [ ℞ Elaterij gr. x. Salis Gemmei scrup. j. Mivæ Cydoniorum q. s. f. Bolus ] Benefecit; semel in principio vomuit, decies dejecit; jam non amplius cibum fastidivit, atque Ulcus in Tibia per se sanatum est. Ad idem intervallum sic quarto præscripsi, [ ℞ Cortic. Peruv. ʒj. β. Elaterij gr. v. Salis Absinthij ʒss. Syrup. Cydon. q. s. f. Bolus. ] Summo mane datum est, hominem autem non ante horam tertiam movere cœpit; eo autem modicè dejecit: idem postea medicamentum singulis septimanis cum Euphorîâ cepit. Item medicamentum, jam aquâ sublatâ ex bona parte, etiam ex Vino emetico dedi, at semel tantum post tres horas vomuit, & modicè dejecit.

Cum autem hic vir subito recidivam pati consuevit, ei Elaterij gr. x. cum Sale Gemmeo singulis septimanis ad tres menses dedi, quod toties facilè tulit.

N. B. Deinceps ad viscera confirmanda Agarici ʒj. ex fero lactis, ad plures dies sumpsit; neque ab eo alvus mota est: id verò medicamentum, ut superiorum remediorum antidotus est, ita & ipsius morbi.

Cum sit virosissimum medicamentum Agaricus, tamen supra omnium opinionem est, quod ad stomachicos evidenter convenit, ex vererum fide & nostra experientia.

Item, Lapidis Armenij ʒj. processu temporis sumpsit, à quo admodum levatus est.

Item Magisterij Veneris, modò ex squamâ æris, modò ex Vitriolo Romano confecti ʒj. data est: ab eo autem vomuit & vehementer dejecit.

Is autem senex medicamentorum ope (nam Elaterium ad gr. x. vigesies minimam sumpsit, & magisterium æris sive vitrioli sæpius ad ʒj. præterlia; multa hydragoga, ex mea largitione dono data) vitam ad 16, menses



ab incepta nostra curatione protraxit : tandem ex toto corpore subito abdeo intumuit cum vehementi spiritûs angustia , ut ferè à vicinis tanquam mortuus existimatus est. Cui tunc temporis sic præscripsi , [ *Rx Succi Ebuli ℥j. Iridies ℥ß. Elaterii gr. x. m. f. potes.* ] Ab hoc medicamento vix credibile est quantû humoris aquei & pessimè foetentis & vomitu & secessu excrevit. Deinceps per aliquot septimanas Magisterij Veneris ad ℥ij. aliquoties cepit magno comodo : & ad octo amplius menses satis benè se habuit. At tandem mediâ brumâ mortuus Hydropicus est.

Ita desperatus Hydropicus Senex ad biennium vi medicamentorum valentissimorum in vivis conservatus est.

## ÆGROTUS VII.

S. **C**olonus *D. Harrison* , incipiente autumno , febre intermittente , Tertianâ puta. , affectus est : is diu eâ ad brumam usque laboravit : tandem Cortice Peruviano parcè dato ob hominis paupertatem ) quòd eo quidem tempore Cort. Peruv. libram 12. aureis nummis nostris , *Guineas* dictis , redemimus ) ex febre convaluit : at subito Ascite correptus est cum vehementi siti ; inter alias corpori : partes Scrotum & ipsæ scapulæ immadæ quantum intumuerunt !

Sic verò hominem recuperavi , [ *Rx Cortic. Peruv. ʒß. Salis Gemmei ʒß. Elaterij gr. ij. ß.* ] Vomuit aliquoties , & semel tantum dejecit. Postridie idem medicamentum datum est , sed aucto Elaterio ad gr. x. & sale ad duplum Elaterij , attamen intra dimidium horæ vomuit , & ter tantum dejecit : tamen multum levatus est. Post biduum autem sic præscripsi , [ *Rx Cortic. Peruv. scrup. j. Sal. Absinth. ʒj. Elaterij gr. x. m. f. Bolus.* ] Quod medicamentum ex maximâ parte retinuit , tēq; tantum dejecit : supra finem restitutus est. Porro singulis septimanis ad ʒß. Elaterij similiter compositi , dedimus , ferè aliquoties vomuit , & post aliquot horas ter aquam copiosè dejeit , & jam febris intermittētis leves aliquot accessiones redierunt. Convaluit.

N. B. Illud præcipuè notandum , Elaterium magni æstimatum esse apud Antiquissimos Medicos , ut hæc vox quandòq; omne purgans denotet , ut *Comentatores Medici* rectè observârunt ad *Theophrast. Histor. 6.* Illud verò ad *magnos mortalium usus* confectum esse *Plinius* affirmat. Sed ab iis simplex & per se exhibitum est : nec equidē laudo conjuncta cathartico aut correctiva dicta præter unum Salem Gemmeum , ob nimiam stomachi nauseam , ne citius vomatur , quàm vim suâ exerat. Atq; hoc , nisi aliud suadeat morbus aliquis , cui Hydrops supervenerit.

## ÆGROTUS VIII.

S. **P**Uero cuidam ( *Bathe de Holden* ) quatuor annos nato , ex multis mensibus abdomen valdè distendebatur ; at ex sinistro latere multo magis : item totis noctibus vehementer sudavit ; faciei insignis pallor , item nariû hæmorrhagia penè quotidiana.

Huic autem malo sic occurrendum putavi , viz. [ *Rx Elaterij gr. j. Sacchar. Cand.*



℥j. misce, detur è cochleari cerevisia. ] Septies vomuit, tēque deiecit: non sudavit, nec ea, nec altera ab ea, nocte; non amplius sanguis è naribus destillavit. Postridie sic præscripsi, [ ℥ Syrup. de Epithymo comp. ℥j. ℥. detur ex cerevesia. ] Ter alvus mota est; et amfi sudores redierunt, tamen convaluit.

## ÆGROTUS IX.

℥. **P**uer quidam ( *Arnold* ) undecim annos agens, ex longa Quartana admodum distento ventre & stomacho, laborabat; sic autem præscripsi, [ ℥ Lapidis Lazuli ℥iiij. Semin. Hyperici ℥j. Syrup. è Cortic. Citri q. s. f. Bolus pridie ante paroxysmum sumend. ] Id verò medicamentum nihil puerum movebat, nimirum ab eo vomuit, nec deiecit; at multo alacrior se habuit: accessit die suo febris: die verò proximæ futuræ accessionis, quæ vespere accedere consuevit, summo mane illud sumpsit, viz. [ ℥ Sem. Hyperici ℥j. Magisterij Erubini Rasæ ℥ij. Conserv. Flor. Boraginis, Syrup. è Cortic. Citri q. s. f. Bolus in Obeliis Devorand. ] Ab eo autemter deiecit, & vigesies minimum vomuit, febris autem non amplius accessit: venter detumuit mirum in modum. Convaluit.

## ÆGROTUS X.

℥. **V**IR quidam mediæ ætatis Hydropicus ex diuturnâ Quartanâ; is autem ex toto corpore, etiam ipso capite, mirum in modum intumuit cum vehementi siti. Huic, die altero integritatis, Magisterij Veneris ex ℥j. Syrup. violarum propinavi, ferè nihil deiecit, quòd protinùs vomitu rejectum est: postridie verò idem sumpsit, & ab eo primo die ter vomitu & per biduum vehementer deiecit; quarto verò die vix in ulla parte corporis præter naturam intumuit, nec febris amplius accessit, nisi admodum leviter circiter 15. diem.

## ÆGROTUS XI.

℥. **M**Ulieri cuidam gravidæ, 46 annos natæ, ad ultimos gestationis menses intumuerunt supra modum tibiæ & abdomen; ipse venter impactis digitis cavus cedebat & diu permanebat cavitas: item huic difficilis spiritus, urina pauca, crassa & rubra; alvus fluebat; in superioribus summa macies: ad statum tempus vivum infantem peperit, ipsa autem puerperio mortua est.

Biduo ante puerperium vocatus, excepta Lapid. Lozuli ℥j. à quo quater deiecit cum euphoria.

## ÆGROTUS XII.

℥. **M**ediæ ætatis viro, olim Lue Venereâ male vir multatus, exeunte autumno febre correptus est cum gravi cordis palpitatione, & vehementi



menti spiritus angustia, & siti, item tussi purulenta & sanguineis fibris intersperso pure; adeo à necessariis imbecillus visus est, ut nec sanguinis missionem, nec carthartica adhiberi voluerunt, tantum Diuretica nescio quæ propinârunt: cum res post mensem ad Hydropem Ascitem plane spectaret ex tibiis vehementer inflatis & ventre distento, me vocârunt: jam amplius in lecto decumbere non potuit: hujusmodi medicamentum propinavimus, [Rz. *Succi Treos vulgaris* ʒß. *Succi Radicis Ebuli* ʒj. *Elaterij* gr. vj. m. f. *Potio.*] A quo duodecies dejecit, eâ nocte optimè in lecto quievit, & placidè dormivit. Empl. Epispastic. tibiis admovere jusseram, quod omnino necessarij fieri prohibuerunt: adeoque postridie Agyræ cuidam traditus est, & brevi post Hydropicus mortuus est.

## ÆGROTUS XIII.

§. **F**aber quidam Ferrarius quinquagenarius, ex frigore gravi tussi affectus est: media autem bruma ciborum appetentia desit, mox intumescere tibiæ, item ipse venter valde inflatus est. Huic sic præscripsi, [ʒ *Lap. Lazuli* ʒj. ß. *Elaterij* gr. j. *Confect. Hieræ, Diacolocynth.* ʒj. m. f. *Bolus.*] Aliquoties vomuit, at alvus vigesies minimùm mota est, non sine gravi lucta, quamvis vir fortis fuit; sed postridie vomitum & dejectiones compressi exhibito Mithridatio ex aq. Menthæ: die autem tertio vehementer lætatus est, quòd aquam sibi ex omni parte corporis exhaustam vidit. Convaluit.

## ÆGROTUS XIV.

§. **M**ulier quædam 35 annos nata, primò in manibus, mox in ventre, & tum demùm in universo corpore, intumuit; ei ingens sitis, & aphtha in ore, assiduus singultus, spiritus admodum difficilis & anhelans: in hoc moribundo statu foeminam primùm vidi, at morbo ex 7 minimùm mensibus laboraverat, multa remedia, & ad urinam, & ad alvum movendam frustra data sunt; ab aliquot mensibus in lecto amplius decumbere non potuit: illicò autem ei *Elaterij* gr. v. ex Vini Hispanici haustus Propinavi; multùm & vomuit, & dejecit & facile tulit remedium; eaque ipsa nocte in lecto placidè decubuit: die autem tertio *Elaterij* gr. vj. cœrulei nativi optimi ʒj. ß. similiter sumpsit: & protinus, compressis naribus, non vomuit, sed plurimùm alvus mota est: levari visa est. Cum autem ex aphthis valdè ulceratis cum assidua Salivatione, forte ex Mercurio dulci ante dato, aut multo lixivio factis, ab aliis medicamentis dandis abstinere coactus sum.

Bis tamen postea medicamentum supra dictum datùm est, cum Euphoria: detumuit venter, cæteræq; partes corporis pro ratione, ad 15 diem à meo adventu cum summo pedum frigore, inhorruit, & febris paroxysmo correpta est. Se olim eâ affectam esse jam primùm nimis tardè didici, sanguinis gravis Hæmorrhagia



media accessione orta est, quam difficilimè comprimere licuit. Cortic. autem Peruv. ℥. j. proximis 12. horis devoravit, at frustra; nam postridie, altero paroxysmo orto, mortua est.

## ÆGROTUS VI.

§. **Q**uinquagenarius quidam dives *Sandyman de Mil-bank* Calcarius, tenuis & modicæ staturæ vir, ex Urinæ stillicidio gravi dysuria subito correptus est: hic autem vir sua sponte aquas medicatas, ut memini *Strethamenses* jamjam potaverat, ex quibus certè illius mali occasio orta est: Venter admodum distendebatur: ex dysuria vehemens dolor & vomitus. Alij duo mecum Medici consulti sunt: huic verò sanguis bis missus est, item Enemata ex vehementioribus medicamentis confecta; item cathartica magna efficaciae, Mercurius dulcis, &c. sed nihil effectum est; minus à cataplasmatibus, inunctionibusq; spinæ admotis. Tandem Urina cathetere moliebatur, at sine successu; nam vesica urina omnino vacua, à duobus peritis Chirurgis reperta est: jã aphtha in ore & putrida ulcera orta sunt & molestissimus singultus. Quid sit? in ancipiti casu, & moribundo ex dysuria plurimum dierum. Aliis Medicis dimissis, sic hominem restitui, [℥ *Succi Limonum* recenter expressi ℥vj. *Succi Cochlearia Horrensis* ℥iiij. *succi Hepaticæ Plantag. an.* ℥ij. *Syrup. Violar.* ℥ij. m] Hujus unc. iiij. tertiis quibusq; horis siccavit: postridie verò Urinam copiosè reddidit; à ventre tamen præter modum rigido & tumido ad mensē & amplius solo dorso decubuit, quòd nec sedere, nec recta stare in pedibus potuit, reliquū verò morbi deinceps modicis hydragogis discussimus: & jam post septennium athleticè se habet.

## ÆGROTUS XVI.

§. **D** J. H. de S. Miles, Juvenis robustus, ex nimia potatione Spiritus Vin, & præcipuè Aquæ Mirabilis, quam dies noctesq; siccavit; tanta est fasciatio ex assiduo etiam rerum perniciosissimarum usu: huic verò cibi fastidium, vigilia, Urina rubra, crassa & pauca; tibiæ & manus tumore maximè inflatæ, venter plurimum distentus: ejus autem viri prima curatio Spiritus Vini prohibitio esse debuit; at eum secretò pitissando bibere consuevit, neque res nisi paucis domesticis ejus nota: seriò tamen sese mihi obligavit non amplius istiusmodi potiones gustare velle. Huic autem malo hæc remedia adhibui, [℥ *Decoct. Sanæ Gereon* ℥iiij. *Syrup. è Spina Cervina* ℥j. ℔. *Succi Limon.* ℥℔. *Elaterij* gr. ℥iiij. m. f. *Potio.*] Benefecit, magna aquæ quantitate evacuata: ad aliquot autem dierum intervallum iterum atque iterum idem medicamentum sumpsit, donec ad optimam valetudinem restitutus est.

Domum rediit *Londiniis*: post annum verò ad me rediit anhelans, & ex toto corpore, vel ipsâ facie, monstri cujusdam instar, admodum distentus; & nisi ejus color qui satis bonus fuit, malum Leucophlegmatiam, aut Anasarcum esse diceremus; ex tanto autem itinere valdè imbecillus & languidus fuit; virum

tamen



tamen juvenem iisdem medicamentis, quæ suprà comprehensa sunt, sine mora purgavi, ipso eodémq; successu; imò multo celeriori: nam intra septimanam bis purgavit, & postridiè ab ultimo remedio, ita aquâ ex toto liberatus est, ut mihi nolenti (nam ut viscera confirmarem remedia cogitabam) valedixit, & in *Hollandiam* peregrinatus est, ubi post aliquot menses tertio recidivam passus est, ex eâdem causâ supra memorata nullus dubito, & Hydropicus mortuus est.

## ÆGROTUS XVII.

§. **Q**Uædam mulier mediæ ætatis ex puerperio in Hydropem gravissimum incidit: hujus tibiæ ad ingentem magnitudinem tumefactæ sunt cum insigni livore, item venter similiter, atque hæc omnia diu sic se habuerunt: ab omni verò potione ex toto abstinuit per integrum mensem; ad sitim autem sic fecit, tenuem & parvam particulam panis benè tosti & Spiritu Vini intincti, semel aut amplius in die super linguam detinuit ad salivam potentèr movendam; nec res fœminam fefellit. Ventre autem & tibiis per se exulceratis & humorem noxium, continuò effudentibus, cum superiore remedio penè convaluit. Equidem fœminam fortè vidi & gravissimo morbo decumbentem, arque iterum tantum non recuperatam; quamvis remedij ad sitim fallendam ipse author nō fui.

## ÆGROTUS XVIII.

§. **H.** De *KW F.* quinquagenarius, strenuus & assiduus potator, semel à gravissimo Ascite convaluit, remediis supra commemoratis: post annum autem iterum aqua inter cutē laboravit; cum alibi opem jamdiu frustra quæreretur, & inter alia medicamenta, ut fassus est, tinctura sacra \* dictâ (remedium ut fertur, nulli secūdum) diu & multum usus est, ipse hominem non amplius vidi, quam Paracenthesin † fieri jusserat: me quoque vocari voluit, ut operationi adesset.

Chirurgus verò aquæ subcitrinæ ad libras ix. eduxit, postridiè paulominus tertio die mortuus est.

N. B. Hujus aquæ aliquot Cyathos super ignem imposui, & post casum tertiæ partis, ut conjecturam feci, instar lymphæ calefactæ, concrevit.

[Omnes, fateor (& non pauci fuerunt quos novimus) quibus venter pertusus est, proximè ab ipsa operatione mortui sunt. **I.** Illud autem de Para-

\* Hieram Picram valde commendat (quod aperit & corroborat simul) Trallianus in *Leuco-phlegmatia*, lib. 9. † Sili Asiæ perpunctio convenit. *Ægineta* 1. Inter communia Hydropis signa vulnera difficilia, & quæ in cicatricem ægrè venire possint. *Cal. Aurelian.* Is tamen graviter increpat illos, qui negant ullos omnino sanatos fuisse à Paracenthesi.



Paracenthesi notari velim, eam tardè fieri solere, aliis plerisque remediis antea adhibitis, viribusque admodum prostratis. Igitur suadeo, (at votum id est, non consilium, quia persuadere nemini licet) ut id fiat inter initia confirmati Hydropis, & protinùs ab ipsa operatione hydragoga, non mediæ virtutis, dentur; nam in superioribus casibus, ipsis tibiis exulceratis, & interdum Sacrificatione profundiore factâ, cathartorum tamen validissimorum usus etiam omne periculum prohibuit, & ulcera per se sanata sunt; ad eundem modum nullus dubito, quin ipsam Paracenthesin adjuvarent, tutioremque & prosperam illam operationem efficerent.

Hos ego aliquam multos ægrotos præ cæteris, qui mihi in adversariis restant, legendos dedi; & propter causarum multiplicem varietatē cum Hydrops Ascites *primarius*; & per se incipiens, alius *secundarius* vis & efficacia ex his abundè innotesceret.

Quòd autem pauci pristinam valetudinem recuperârunt, scias velim (præter illud tritum & peculiare huic morbo prognosticon; nempe sola fœlicitate curari Hydropicos) pleròsquæ necessariam medicamentorum vehementiam pati noluisse; alii, cum ex parte aquis se liberari senserunt, reliquam curam sibimet ipsis postulârunt: omnes verò ex ipsâ morbi naturâ (quod rectè olim observavit vetustissimus Scriptor *Aretæus*) benè sperare adeoque morbum præter rationem tolerare; nec medicos igitur, nisi nimis tardè, accersi voluisse.

A me sanè absit vana illa quorundam Nuperorum jactantia, qui nihil exhibent, nisi quod bonum eventum habuit: errores & infortunia cautè abscondunt. Aliter autem nobis profuit magnus *Hippocrates*, apud quem ferè non nisi casus funesti occurrunt, ac si iidem *potioris doctrinæ* essent. At hi novi homines cōtrariū faciunt, vel ut vanam & futilem eorū loquacitatem patrocinentur, vel ut tuantur famam maximamque ægrotorum copiam felicitent: cum tamen ex perpetuis successibus eorum facta & notanda & minus credenda esse putamus.

Ad morbi rationem jam accedo, quam sic breviter intelligo: Chylus è cibo colliquato, à *Septicâ* vètriculi digestionem, oritur: is verò à venis lacteis ad integritatem *restituitur*, intrâque habitum jam corporis receptus, à perpetuo cordis motu, circumlatus, in statu liquido perfectus conservatur, donec novo & supervacaneo vectigali propulsus, per vasa excretoria exulet, vel in varios partium usus ulteriùs extra habitum corporis denuò elaborandus, eâdem partium *externarum Septicâ* qualitate, vel in auras, virtute aëris rarefacti, evaporandus; maximè si quod superfluum sit. Atque hæc ferè sanitatis conditio est. Contrà, chylus à vitiato ventriculo \*, ejusque digestionem crudâ & imperfectâ, *lentescit*: unde à venis lacteis parum aut nihil purgatur: cordis sanguinisque adeo motum impedit: inque venis primùm lymphæ ductibus, ubi motus cruoris circumacti languere incipit, *segnescit, accumulatur, corrumpitur*. Atque hæc origo incre-

\* Prima generandi Hydropis causa est, quæ ex sanguificationis defectu procedit. Simili modo atque ex ciborum concoctionis defectu Diarrhæa, *Galen. de Nat. Facult. lib. 2.*



incrementum, & tandem Hydropis summa malitia est.

Harum autem rerum diductiones alio *Tractatu de Humoribus*, quem propediē edegere cogito, fusè exposui.

Interim *rationes curativas* ex ipsis medicamentorum appropriatorum virtutibus, discere libet, prout eas nobis exhibuerunt Antiquissimi Medici.

Cum autem in Hydrope confirmato his & similibus malis simul occurrēdum sit; nempe, aquæ abundantia, ejusdemque lentori & viscositati, corruptionique item ipsis visceribus eorūque vasis, propter assiduam distinctionem & infarctum, maximè vasis sanguiferis & lymphæ ductibus supra modum laxatis; insuper, ipsis vasis excretoriis obstructis, linguæq; adeo & gulæ, stomacho, ipsique intestinis, renibusque immodicè siccis & *inflammatis*, item ulceribus ferè in tibiis, & Peritonæo tantum non cancroso; vigiliæ, &c.

Igitur in quovis bono & commodo, id est *specifico*, medicamento in Hydrope hæc insint facultates, necesse est; ut largiter aquam moveat, vasa excretoria referando stimulo proprio & valentissimo, ut ejusdem crassitiem potenter incidat digerat que; ut viscera, eorūque vasa, ab inflammatione tueatur; id est, ut ea calefaciat citra inflammationem, adstringat, corroboret, & antiquum tonum restituat; ut ulcera sanet, &c.

His autem positis, jam ipsa *Hydragoga* præcipua, eorūque virtutes & effectus in corporibus humanis, ex veterū fide & autoritate, breviter examinemus.

Cum *Elaterio* autem incipiam: ejus verò dandi modus & mensura apud veteres sic se habet. *Elaterij integer modus*, inquit *Discorides*, *Obelus* est; minimus, *Semiobelus*: Pueris *calci* duo. Siquidem copiosius datum, periculum affert. At *Ætius*, aliquot sæculis *Dioscoride* inferior, & scriptis medicis longè omnium versatissimus, materiæque medicæ diligens, & intelligens, si quis alius, & fidelissimus commentator, modum *triplo* augere non veretur; sine dubio ex usu medicorum seculi sui. Nam, Dato, inquit ille, obelos *tres* cum lactis recens mulcti heminâ. *Elaterio* autem vis calefaciens, digerens, exedens, iisdem antiquis medicis autoribus, at citra *inflammationem & sitim*: propterea quòd efficacissimè Anginæ illinitur, id est, faucibus inflammatis, item *Condylomatis* ani: item ulcera vel *fordidissima*, & ipsum *Cancrum* purgat citò & sine ullo morfu, ex oleo rosaceo illitum. Atq; hæc omnia & *Scribonius Largus*, & ipso paulò antiquior, *Discorides* affirmant. Obscuritates & vitia oculorum sanat, genarūque ulcera. *Plin.* Itaque de *Elaterij* vi *Emplastica*, id est, digerenti & leniter exedenti citra inflammationem, jam satis constat. Porro *Elaterio* vis incidendi & potenter humores crassos movendi est; utpote naribus inditum *Icterus* solvit; vulvæ ex pello inditū partum educit & enecat. Item *Anhælosis* optima purgatio est; atq; adeò *Hydropicis* præcipuum remedium, Imò verò ab *Elaterio* alia insignia commoda oriuntur, quippe quòd, aqua inanita, viscera tabida denuò calefacit & instaurat. Unde præclare & eleganter admodum *Plinius* 1. de *Elaterio*, illud nempe confici ad *magnos mortalium usus*.

Igitur nequeo satis mirari nostrum *Willis*; ubi in hunc sensum, quantum intelligo, perhibet; illos, qui *Elateria* aliqua *Pharmacia* utantur, cane pejus, & angue *Lister de Morbis Chronicis*.



*vitandos esse.* At egregius Hypothesium artifex nimum in consideratè hæc protulit, antiquis medicis, vel prorsus neglectis, aut certè in consultis; à quibus tamen amplissimus nobis de re medica thesaurus summa fide verborumque integritate traditus est: stet itaque honor suus Elaterio. Adeo nec ipsum sanguinem, nec partes organicas, ut voluit, corrumpit; sed potiùs, reficit, restaurat, corroborat.

At quomodo hæc tanta commoda, inquires, faciat?

Quod autem *Galenus* summè amarum (*Plinius* veriùs leniter amarum) prædicat, ac si ejus operandi modum specificum inde diducere vellet, mihi quidem non placet; cum nec Aloe, nec Colocynthide amarius est, & tamen hæc multo minoris efficaciae sunt: imò absinthium & fel terræ dictum, &c. vehementer amara sunt, quæ tamen omnino non purgant.

Quid itaq; est? non ulli profectò Hypothesi tantum faveo, ut me ipsum de his rebus ulteriùs explicandis satagam: utpote quæ è vafriis plerumq; & precariis notitiis instituantur: imò otiosa ferè compendia sunt ad ostentationem potiùs, quàm ad veritatem indagandam comparata; certè omni diligentiae rebus naturæ accuratè indagandis pestis & perniciës sunt. Proindè id solum negotij credidi mihi dari, nudas rerù virtutes illarumque expositiones è veteribus recenserem. At nostri homines, ut video, alia condimenta antiquis rebus digerendis desiderant; utpote qui nasutiores sunt & delicatuli, nihilque sapiunt, nisi quæ *Chymis* nescio quibus principiis excoqua natur. At nobis non ita disertos esse licuit, qualitates rerum earumque causas *apertas*, non occultas, quæro, aut curo, virtutisque non infimæ semper esse credidimus, *stultitiâ caruisse*.

In quo sanè consistat vis purgans, maximè specifica, alicujus medicamenti, non valde torqueor; an cum *Willisio*, salem medicamenti certis modificationibus cum sulphure complicatum irritationis catharticæ præcipua instrumenta reputem; an cum doctissimo *Pecklino* ex acrimoniæ aliquo gradu potius quàm specificâ rei formâ, oriatur.

Illud extra dubium est Elaterium acre esse ac vehementer stimulans, quod, ut diximus *Errhinum* est, vel Naribus, vel Vulvæ inditum, aliisque sexcentis exemplis compertum est.

Item illud alterum ex veterum doctrina verissimum est, duos tantum præcipuos humores, nempe *pituitam* sive aquam, & *bilem* posse moveri, evacuarique quippe quod in ductibus intestinalibus excretoriis non alij humores evacuandi exprimendique existunt.

Hujusmodi autem *Dejectionis rationem*, ut aliquatenus expediam pro meo modulo, hæc mecum perpendas velim.

Magnæ sanguinis circulationi alios minores circuitus auxilio esse; ne cor nimio oneri succumbat.

Sanguinis massam in duos primarios humores naturaliter dividi, serum & sanguinis crassamentum.

Hæc duo humorum genera, unà commista, à corde per arterias in omnes corporis partes propelluntur; at inæquali (duplâ puta) proportionem; nempe, ut crassamentum in arteriis multum dilutum minore cordis labore circumferatur.

At cum iidem humores in arteriis commisti, in venas transire debent, duo vaso-

rum



tum genera sunt, cordi insuper sublevando accommodata; nempe, venæ sanguiferæ & lymphæ ductus.

Lymphæ ductus verò soli sero superabundanti referendo ad cisternam cordis nati sunt: ut itaque duo minores circuitus magnæ circulationi sublevandæ constituti sunt, ita lymphæ ductus universis circuitibus tam illi magno, quàm alteris parvis adjumento sunt, ne sanguinis crassamento unquam cor obruatur.

Difficilius verò propellitur sanguis in venis, quàm in arteriis, propter pulsus languescentis defectum, & leviozem venarum constrictionem; ideòq; multis geniculis *tabulatis* sive *valvulis* in his opus est ad regressum ejus moliendum. At difficillimè movetur *solitarium* serum propter easdem rationes, & quòd multo angustiora vasa sunt; item ob valvulas in his infinitè multiplicatas; quæ summi moliminis documento claro sunt.

Præcipua autem hujus divortij ratio esse videtur, non aliqua naturalis (ut quidam volunt) difficultas in admodum veloci transitu per angustissima vasa, quo sanguis ab arteriis in venas effunditur; sed ne serum semper crassamini commistum, tandem *lentescat*, eique *tenaciter adhareat*; unde, mille modis œconomia animalis vitari solet.

Atq; hæc hætenus de circuitu integræ sanguinis massæ *expediendo* diximus: aliud insuper restat, de illa massa supervacanea repurganda; quæ æquè necessaria est, ac ejus perpetua redintegratio. Atq; id fit per sola vasa excretoria, quæ infinita sunt, tam extra quàm citra habitum corporis per omnia viscera spissè disseminata.

Horum itaque omnium vasorum cum arteriis commissionem per anastomoses esse, credibile est: ut itaq; valdè celeritè movetur integra sanguinis massa, per arterias solas translata, ita cum triplici ductuum genere simul excipiat (quorum duo sanguinem refluxum vehunt; tertium verò illum partim rarefactum evaporat in auras, partim in alios humores, animalis œconomix proficuos, conficit) si sortè aliqua de causa lentescat, primùm venarum utrùnque genus obstruatur, necesse est: mox verò si excretoria quoque vasa perfunctoriè tantum officia sua agant, infiniti oriuntur morbi: inter quos Hydrops Ascites frequentissimus est.

Quæ itaq; medicamenta vehementer stimulant istiusmodi vasa excretoria, suamque vim irritativam à stomacho concoquente diutiùs conservent,\* maximam pituitæ copiam effundere solent.

Atque hic stimulus duplici nomine vim suam exerere existimandus est; verbi gratia, in intestinis dum ibi restet, & morulas quasdam tantisper trahat; & postea longè potentiùs, ubi indomitum medicamentum à stomacho & lacteis labefactis per habitum corporis circumvehitur, sanguinis massæ commiscetur, adeoq; *universum vasorum contextum* (qui *unicus* est per mutuas, ut diximus, cum arteriis anastomoses) irritat, maximèque arterias, quòd ad spissiorez constrictionem magis aptæ sunt. Cùmque iisdem arteriis inest maximus supervacanei feri cul-

\* Medicamentorum vires non retundi, sed etiam vincere omnes coctiones viscerum. *Peckl. de Burg.*

Cachartici encigiam longè extra primas vias, vis in massam sanguineam, extendi advertimus, quòd *Hydropicorum* aquæ per sedem evacuantur, &c. extraque dubium ponatur medicamenti purgantis quædam particulæ in sanguinem admitti, *Villis.*



mulus, venarumque utrūque genus velut obstructum sit à lento & cumulatō fero, minúsque adeo stimulo obedienti; quòd tonus earum ob nimiam distinctiōnem admodum laxetur & infirmetur, ideo, quā datā portā, ruit citata pitua, nempè per vasa excretoria, quòd jam vacua & reſerata fuerint à primis intra intestina stimuli cathartici insultibus.

Stimulum autem & summam Elaterij acēdinem satis ostendunt ventris tormina; item quòd in extremis digitis pulsus impetum inusitatum sentire solent.

Huc faciunt vim elasticam & constrictivam, non cordi tantum & arteriis propriam & solam inesse, sed etiam ipsis venis utriusq; generis etiāsi multo mitiori gradu, & ipsis vasis excretoriis peculiari ratione donari: quod ab accuratissimo dissectore <sup>1</sup> *Stenone* observatum, & infinitis exemplis, summa fide exhibitis, confirmatum est.

Adde ductus excretorios intestinales, quò magis horrendo stimulo medicamēti *orudi* adficiuntur, eò magis aperiri emulgiq; credibile est. Nam quòd se valdè cōtrahit, etiam reciproco motu, nisi rigat, ex eadem proportionē restitui & dilatari solet: quæ attractionis animalis unica ratio est: adeoque illi ductus excretorij dilatati arteriarum citato propulsui opportuniore sunt: unde multò copiosius per eas, quòd facilius ruat exeātque extra habitum corporis, in intestina effunditur.

<sup>2</sup> Non ignoro doctissimum *Schelhamerum* aliter sentire de lymphā, quæ prodire solet vel ex ligata vena, vel à circulatione vel levitèr per eas præpedita; itē quæ ex vesicatorio, ferrove candente, aut aquā fervidā excludi solet: nempè hæc omnia oriri, quod vasa lymphatica in ipsa carniū interstitia, perindè ut venæ in ipsas fibras carneas desinere, credidit.

At hæc omnia mera commenta sunt: nam concessis anastomosibus (quas negare contra fidē sensus, microscopio adjuti, pertinacis est) illa nullius momenti sunt.

Quòd autem ad *nutritionem* attinet: perpetua arteriarum plenitudo rem totam facile expedit; maximè si intra excretorios ductus humores superfluos posse aliquando concoqui & in pinguedinem, & in immensum accumulari, credatur, quod tamen abūdè constat ex glandularum ubique corporis disseminatarū tam naturali, quam præternaturali augmento; earundemq; interdum casu & diminutione emaciatīs corporibus.

Quæ autem *Willis noster* de *effervescentia* nescio quā *expurgativa* exhibet, gratis dicta sunt, cum omnino nulla humorum præcipitatio fusiōve sit sed quæ per se naturaliter forās exire solent per vasa excretoria, nimirum pituita & bilis per intestina, eadem jam per medicamenta irritantia sine discrimine ejiciantur. Primò verò quæ ductibus excretoriis accumulāntur, mox proximè ab arteriis, ab utroque venarum genere quò refluxum sit, expellitur: idque sine ulla fermentatione; merā & solā cordis & arteriarum continuā & violentā constrictione secundum circulationis leges, & ex naturali necessitate virium impellentium, ductuūque excretoriorum semper patentium,

Imò illud alterum minus verum est ab eodem scriptore exhibitum; nempè Arteriarum



seriarum intestinalium oscula à Pharmaco velli & referari; neque enim aliquid in illa deponunt, nisi mediantibus ductibus excretoriis, quibuscum arteriolæ committuntur.

Pergo in censu Hydragorum: Alterum autem remedium ad Ascitem, *radicis Ebuli succus* est. At is proximè superiore remedio multo mitius, aquam educit; sed non sine aliqua stomachi offensione, ut notat *Dioscorides*; an fortè ob siccandi facultatem *Ætio* proditam, stomacho inutilior sit, eumque idcirco incendat? Equidem succum per se nunquam propinavi, aliis Hydragogis utiliùs admisceri putavi. Sed ad ambusta egregiè facit ex oleo, & ad inflammationes mitigandas remedium nulli secundum est: huic itaque præcipuæ virtutes sunt quæ, ad Hydropicorum curam benè faciant; nimirum aquas sat copiosè ducendi, & inflammationes prohibendi mitigandique.

Eadem autem, inquit *Dioscorides*, utriusque vis est, & Ebuli & Sambuci: idem *Trallianus* affirmat, lib. 9. his verbis, *Pulchrè purgat Sambuci succus*. Unde miror quendam è nuperis scriptoribus nostris specificam virtutem ad Hydropem Sambuco denegasse contra omnium seculorum fidem & experientiam.

Quod autem ad nobilissimum ejusdem viri inventum attinet de Croco metallorum in Ascite dando, vereor ne multum allucinetur: à vomitorio sanè ex *Stibio* in Ascite dando omnino dissuadet nostri sæculi facile princeps, & maximus medicamentorum Artifex & inventor, \* *Mayerus*; utpote qui in omni materia medica versatissimus & sagacissimus indagator fuit.

Non autem ignoro apud Antiquos, olim vomitus ex *radicibus*, ex *squilla*, imò ex ipso *veretro albo*, certè ex ejus decocto, molitos fuisse; at hæc omnia, ineunte Hydrope, aut certè in Leucophlegmatia, tantum data sunt. Nam ubi aqua abundare cœpit, ad valentissima Hydragoga fugere consueverunt. At † *Trallianus* contra, omnem omnino vomitum prohibet: omnium generum Hydropis curatio inquit ille à vacuatione incipienda est; sed Ascitæ & Tympanitæ à sola purgatione.

In Leucophlegmatia, inquit *Galenus*, primo per inferiorem ventrem, deinde per vomitum, in medicamento, quod pituitam educat, egemus. At in Ascite Cathartici Hydragogi tantum mentionem facit.

Idem sentit *Ætius*: Maximum, inquit ille, Hydropicis sub cutem auxilium vomitus præstant. At plurimum distant *Subtercus* & Ascites; nam in illo multò minus periculi est, & facillimè Leucophlegmatici omnium Hydropicorum liberantur: adeoque remediis emeticis scopus largior & tutior est: expedit tamen, ut dictum est, ut venter prius paululum certe exinaniretur.

Deinde detur [quod tamen non admodum probo] differentia, ex sententia *Tralliani*, inter aquam Asciticorum, & pituitam Leucophlegmaticorum. Hinc sequetur, cum pituita quidam faucium & pulmonis proprius humor sit, & per se fursum expurgari soleat, Emeticum aliquod remedium valdè idoneum esse; maxime cum per ventrem, prius exinanitum, commodè id facere licet.

In confirmato autem Ascite, de quo loquitur *S...* si crocus metallorum, i.e. vini Emetici ad ℥j. β. exhibeatur, ejus remedii hi, ut opinor, erunt effectus: nimirum



rùm fitis immanè quantum augebitur ex istiusmodi Emetici vehementer ficcanti naturâ? Deinde triplo plus minimum Potionis ad languores & tormina ventriculi mitiganda, operationis tempore ex more bibatur, necesse est, quàm aqua è stomacho evacuabitur. Rursus, etiamsi ad finem operationis hujus Emetici pro more alvus semel atq; iterum moveatur; at id plus quidem si erratione infinitæ potionis necessariò datæ, quàm in illius medicamenti ullâ vi purgativâ. Postremò vehementer anhelosis, quales Ascitici sint, [non propter pulmonis saburram, & infarctum, sed propter pectoris angustiam à Septo Transverso sursum impacto : adeòq; Ascitici confirmati non amplius decumbere possunt] Emetica data, quæ ad duas horas assiduè & necessariò vim suam exerant, illos posse pati sine animi deliquio fatali, vix credibile est. At hæc fortasse vota tantum sunt alicujus inexpertis: neque à se aliòve quovis unquam, ut opinor, temerè usurpata fuerunt.

At esto! concedatur hujusmodi medicamentum posse exhiberi sine gravi aliquo periculo, quid inde, quæso, magni commodi expectabimus? Nam cū aqua ex habitu corporis expurganda est, id cōmodius posse fieri viis naturalitèr amplissimis patentissimisque verissimilimum est.

At hæc viæ, à stomacho sursum ad fauces, ubi vis irritativa medicamenti Emetici maxima est, exiguæ admodum sunt; etiamsi pulmonū quoq; expiratio adjiciatur. Contrà vasa intestinorum excretoria, à pyloro deorsum, & innumera, & facile omnium amplissima sunt; inter quæ ductus *Wirsungeamus* à Pancreate, & Bilaris ab Hepate, principem locum vendicāt; quibus insuper renes addendi sūt; ut pote qui à *dejectoriis* medicamentis privatim affici solent, & quod ex infimis quoq; excretoriis ductibus meritò censentur. Deniq; aqua Asciticorum ob lentorem, venarumq; inferiorum intolerabile pondus, à stomacho ad anum deorsum naturalitèr dejicitur; ut in venis infimis pedum primū stagnare solet, ita educitur medio itinere facilius per intestina, quàm si per ventriculū altius ascendendo effluat. Postremò, si consideretur dejectionem infinitis remediis facile promoveri posse, hydragoga remedia ante omnia cujuscunq; naturæ, sive Emetica, sive sudorifera sint, ut potè multò majoris spei, longè præferenda esse existimamus: maximè si in memoriam revocare velimus, quod ante dictum est; nempe, Aquas ab Hydragogis à pulsu citato intra habitum corporis, & ab assidua irritatione citra illum & intestinis duplici nomine & continuè illici, effundique.

Pergo autem, ejusdemq; cum superioribus nota est *Iridis succus*: scilicet aquas validissimè movet; imò sanguinem, inquit *Ruffus*, si præter modum dederis, trahit: quod tamen nondum expertus sum; etiamsi sæpius in hoc malo, æquè ac in aliis, quibus benè facit, ad tres quatuorve uncias dederim: an fortè quod iridis succus, apud nos nutritæ, mitior sit: illud certè verissimum est, huic vim esse *calefactoriam*, humores crassos digerentem; item *somnium* conciliandi, & *torminibus* medendi; item ad *strumas* fæminarumque locos *emolliendos* & ad *fistulas* utilis est. Atq; hæc facultates insignè purgatoriæ adjunctæ, imprimis faciunt ad Ascitem, ut ex superioribus patet.

In eadem verò classe hydragogorum *Euphorbium* est: cujus filiquæ quinque ad Hydopen dantur, ut *Ægineta* testatur. Item ejusdem admiranda cataporia



ex Euphorbio non obliuiscenda sunt: imò si consulendi sunt Antiqui medici *Africani*; unde illud medicamentum & nunc, & ab omni tempore ad nos transferebatur; ad Euphorbium confugiunt, eique principem locum dant inter omnia hydragoga, rebus sc. Hydropicorū vehementer urgentibus, i.e. (ut verbis *Cal. Aureliani* utar, qui & conterraneus & transcriptor *Sorani* fuit) ubi plurimo humore laborāt corpora, & ubi convenit curam habere, ne rursus corpora impleantur. At modus ejus exhibitus admirandus est, eodem authore, nempe *duorum vel trium Cochleariorum* quantitate, mulso comīstum, in potu datū, vel ovis sorbilibus aspersum. Profectò id medicamentū *homini Africano* præcipuè cognitum fuisse oportuit. A me verò vel hoc, vel alio morbo nunquam expertū est. At non ignoro ejus vim Emplastīcam; quippe quòd eximiam virtutem exerere solet in ossibus aut carne corruptis mundandis, integræque sanitati restituendis, ex veterum & nostrorum quoque hominum fide: de qua re consulas velim *F. Hildanum*.

At potius in *Hypofarca* id dandum est, ut innuere videtur *Scribonius Largus*: ubi omnia viscera frigidiora esse videntur: ut autem ea fuit antiquorum sententia hæ autoritates satis testantur: nempe, in Leucophlegmatia salsamenta edat, & sinapi, & allium, & vino utatur, & mari mixto; & aqua in totum prohibeatur: sic *Ægineta*. Item *Galenus*: salsæ aquæ, nitrosæ, sulphuræ, &c. Leucophlegmaticis utiles sunt, at non dulces: at quis, quæso, apud nos in aliquo Hydropico salsamentorum utilitates expertus est?

Ad *Bryoniam albam* quarto loco accedimūs. Quamvis ad Hydropas sanandos eximias virtutes, si veteribus aliqua fides danda sit, habeat; nihil tamen affirmo propriâ experiētiâ. Sic *Dioscorides*: Succus è radice vere exprimitur, qui pituitam trahit cum aqua mulsa potus: cit urinam; acrem vim sortitur; at ejus virtutes aliæ eximiæ sunt: inter quas, quæ maximè faciunt ad Hydropica symptomata levanda, hæ ab eodem *Dioscoride* numerantur: inflammationes discuit, illita ex vino. Eclegma ex ea fit cum melle *difficile spirantibus*, strangulatu oppressis, tussientibus, vulsis, ruptis, & laterum doloribus; Ulcerum phagedænis gangrenis, chironiis, putrentium tibiæ tædio efficaciter illinitur ex sale, item inter Antidotos posita est, &c. Ad novas verò res propero.

Quod autem ad *Gambogium, novam Resinam*, attinet; illud quidem medicamentum esse valdè utile fateor, eòque aliquoties usus sum: neque me umquam illius remedij dandi adhuc pœnituit: imò hydropicam quandam vetulam tibiis valde exulceratis, me eo olim sanasse memini: ejus autem operandi incertitudo, quò humores trahat, ne dicam de torminibus ab eo excitatis, me ab eo amplius utendo deterruit.

Duos tamen illud præparandi modos excogitavi, quibus minori cum molestia vim suam exerat. Quorum unus est, ut benè ustuletur; deinde ex sacchari sextupla parte, s. a. *drachmales* pastilli conficiantur. Alter, ut idem linteo inclusus, ex succo limonum coquatur: deinde is succus citrinus similiter in pastillos ex saccharo amplius cocto redigitur, ut artis est. Hi autem pastilli egregiè purgant, & medicamento, per se haud miti, jucundè lenocinantur.

Cætera autem pleræque Hydragoga ex herbarum genere mitiora sunt, & mino-



minorum multò virium, quàm par est morbo tam atroci domando. Hujus itaq; inferioris ordinis medicamenta nominare sufficiat, nempè Julapium, syrupum è spina cervina, &c. quòd *nova* res medicæ sint, adeòq; earum facultates adhuc nobis non satis constare, ut de iis iudicium aliquod certum ferre possimus.

Ad metallica tandem Antiquorum Hydragoga procedo: in quibus sanè omnes characteres ad Hydropem curandum requisiti plane insunt.

Igitur imprimis *squamam æris* perpendamus: hujus autem facultates cum superioribus herbaceis hydragogis ad hydropem expertis consentire ex veterum quoque authoritate videbimus.

Squama æris, inquit *Scribonius Largus*, pondo victiorati dato, cum apiij seminis pari pondere, ex aquæ mulsæ cyathis quatuor, Hydropicis plurimum aqua deiecit.

Imò squama æris inter præcipua & quotidiani ferè usûs dejectoria ab antiquis numerata est, teste *C. Celso*, (l. I. c. 12.) dejectionem Antiqui variis medicamentis, in omnibus ferè morbis, moliebantur: dabantq; aut squamã æris, λεπίδα χαλκῆ Græci vocant, aut, &c.

Squama æris, inquit, *Dioscorides*, ex aqua mulsâ pota, aquam trahit: aliqui farina subactam dant in catapotio: item extenuat, erodit, adstringit, ulcera ad cicatricem perducit; addita ad oculorum medicamenta, fluxiones exiccat.

Squama æris excrescentes Ulcerum carnes adstringit; assumpta verò per os universum corpus expurgat. *Galeno* de Theriaca authore.

Squamam æris ad ʒj. dat *Oribasius*.

Squama æris ad ʒj. ʒ. ex aqua mulsâ aquam & pituitam subducit, item valde incidit, teste *Ætio*.

Pulchrè purgat squama æris. *Trallianus*

At *Aegineta* aliter visum est, & modum non sufficere: apud quem squama æris ʒij, vel ʒiij. in catapotia micis panis efformantur.

*Æris* autem *Flos* [ut cætera medicamenta cuprea breviter percurram] quaternum obolorum pondere datus, crassum humorem extrahit, ut *Dioscorides* perhibet; astringit, & excrescentia coerces: offusam oculis calignem emendat; sed magnoperè mordet carnosum narium, & sedis vitia absumit; Uvam, tonsillâsq; repremit farina ejus cum melle admota.

Porro *Ærugo* rasilis adstringit, extenuat, calefacit, vulnera ab inflammatione tuetur. Ulcera ex oleo cerâq; ad cicatricem perducit, callos & sordida ulcera purgat, oculorum cicatrices emendat, magnoperè extenuat genarum crassitiem cum melle illitæ; ex resina cum ære & nitro lepras abigit: authore *Dioscoride*. Mel. *Ægyptiacum* ex æruginè rasili in aceto & melle coctum fit.

Ad eadem insuper *Atramentum sutorium*, quod nostris hominibus *Virriolum æruleum* audit: nam nondum mihi constat veteres uspiam vitrioli ferrei viridisque mentionem fecisse, iisque adeo cognitum fuisse.

Ejusdem verò virtutis & originis sunt *Chalcitis*, & *Misy*, *Sori*: quorum vires eximias vide apud Antiquos rerum medicarum scriptores.

Atque ex his posterioribus medicamentis magisterium quoddam veneris confice-



ficere soleo, quod aquas Hydropicorum vehementer educit, somnum conciliat, & præter fidem anodynum est: de qua facultate in cupro vide plura apud Helmontium.

Ultimo autem loco de Lapide Cæruleo & armenio dicam: Armenius verò etiam Anglicanus æquè benè dici potest, cùm apud nos infinita copia effoditur; nempe prope *Gordale* in *Craven*, Provincia Eboracensi, & alibi: hujus autem ðiiij. dantur: purgat quicquid crassi & viscosi humoris sanguini admixtum est; authore *Ætio*.

Idem de Lapide Cæruleo sive Lazuli dictum puta ad ʒj. vel ðiiij. exhibitum: pulchrè purgat; at hoc intelligendum est de eo lapide purgatissimo, qui *Ultramarine* pictoribus nostris audit: imò quo colore intensior ( unde *inebriatus* à *Dioscoride* appellatur ) eò vehementius aquas movet.

Idem autem lapides nihil aliud sunt, quàm purum putum æris metallum.

Ex illis quidem *Ens Veneris* sive flores salis Armeniaci eleganter cæruleos, volatiles conficere solebam, hoc artificio; nempe, Cape lapidis armenij aut cujuslibet boni metalli cuprei, & Antimonij crudi, ana quantūvis: funde sale nitro, ut moris est: fit *Regulus Antimonij Venereus*: is jam in pollinem redigatur, salis armeniaci duplicem modum adjiciendo: deinde ad mensem plus minus in humido loco servetur. Postremò ignis tortura avocentur flores, qui pulchrè cærulei collo retortæ coalescunt.

Idem flores similiter cærulei habentur ex butyro Antimonij eadem *Enchiresi*, sic cum regulo Antimoniali Venereo conficiatur.

Horum autem florum, etiamsi medicamenti *Helmontiani* speciem quandam præ se ferunt, usum non admodum probo; ut nec illorum, qui sub nomine *Ens Veneris* in officinis veniunt. Atque hæc obiter tantum dicere volui.

Lubet hic quoque *animadversiones* quasdam attexere. Lapis, inquit *Willis* (*Pharmacop. rational. c. de Purgant.*) *Lazulus* & *Armenius* improprie Cathartici ac censentur, quòd operationis minùs fide & certæ sunt: proinde minus per se in istum finem usurpantur. At non audiendus est contra veterum fidem & recentiorum experientiam. Misera sanè doctrina, cujus solius gratia, tot & tanta medicamenta gydragoga eximia è re medica exulent, quòd minimè in ejus hypothesi comprehendi potuerunt; cum sal hic & sulphur, præcipua irritationis purgativæ instrumenta, secundum *Willis*, locum non habent.

Quòd autem idem vir jungit Mercurium dulcem (ut id hic obiter notem) cum lapide Lazulo & Armenio, non ferendum est; eandemque ei incertitudinis & malefide cum cæteris purgationis notam adfigit: Cùm res aliter notissima est etiam Lippis & Tonsoribus. Etenim exhibeatur Mercurius dulcis ad ʒj. vel ʒj. ꝑ. quem, quæso, alvo tutò & certissimè movenda unquam decepit: à me certè sexcenties datum, semper alvum commodè purgavit divinum istud remedium.

Deinde, etiamsi in lapide Lazulo & Armenio, utpotè nativis & crudis metallis cupreis, ægrè, ut dictum est, sales & sulphura, solum vi stomachi concoquentis eliquata, exeri posse; at in Mercurio dulci abundant, certè sales *adjectivi*.

Quid ergo est? quid meruit paupertinus Mercurius dulcis, ut è classe purgan-

D

tium



tium expelli oportuit? Dicam; sales ejus *absorpti* sunt ab Hydrargyro metallo; perinde ut acidum quid ab Alkali, neutrumque adeo nescio quid inde oriri existimandum est.

At noli timere, egregie vir; restituiam tibi tuos sales & tuum sulphureum metallum: nō prorsus periēre quidem: imō nec aliquid ignavum aut hybrida quoddaminērsquemedicamentum ex coitione, ut ut strictissima, genitum est. Etenim in ventriculo receptum, plenam libertatem sensim adepti sales denuō dissolvuntur, divortiumque cum Mercurio faciunt, & pro sua natura vires exerunt. Ita acetum quod oculis cancrorum adjectis insipidum fit dulcēve, si mavis, redditum est, ventriculi beneficio statim in acetum reviviscit: si quidem infinita corpuscula salina aculeata, quę integro aceto insunt, pulveribus testaceis minimē absorbentur miscenturve, ut falsō hactenū creditum est, sed seorsim & inter se crystallos majusculas & paucas fingunt: ut quę primū infinitis stimulis linguam palatumq; feriebant, jam ob eorum crassitiem paucitatemque vix gustum leviter afficiunt. Veruntamen iidem sales crassiusculi in stomacho concoquente nullo ferē negotio eliquantur, nempē in infinita sua corpuscula primitiva & constituentia dissiliunt. Teste oculatissimo & fide dignissimo *Levvenhookio*. Sed de his rebus opportunior dicendi locus erit, cū de concoctione & humoribus agam.

Illud insuper silentio non prættereundum est: Nempē audacia *Zuelferi*, qui *Mysy*, *Sory* & *Cholciti*, ē cuprea familia antidota egregia, contra fidem & auctoritatem Antiquorum, ē Mithridatio expellere voluit. Eandem quoque, ut id hęc obiter notem, infamiam inferre conatus est Agarico, præstantissimo medicamēto & eadem antidoto quoque Mithridaticā. At hi insultus sunt ignari rei medicæ.

Multū profecto doleo compositionem Arabum eximiam, *Alkermes* dictam, à nostris hominibus publicē mutilatam, tantūque medicamentum Cardiacum, qualis est Lapis Lazulus, ejectum fuisse. Sericum verò ejusdem compositionis ē vermiculo crudum (quicquid contrā alii innuere videntur) eximium spiritum (ut id hic obiter notem) sive oleum volatile urinosum dat, sp. C. C. æmulū, & multo minus in gratum illud empyreuma olens. At hęc ad concoctionem propriē pertinent, nec hujus loci sunt.

At quorsum, inquires, hęc tua diligentia in enumerandis iis medicamentorum facultatibus, quę vulneribus aptæ sūt; cū de eorum virtutibus internis tantū solliciti sumus. Respondeo: Vulnerum auxilia & chirurgiam antiquissimam medicinæ partem & primō excultam fuisse authore *C. Celso*. Cū autem multo post, ut idem perhibet, morborum curatio & rerum naturæ contemplatio sud iisdem authoribus nata sit, scilicet his hanc maximē requirentibus ob infirmam valetudinem studiis labefactatam, Philosophos medicamentorum internas facultates ab eorum *usibus externis* jam satis cognitis, didicisse credibile est: siquidem sensus & experientia in chirurga facienda multō facilius tutiūque in simplicium medicamentorum viribus cognoscendis instruuntur.

Atque hęc sanē vera *medicamentorū* apud Antiquos *Analysis* fuisse videtur, hęc eorum Chymia, quam admiramur, quamvis, ut video, ejus origo à paucis animadversa est; nimirū experimentorum fides à vulneribus excepta est: idem innuere



innuere videtur *Galenus* ( *de simpl. medic. facultat. lib. 4. cap. 17.* ) Quod in vulneribus, inquit ille, nota sunt prestare medicamenta, id ipsum eadem assumpta intra corpus efficiunt: quæ abstergunt, verbi causa, & expurgant in vulneribus, eadem in venis recepta, crassiciem, si quæ sit, incidunt.

Neque adeo mirum nobis videbitur, si admittatur corporis habitum illum tantum esse, ubi integer sanguinis motus circumagitur; extrâque eum esse & ventriculum, & intestina, totâque vasa excretoria. Igitur eadem fere medicamentorum exhibitio utrobique est, sive ea diglutiatur, sive artubus certè vulneratis aut ulceratis admoveantur; resque ita infinitis exemplis confirmari potuit, si quis hæreat: verbi causa, *Aloes* & *Colocynthis* umbilico adhibita alvum similiter movent ac si intra stomachum assumpta: idem de *Anodynis*, idem de *Hydrargyro* in saliva movenda, sive unctione, sive catapotiiis usurpetur.

At hæc viam sibi faciunt vulnuscula quædam excitando, atque inflammationes. Ipsa autem cute vulnerata aut ulcerata, medicamenta facultates suas facilè exercere posse intelligimus; quod venis sic apertis iter iis intra promovendis patet, non secus quàm si à vis chyliiferis admissa fuerint.

Vasa autem excretoria utrobique similiter afficiunt, & si quæ differentia sit, ea tota in magnitudine illorum consistit, ut suprà expositum est.

De hac autem re impræsentiarum satis, cum infrà plura dicendi frequens occasio dabitur.

Iterum fortassè objicies, ex his medicamentis hydragogis plerâque deleteria & mali motis esse, adeoque minus tuta; imò istiusmodi pharmacorum symptomata ferè lethalia esse. Respondeo: In gravissimo morbo & casu desperato vehemens auxilium experiri melius, quàm nullum. Deinde, si quæ sint, rarò per se, sed antidotis comista, exhiberi solent; perinde ut in *Alexipharmacis* compositionibus fieri solenne est. Postremò, quæ propriè & pecliariter gravi alicui morbo accommodata sunt, facilè tolerantur, etiam si eadem in integro corpore, sine summo vitæ periculo, dari non potuerunt: ita in *Ascite* ob aquæ abundantiam sævitia medicamenti ferocissimi parum sentitur.

## DE DIABETE,

### *Altera Exercitatio Medicinalis.*

**P**roximum autem & vicinum malum *Diabetes* est. Etenim in *Hydrope* & *Diabete* superabundans aqua peccat, at in illo propter lentorem ægre movetur: in hoc verò ob tenuitatem mira copia effundi solet. Antiquis etiam hominibus adeo rarus, & inusitatus, ut miraculum quoddam esse videbatur, perinde ac nobis. Sed tamen in hac Urbe, pro suo modulo jam cum *Hydrope*, cujus quædam species est, pari passu grassatur. Etiam si autem *Galenus* ejus varia nomina nobis tradidit, scilicet illum *Matellæ Hydropen*, *Urinæ profluvium*, *Diabetem*, *Dipsacon* appellando, eum tamen quàm rarissimè accidere affirmat: imò morbum nec *Galeno*, nec *Tralliano*, nec *Ætio*, aliisvè plerisque veteribus



bus medicinae principibus viris, sæpius visum fuisse, credibile est; cum plerique ones in illa nota consentiunt, *ab Arcteo non memoratâ*, cujus tamen enarratio & omnium prima & accuratissima est; nimirum reddunt Diabete affecti totum id quod biberunt, minimè à sua qualitate mutatum; quod falsum est, cum eorum urina semper aquea & subpallida est; nec omnino coloratior, quamvis vinum rubrum potârunt.

Itaque unius *Arctei descriptionem* attendere operæ pretium est, ut morbi natura nobis elucescat. Peritonæum, inquit ille, Ascitis conceptaculum est, nec defluvium habet, sed illic permanens exundat; in Diabete verò idem est humoris lapsus è venis, eademque *colliquatio*, at per Renes & Vesicam indefinenter effunditur. Diuturna est hujus morbi creatio, & longo tempore parturit. In morbo autem *futuro*, os humore privatur, saliva albida est, & spumans, peinde atque in siti, nondum sitiunt, prout adventantis morbi processus est. Quinetiam paulo plus lotii, quàm moris erat, effunditur. Sitis adest; sed nondum vehemens. Quùmque amplius incrementum accipit, *calefactio* parva quidem, sed *mordax* visceribus inhærens exoritur. Abdomen habent rugosum, venas *extantes*, totùmque habitum corporis gracilem: ipsi anxii, & animo dubij; atque hæc quidem quando, & urinae profluvium, & sitis jam aucta insigniter sunt. Quùmque ad extremum *colicæ vitij consensus* pervenerit, protinus urinam reddunt.

Ubi Affectus *perfectus* est, velox est *carnium* & membrorum in Urinam *colliquatio*, & festina mors advenit. Neque enim cum intermissione lotium reddunt, sed perinde atque canales laxati sunt, *indefinens* est *profusio*. Sitis intoleranda est, potus copiosus, multitudinè tamen lotij non respondens; copiosius enim lotium redditur, neque eos quisquam nec à mictu, nec à potu inhibere potest. Quod si vel punctum temporis inhibeantur, siquidem à potu os siccatur, corpus arefcit, viscera ipsi sua conflagrare opinantur, omnia fastidiunt: ardētissima sitis adest; si autem vel parum temporis à meiando abstinerint, intumescunt lumbi, testes & ilia: cumque remiserint, lotium quidem calefactione profundunt, tumidæ verò partes detumescunt; in vesicam enim confluit exundatio. Durant sanè aliquod tempus, licet non admodum diu; nam cum dolore mejunt, atque atrox fit liquatio: neque enim ex potu aliqua insignis portio in corpus absumitur, & carnium magna copia in Urinam eliquatur. Atque hæc hætenus de ipsius morbi accidentibus, ejus autem rationem reddere deinceps paucis aggrediar.

Multum quidem interest an Renes, ut Veteres crediderunt, an stomachus & intestina, maxime tenuia, primò afficiantur; frigida ejus causa sit, an calida; nam parti maximè laboranti succurrendum est, idque remediis causæ accommodatis, si quidem curationis rationem cum prospero eventu instituere velimus. Renes quidem & Vesica & ipse Coles afficiuntur, idque non sine aliquo doloris sensu. At morbi tamen primaria sedes stomachus est & intestina tenuia: hujus autem rei indicia sunt; quòd hic primùm ægrotant; quòd lis pertinax & inextinguibilis sitis est, cujus fons stomachus est: quòd viscera ipsis uti videntur, ignèque amplius se ardere putant; item quòd facilis & *festinans ingressus* Potionis cujuslibet est in corporis habitum; etenim humoris exitus non ita subitaneus & perpetuus



tuus esset, nisi ejus ingressus par fuisset. Igitur veteres malè Renes accusasse existimo, ac si eorum proprius affectus esset: imò interdum hujus morbi affectis Renes potioni exitum omnino non dant, cæteris interim symptomatis sævientibus, authore *Aretæo*: adeo festina miçtio hujus morbi signum pathognomonicum, scilicet proprium & perpetuum non est. Ab intestinis autem calefactis & inflammatis subitò Potionem rapi & absorberi solere probandum restat, nimirum quod in integro corpore & benè pasto venas lacteas potionem, certè coloratam, non admodum admittere, cùm aliàs jejuno, bidui aut tridui puta, quicquid assumitur, si crassius & crudum sit, multo magis tinctum, vel patulis oris hiare & festinanter ad se trahere, & ad ipsa vasa sanguinea ulterius propelli; à longo verò jejunio stomachi & intestinorum siccitatem, calorem & febriculam oriri, neminem latet. Rursus diuretica, etiam mediæ virtutis, ferè calefaciunt; at valida pleræque aut multum rubificant, aut verè epispastica sunt, ut allium, Sinapi, Cantharides & id genus plurimæ Insectæ Bestiolæ, ut formicæ, apes, multipedæ; item Scinci, &c.

Deinde visceribus semel inflammatis vitium per habitum corporis ad ipsos Renes, Vesicam, & Penem transfertur: imo meram aquam, & quæ inter diuretica ex sua natura mitissima sunt, ardorem intestinorum amplius incendere, propter characterè ab intestinis vitiatis subitò iis impressum, credibile est.

His ita positis, nimirum Potionem omnem utut crudam & per se mitem subitò vehementer diureticam & acrem fieri, scilicet à summo stomachi & intestinorum ardore: Potionis autem cujusvis cruditas in eo consistit, quod ejus natura ex magna parte immutata sit, siquidem vinum non acescit, nec alii liquores potati multum à suis facultatibus alienantur propter festinum, puta, ingressum in corporis habitum: ab hac tamen solâ Potionis contaminatione cruditati superinductâ non sequetur, ut cum ea intra habitum corporis recepta sit, ipsam lympham fundat, secumq; exitum admodum festinanter capeßere cogat; scilicet ab arteriarum vehementi insultu. Aliud itaque requiri necesse est; id quod etiam ægroti anxietas, & ipsæ venæ plurimum intumescentes satis indicant; nimirum facultas aliqua deleteria sive venenata, omni Potioni, præter naturam suam, impressa. Atque huic rei abundè quidem satisfaciatur, cum morbi causæ procatarticæ & efficientes infra enarrabuntur.

Paucæ autem Historiolæ à me expectandæ sunt, eademq; ferè mancæ propter hominum infortunium, qui de hac re nova & improvise dubii & incerti, nisi nimis tardè auxilium quærere non solent; imo *Willis* noster, hujus generis morbi exemplis, non abundat, cùm unicam tantum Historiolam, eamq; valde imperfectam, iliq; reliquisq; medicis simul consultis, communem exhibet. Utinam tantò viro placuisset aliquot è crebris instantiis tam ignoti & rari morbi, quæ ei occurrere solebāt, literis commisisse.

a Vide Phil. Transact. n. n.



## ÆGROTUS I.

Vide Casum 16. suprà positum in Hydrope, huic morbo valdè affinem, utpote ex eadem causâ procedentem.

## ÆGROTUS II.

Puella quædam sexdecem annos nata, alvo admodum adstrictâ, aliàs firmâ valetudine gaudens, animi causa, ad decem dies multum aquæ sulphurentæ dictæ in vicinia *Knaresborough*, hausit. Quid sit, plurimum urinæ aqueæ & frequentissimæ minxit; item huic circa stomachum ingens ardor, sitis intolerabilis, nulli Potioni cedens, at hæc omnia citrà linguæ ariditatem; Raucedo; vigilia perpetua: in Urbem verò *Eboracum* tandem rediit, & mictionem mox diarrhæa excepit, cæteris adhuc symptomatis eam gravissimè affligentibus: & ut mictio Vesicam, ita dejectiones ipsum anum dolore quodam ardente jam afficiunt. Amygdalatis potionibus & lacticiiniis vix fœminam post aliquot menses à siti & diarrhæa ex integro recuperare potui.

## ÆGROTUS III.

D. *Sampson*, mediæ ætatis vir, Pharmacopola *Londinensis*, gravi Diabete correptus est, habitus corporis hebetioris, & obesi, & ut istiusmodi hominibus in hac urbe fieri solet, per hyemem plurimum anhelosus, catarrho insuper affectus: ex nescio verò cujus persuasione libentè opiata nocte sumpsit, idque frequenter & multum, quod mihi ingenuè affirmavit; ad sitim autem & linguæ ariditatem, opii genuinos effectus mitigandos, idem illi aquas *Epsomenses*, si benè meminî, de die propinavit: ex horum autem usu gravis Diabetes ortus est: evasit tamen solâ remediorum tam perniciosorum abstinentiâ. Anno verò proximè sequenti iisdem malis sed vehementius affectus, & jam Diabetes superioris anni oblitus, iisdem etiam usus est remediis. Quid sit? Diabetes iterum hominem gravissimè adortus est: ferè die nocteq; nulla mora minxit, idq; non ad modum stillicidij, sed ad aliquot uncias una vice: ut viginti aliquando vitrea pocula hujus Urinæ pallidæ & subturbidæ plena ex ordine propè lectum suum numeravi, velut ostentationis causa: nam remedia nulla à me aliòve quovis medico, quod scio, petebat, præter unum opium varia arte & lenocinio paratum: post mensem autè tanto malo succubuit vir optimus, & meliori fato dignus.

## ÆGROTUS IV.

Illustrissimus Comes---juvenis, obesus, ex potione matutinâ mellis *crudi* ex vino Canarino ( ut mihi scriptum est à medico ejus sanè doctissimo viro D. *Musgrave*, cum consilium meum literis postularet ) gravissimo Diabete affectu



fectus est: omnia autem remedia frustra adhibita sunt. Antequam verò meis usus est, *Londinum* venit, & soli curæ R. se commisit; is autem, ut ex necessariis ejus didici, aquas medicatas *Epsomenses* ad x. libras quotidie illi propinavit, & opiū nocte largâ dosi; funesto sanè eventu; nam intra octiduum mortuus est.

## ÆGROTUS V.

*Adoptivus ex F. Hildano, l. 5. c. 53.*

**P**uer quidam 7. annorum usu acidularum *Greisbacensium*, in tantum Urinæ profluvium incidit, ut an unquam simile visum sit, valdè dubitè. Hinc sitis talis supervenit, singulis noctibus plusquam libras x. aquæ (quantitatem vini, quod admiscebatur, non observarunt adstantes) ebiberet, & eodè modo protinus, nihil alteratam, iterum emingeret.

Quibus medicamentis, scilicet lacte amygdalato, pullorū jusculis, &c. ad plenissimam sanitatem restitutum puerum fuisse; vide apud ipsum *Hildanum*. Tamen denuò in eundem morbum gravitèr incidit, quod vinum aquâ dilutum, à medicis denegatum, iterum sumpserat, & mortuus est.

## ÆGROTUS VI.

**H**ortulanus quidam in Suburbiis *Westmonasteriensibus* habitantis, mediæ ætatis vir, olim multum Luc Venerea afflictus, ab agyrta quodam Antimonium, nescio quod diaphoreticum, ad herpetem fœdum & valdè molestum tollendum, sanguinique purificando datum, ad plures dies sumpsit; at id semper citra sudorem contigit. Quid sit? gravi Diabete correptus est: huic urina infinita, at aliquando, ut memini, coloratior; sitis implacabilis, anxietas & jactitatio perpetua: me tandem accersivit; at nimis tardè, nam hominem morientem inveni.

## ÆGROTUS VII.

**D***Wilson* ex Cohorte prætorie Miles strenuus, mediæ ætatis vir, catarrho vehementi affectus est: cui malo medendo sic medicus quidam magni nominis præscripsit: nimirum Syrupum quendam è decocto Balsami *Capevi* dicti, ex aqua & saccharo confectum, liberalitèr potandum jussit; item tam manè quàm vesperi ad duo grana Opii, in pilulis de styrace dictis, devorandas dedit: his autè remediis catarrhus quidem suppressus est: at matellæ Hydrops ortus & ad minimum bina congia Urinæ limpide minxit spatio 24. horarum: post decem dies aut circitèr, vix eloqui potuit, ut à circumstantibus audiretur; sudore frigido ex toto maduit, manus lividæ, & jâ jam moribundus à necessariis non sine ratione existimatus est. Me vocârunt: ipse verò tam ad præscripta quàm ad morbū bene attendi; nulloq; negotio hominem ex Orci faucibus eripui; vinū cum gingibere co-



Etum illicò siccandum volui, & quantum & quoties pro viribus id facere potuit: cætera autem medicamenta omnia supra comprehensa sequestravi: interim tenuem aliquem halum ex aq. lact. pro more, ad sitem leniter temperandam, propinavi; ea autem nocte & crastino die multò minus minxit; item incaluit, sudore siccato; altero die è pullo cocto comedit: post triduum amplius, præter omnem opinionem, convaluit & foras ambulavit, & jam à multis annis sanus in hac urbe vivit.

### ÆGROTUS VIII.

Hic autem Casus, etiamsi proprie ad Diabeten non spectat; quia tamen remedium supra multum memoratorum naturam ulterius indicat & confirmat, ad hujus quoque morbi intelligentiam aliquo modo faciet. D. Ch. Quadragenarius, egregius vir & summus Mercator *Londinensis*, catarrhi fortuiti impatiens, aliàs robustus, & boni & plenioris corporis habitus, pilulas *Mathæi* dictas, aut alias opio magis refertas, à quodam Chirurgo sumpsit, item aquas *Epsomenses* de die siccavit. Quid sit? tanto sudore affectus est, ut indusia terquaterve indicis & sæpius nocte mutare coactus est: forte ejus filiolas, quas meæ curæ commisit, pro officio & ex more visitandas veni; & earum patrem, hominem satis carnosum, & florenti ætate & valetudine cōspicuum, inveni pallidum, languidum, emaciatum, & per ipsas vestes sudore vehementer madentem: hæc autem omnia ingenti admiratione spectabam attonitus. Spiritum Vini tincturæ cerasorum nigrorum confectum, quod domi præsto erat, ad aliquot uncias statim illi propinandum dedi; item vinum optimum rubrum merum ad duas minimum libras prandio siccaret, & sic quotidie vel majori modo bibendum curavi: hinc sudor & languor disparuerunt: cito & optimè convaluit.

Historiis autem hujus morbi sic breviter enarratis, proximum est, ut ejus causas efficientes, & procatacticas, & evidentes, quotquot hætenus extant, enumeremus. *Aretæus* verò primò morbum aliquem acutum hujus languoris causam esse posse existimat, qui in renes impetum fecerit, & in crisi aliquod malignum virus latenter reliquerit. Deinde haud incredibile est, etiam aliquod perniciosum venenum ex iis, quæ vesicam & renes infestant, huic effectui causam præbuisse. Tertio. Quin etiam si quis à Dipsade morsus sit, talis effectus illum morsum sequitur: vulnus sitim non ferendam accendit, isque copiosè bibit, neque siti medetur, sed ventrem obruit humore; adeo inexplebilis est bibendi cupiditas.

Causæ itaque hujus mali *veteribus* sola venena sunt, aut à morbo ex crisi, aut à malo medicamento, aut à quodam animali venenato. Atque ex hac nota sunt pleræque causæ nostris ægrotis supra comprehensis, assignatæ; nimirum mala aliqua medicamenta, primò stomachum & intestina, mox renes & vesicam maximè infestantia, ut Antimonium diaphoreticum, mel crudum & venenosum, Balsamum *Capivi* dictum, Opium.

His adjicere licet *vina* vel *arsenico* vel *sulphuris fumo* nimium medicata,  
Theb.



*Thee*, Terebinthinata medicamenta, Spiritus vini *medicati*, & id genus plurima alia præter modum assumpta. Aquæ denique muriaticæ sive sulphurulentæ, aut aliàs ex salibus & metallis terrenis medicatæ.

Cùm autem colliquatio sanguinis ex *Aretæo* hujus morbi præcipua causa, & formalis ratio sit, sanguinisque serum prout renibus appellatur copiosè effundi. Causæ verò evidentes sint suprâ enarratæ; quæ chylum primò, mox ipsum serum nimium colliquare aptæ natæ sunt ob vim quandam scepticam sive deleteriam: ideo, quo jure, quæve injuria illa vulgaria & trita medicamenta accusari possint, ut breviter ostendamus, operæ pretium esse putavi.

*Imprimis*, Itaque rem cum Antimonio diaphoretico dicto privatim habemus. At *Tulpius* aliq; jamdudum vires ejus maleficas notârunt.

De venenoso melle satis constat ex Historia naturali.

De Balsamo Capivi, aliisq; Terebinthinatis cum excessu assumptis, nemini dubitare licet, cùm vera *sarcotica* sint. Idem de opio perhibetur, nempe vesiculas excitare solere, cuti admotum.

Vina quidem per se ad quodvis venenum alexipharmaca sunt, nec ideo culpanda. Itaque non libenter assentior *Willis*, dicenti, “ In nostro seculo computationibus, & imprimis vini meracioris ingurgitationibus dedito; ideo affectus “ hujus exempla & instantias satis crebras, tantum non quotidianas, occurrere. „ Quòd tamen ex veterum historia, certè Græcorum, abundè constat, illos longè superâsse nostros homines vini meraci potu & enormi ebrietate: Veruntamen ipsis ferè incognitus morbus Diabetes fuit. Illa itaque, quæ à nostris veneficis œnopolis vino adjici solent, sola condemnanda sunt, ut Arsenicum & Sulphur accensum, & infinita alia lenocinia damnosa; unde vina ob illorum medicationem summe nocua esse posse facile credimus.

Ultimo loco *aquas medicatas* suspicari fas est: Quòd autem vehementer diureticæ sunt, & ratio, & experientia, quæ in istiusmodi rebus ratione potentior est, nos abundè docet ex quotidiano infinitorum hominum usu. Quòd autem per se deleteriæ sunt, nondum ita perspicuum est. Aquæ quidem *Gersbecenses* transmarinæ Diabetes in puero solæ accusantur à *F. Hildano*; at cujus classis illæ sint; nescio; illud quidè benè scio, aquas Gallicas omnes medicatas à *D. de Clos* coram Collegio Naturalistarum *Parisiensium* examinatas cum nostris *Anglicanis* ad amissim convenire: nec aliud quid in se continere, quam quod à me in nostris multa sedulitate inventum est: ideòq; si ad res, quæ à siccatis aquis in fundo ampullæ manent, paulo studiosius attendere velimus, lapidem Calcarium & Ocrum à qua ferratæ denominantur, non ullius mali, certè per se accusare licet: salia itaque perpendenda sunt; atque ea ferè sunt, vel sal fossilis, vel sal calcarius; nam quæ de nitro aëreo, alumine, vitriolo, certè maturo & perfecto, somniant aliqui, imò totus ferè bibentium grex, mera figmenta sunt. Igitur quod muria sulphurulenta, nimirum liquamen salis fossilis; Pyritæ dissoluto adjunctum, deleteriū esse possit aliquibus nullus dubito, quod hujusmodi aquæ sæpenumerò stomachum vehementer nauseant cum gravissimo vomitu; item plerisq; sitim haud mediocrem excitant & non rarò diarrhœam plurium mensium; his adde, fœdam scabiem cuti suffundere

*Lister de Morbis Chronicis.*



ſæpè ſolent : quæ ita eſſe, multis experimentis plurium annorum, cum in vicinia *Knaresborough* medicinam facerem, credo, teſtorque. Jam verò illo poſito, quod nec vomitu nec diarrhœa, quibus viis faciliùs ejici poſſint, venenum in renes & veſicam deponant, quod in cute ſolebant, credibile eſt; in corpore certè prius haud boni habitûs.

Illud autem notandum eſt veteres, à quibus medicamentorum facultates & uſus nobis traditus eſt ſalem & foſſilem & vulgarem<sup>1</sup> exurere ſolebant, non aliter<sup>2</sup> *Sandaracham* : unde colligere nobis licet, eos ſali crudo ſubefſe nescio quid mali medicamenti ſuſpicatos eſſe; *Sandaracham* quidem crudam merum venenum eſſe prodidère; at uſtam, etiam *Phthificis* aliſque imbecillis liberaliter dabant. Rurſus inter ſalis fontium *muriaticorum* liquamen & ſalem aquâ dolci diſſolutum plurimum intereſt. Etenim in Fontium muria naturali, aut in ipſa aqua marina (ut cuilibet conſpicillorum ope examinanti liquidò patebit) particulæ ſalinæ ſupra fidem minutiffimæ ſunt, cum in muria factitia ſalis particulæ paucae & craſſæ ſunt : ex quibus illud facile diſcimus, nimirum ſalis acumina infinita ab ejus liquamine naturali multò ferociùs in ſtomachum & inteſtina, renéſque adeo & veſicam, exeri poſſe, quàm cum vel uſtum aut crudum coactum ſit, & denuò diſſolutum, vel ſiccum ſumptum.

*Pyritæ* autem *ferrei*, quocum in iſtis aquis muriaticis aſſociari ſolet, vim cauſticam diſcimus ex uſu, ubi Emplaſtris vehementer adurentibus ad ſtrumas ineſt, *C. Celſo* authore; at fontium muriaticorum, ſale *Pyritarum*, vim multum acui credibile eſt; ſiquidem in hujusmodi fontibus gravis ſulphuris etiam odor ſentitur; adeòque multo aliter in oſtram hiſce fontibus diſſolvuntur *Pyritæ*, quàm ubi cum ſale calcario alicujus alterius fontis miſceantur : imò non rarò incaleſcit fons ab hac miſtura, ut<sup>3</sup> alibi probavimus.

#### Digreſſio de Fontibus Medicatis Populo Londinenſi maximè uſitatis.

Cum autem omnes aquæ muriaticæ, ſive eæ calidæ, ſive frigidæ ſunt, ultra centeſimum lapidem ab hâc urbe diſtant, de iis impræſentiarum minùs ſolliciti ſumus; de frigidis verò *ferratis*, & *calcariis*; ſive eæ ex utraque mixtæ, ſive puræ calcariæ, item de illa *anomala* ferrata, *Naphtha* quadam plurimum imbuta, nuperrimæ quidem inventionis, amplius diſſerere nobis operæ pretium erit, quòd non ſolum huic morbo, ſed aliis quàmplurimis infra tractandis adhiberi ſolent : imò tanquam arcanum quoddam & conſummatum aliquod remedium, & Medici propinare, & ægrotos ſeſe capeſſere libenter conſueverunt, caſibus maximè deploratis. His adde non ſanitatem tantum ab earum uſu aſſiduo promitti; ſed & homines tantum non præ ætate decrepitos juveneſcere poſſe perſuadent. Igitur è re noſtra non ita multum erit, ſi ad Fontes medicatos in vicinia hujus Urbis, aut certè quæ non niſi unius diei itinere ab ea diſtant, digrediamur: hi autem hiſ nominibus & in Urbe paſſim veniunt & à ſuis locis appellantur; nimirum *Hoxden*, *Streetham*, *Dullidge*, *Barnet*, *Epfom*, *Sunning-hill*, *North-hall*, *Tunbridge*.

In



¶ In vico itaque *Hexden*, ad regiones *Londini* Suburbicarias spectante, aut certe uno vix lapide ab ea distante, his nuperis annis puteus effossus est aquarum medicatarum sanè anomalarum; nam etiamsi ferratæ sunt, & subpurpureæ cum gallia fiunt, scilicet à pyrite ex totâ substantiâ in ocrâ dissoluto; item salis calcarii modicum habent, præterea tamen Naphtha aliqua subfulva, & specie quidem à quovis bitumine, quod scio, distincta, sat copiosè inest: hujus autem Naphthæ aliquot uncias, quæ matutinis, cum puteus aquâ plenus est, supranatare solet, & à Puteario diligenter collectas, redemi. Vana est & temeraria quidem quorundam hominum assertio, hunc puteum contaminari nescio quo spiritu Terebinthinæ dicto, aliquâ negligentia Artificis olim perditæ & in terram effusæ, ubi jam Puteus effoditur: detur, quod ibidem ita contigit, spiritus tamen Terebinthinæ idem nunc erit, atque olim fuit; scilicet præter suum peculiarem odorem ingratum, & gustu ardentem, erit facile inflammabilis & aquæ hanc facile miscibilis, minimeque per se concrescens. At hæc Naphtha gratissimi quidem odoris est, fœniculum aut anisum quodam modo spirans; item aquæ per minima miscetur, ut ab ea paululum sub turbida esse videatur; item cum per se aliquo tempore separetur, linguam minimè ferit, sed gustui admodum mitis & grata est; & quod rem extra dubium ponit; in se facile concrescit: est autem novi generis bitumen aut Naphtha quædam, ductilis sive lenta, mollis, subfulva.

¶ Secundo loco Fontis *Streethamensis* aquæ hæc continent, atque sic se habent. Pagus, ubi fons est, altero aut tertio lapide *Londino* distat, ultra fluvium *Tamesis* in agro *Surrensi*.

Non nisi post longam macerationem cum galla ex viridi obfuscantur; adeò leviter tantum ferratæ sunt.

Ex hujus autem fontis aquæ duodecim libris, ineunte Junio coctis, salis calcarii drachmas duas & decem grana; lapidis verò calcarii quinque drachmas & grana viginti quatuor, habui.

Validissimè purgant, si quæ aliæ, & multis sæpè vomitum excitant.

Sed mihi tantisper reliquas aquas *Londinenses* comperendinare liceat.

Cl. autem *Boileus* noster, de his, *Londinensibus* privatim scripsisse videtur; nempe Tractatu, biennio post meum Libellum *De fontibus medicatis Angliæ*, edito; is verò ex aquis medicatis Anglicanis nullam inveniri, quæ vitriolum det, audacter affirmat. Utinam ei placuisset nobis aquas nominasse, quas hujus assertio- nis causa examinaverat.

Illius verò egregii viri modi experimenta faciendi de aquis mineralibus, ferè idem esse videntur ac qui à Philosophis *Parisiensibus*, ex quadam aquæ paucitatis necessitate præscripti sunt.

At in hujus viri scriptis editis desunt, quod doleo, & aquæ eorum examina; quæ tamen omnia à *Parisiensibus* summa fide & accuratone exhibita sunt: fortasse in *Schedis suis posthumis* inveniantur.

Ego autem aquarum nostrarum medicatarum contenta aliis experimentis

E 2

luculentis

¶ 1. *Aquæ Hexdonenses Ferratæ & Naphtha quadam imbutæ; sive Bituminosæ, 2. Aquæ Streethamenses calcariæ*



*luculentis* probavi ; nec minore fide ac certitudine. At hæc nostra probandi genera , tædii , fateor , plena sunt , & aquarum copiam requirunt : adeòq; *promptis* aliquibus ingeniis , & *Historiæ Naturalis ignavis* , placuit mihi ; summa cura & industria , veritati litanti , rursus aquam *turbulentam* fecisse. At nugare nimium non licet. Et si nostra non dignentur experiri *meo modo* , suas conjecturas , per me licet , gaudeant : profectò in re aquatica , ut video ,

*Quale caput est , talis præstatur sapor.*

Istiusmodi homines discant velim ex nostra methodo & artificio , clarè admodum exposito , nostrarum rerum fidem certissimam : id quod iis & laudi & abundanti satisfactioni toti reipublicæ literariæ erit.

Sed quæ ad rem nostram præcipuè faciant , ea paucis hic repetere lubet.

In *Cuniculis* quidem arte factis ad carbonum fodinas siccandas , inveniendasve , Vitriolum perfectum passim observare licet. At hi fontes per accidens sunt , & *sentinae sive cloacæ* potius quàm fontes medicati appellandi sunt. Imò cum Pyritum tanta copia sit ubiq; in *Anglia* , è quibus *solis* vitriolum oriatur , sæpe miratus sum vitriolum integrum & maturum in fontibus naturalibus nuspiam inveniri.

Vehementer tamen affirmo , jam ut olim , omnes aquas atramentosas ex solo Pyrite , quatenus tales , oriri ; quòd in nullo alio lapide vitriolum apud nos temerè reperiatur. Rursus , omnis Pyrites vegetando naturaliter resolvitur in ocram & vitriolum : halitumq; edit in istiusmodi germinatione Sulphureum. Si itaque Pyrites resolvatur ipso nascente vitriolo , & contingat ( ut in plerisq; fontibus atramentosis fieri solet ) perpetim macerari , decursu aquæ præterfluentis , tum istiusmodi aquæ tantum atramentosæ fiunt , ocramq; dant , sed minimè vitriolum perfectum. Sin autem Pyritem humido loco germinare contingat , ejusq; germinatio non impediatur continuâ aquarum præterfluentium ablutione , istæ aquæ verè vitriolicæ fiunt : ut in *Cuniculis* fodinarum ubiq; ferè contingere solet.

Porro eadem certitudine affirmo *nitrum calcarium* à me *primum figuratum* descriptumque , esse saltem sui generis , & ferè omnibus fontibus nostris inesse , in aliis plus , in aliis minus ; ut nec *Salem Petreæ* esse , nec *Nitrum Antiquorum* audacter affirmo. Attende descriptiones & confer sales.

Præterea celeberrimas aquas Nitri *Ægyptiacas* salem tantum *urinofum* præbere , ut olim actis Philosophicis *Londinensibus* , exposui. At is sal , minimè sal calcarius est : ipsum autem veterum nitrum , ut ex *Dioscoride* abundè constat ; sal Armeniacus est.

Urinose quidem aquæ in *Anglia* dantur , authore D. Plot : imò totæ rupes sunt agro *Eboracensi* , quæ urinam vehementer redolent : neque mirum cum Belemnites , & infiniti alii lapides perpetua figura donati , vel leviter fricati , odorem urinofum valdè spirant : narèsq; feriunt perinde ut Spir. C. C. diæt.

Denique , & ex ipso fonte lapidescente juxta oppidum *Knaresborough* , & à rupe cadente , eandem ipsissimam aquam esse , nec contentis ullatenus differre ; quod repetitis experimentis de industria factis , credo : fabulæ itaque sunt & sine fundamento quas aliqui cum *Helmontio* exhibent de Fontium spiritu nescio quo *esurino* , acido & corrosivo.

Hæc.



Hæc autem obiter posui, ne silentio assertiones antiquas nostras multa industria & non contemnendis experimentis, confectas prodere viderer. Si quis tamen expectet, ut aliorum miseras ineptias contra arguerem, sciat velim,

*Multo majoris alapas apud me venire.*

Sed è diverticulo in viam: Symptomatum verò præcipuorum in Diabete rationes exponere restat.

Primum, cur urina adeo dulcescit, ut sacchari vel melleum saporem planè referat? At illud quidem de dulcedine Urinæ mihi valdè suspectum est; quod apud veteres quantum scio, cum reliquas omnes circumstantias mira diligentia nobis tradiderunt, ejus tamen rei altum silentium est.

At esto! cum tamen diversæ res huic malo originem dare solent, sic urina possit esse diversæ naturæ & consistentiæ. Alia ita si quando ab ipso melle, vinòve venenato, Teëve nascatur; nempe, instar sacchari possit dulcescere urina: at ab aliis causis ortum, ut sunt opium, aquæ medicatæ, Terebinthinata medicamenta, Antimonium, &c. Urinæ quidem gustus lenis, at minimè, quantum memini, dulcis: dulcescit autem urina, inquit *Willis*, quòd in ea combinantur sales diversæ naturæ, dulcescit verò ut mel, quod salibus combinatis adjiciuntur quædam particulæ sulphuræ ex partium solidarum absorptione. At hæ rationes nullius momenti sunt, quòd istiusmodi salium combinationes meræ fabulæ sunt, ut supra ostensum est; quippè acetum non dulcescit ob aliquam salium diversorum coitionem, perinde ut plurimi somniârunt, sed ob solas cryсталlos è sale acido formatas. Deinde quemadmodum nutritio in perpetua arteriarum plenitudine, ita & solidarum partium consumptio & macies extrema in iisdem arteriis inanitis consistit: ut eadem plane sit ratio solidarum partium sanguinisve massæ quoad succum aliquem nutritium.

Aliter itaque rem exponere lubet: nimirum paulatim dulcescere urinam, quòd primùm aquosior feri pars effunditur, mox colliquatione procedente, ipsa quoque feri pars chylosior: huic autem rei illud fidem facit; nempe Phthisicorum plurimorum ultimis mensibus insignis sputi dulcedo, ad nauseam usque molesta.

*Alterum* Symptoma est Urinæ tanta effusio: quorsum id? fit, ut opinor, à nimium colliquato & attenuato chylo; à quo mox ipsum quoque serum sive chylus veteranus intra habitum corporis in quendam ichorem quasi corrumpitur: hanc autem opinionem firmant vehemens ardor & anxietas circa præcordia; item subitaneus potionis cujuslibet intra habitum corporis raptus & transmissio, deinde, eorundem concoctio potulentorum præter fidem celerrima; ut vinum acidulum rubellum, verbi causa, contra quàm vulgò creditum est, omnem naturam suam, ipso per stomachum transitu, perque venas lacteas exuat; perque renes tandem insipida, subdulcis, colorisque expers Urina, momento temporis effunditur. Atque hic concoctionis *Septicæ* supra modum exertæ, à medicamentis deleteriis, admirandus effectus est.

*Tertium* Symptoma, omnium longè miserrimum, insatiabilis sitis est. At hoc



ita intelligemus ; si inflammatis visceribus adjecta sit urinæ infinita effusio : nam etiam tenuis ichor ubique facillimè possit erumpere , quà vasa excretoria sunt ; cum tamen faucium , *intestinalisque corporis habitus pars exterior* summè inflammata, adeoque excretionibus inepta sit, ob tensionem istiusmodi ductuum, duritiemque ; cumque renibus naturaliter patentibus, multum aquati ferè exire solet , tantaque per eos jam à reliquis corporis partibus derivatio sit ; non amplius mirum videbitur, si salivæ ductus siccentur ad hominis infinitam miseriam. Quale autem vitium sit in renibus non bene video ; nam *viscerum fermenta* res vana & futilis est : illud verò clarum est, eos multo & continuo effluvio posse labefactari, resolvi, ampliusq; patere : item ob eandem rationem, insignem eorum fracedinem , quæ in nulla parte major est, quàm in renibus, posse ex toto abluì, ut serum aquatum vehementer & assidue erumpens in Urinam minimè excoquatur.

Causis autem Diabetis sic positis, ad remedia jam tandem venimus : eadem verò sunt quæ ad Hydropa benè faciunt, *Aretæo* authore ; ut universa quoque victus vitæque ratio eadem esse debeat. At duæ præcipuè Curationis intentiones sunt ; videlicet, ut stomacho imprimis, sitis fonti , quæ omnium malorum etiam maxima est, opem feramus ; & quòd meiendi provocatio subinde ab eâ excitetur , & quòd effluens secum abducit ea quæ de corpore colliquat, & quòd frustra bibitur, cum nullus potus, quantus quantus is fuerit, siti medebitur. Altera intentio est ad sedandam colliquationem à veneno ortam.

Huic autem posteriori intentioni optimè faciunt, ut ad alia venena, *Lac* ; item *Poma*, [ id est, fructus quilibet, ut poma granata , limones, fragæ, cerasa, &c. ] aquæ, quæ potui dabitur, incoquantur ; item *Vinum meracius* adstringens, ad stomachum roborandum, idem quoque præstat ad evaporandos, & aliò deiciendos humores ; ultimò Antidotus *Hiera*, quæ utrique intentioni curativæ abundè satisfacit.

Primæ autem Intentioni, inquit *Aretæus*, *Hiera* medetur ; at quæ illa *Hiera* est ? nam innumeræ ferè *Hieræ* tempore *Galen*i fuerunt, ut ex N. *Myreps*o discimus : verum enim verò *Aretæo* una tantum *Hiera* cognita est ; scilicet, quæ nullo alio nomine adjuncto tunc tēporis distincta fuerat : sanè inter alia multa hoc egregium argumentum est de summa antiquitate *Aretæi*. At neque *Hiera picra* esse potuit, cum à *Galeno* sic primùm appellata est ; ipsum verò medicamentum sine nomine composuit *Musa Antonius*, Augusti Medicus, ut disertè testatur *Scribonius Largus*, *Claudii Cesaris* Medicus aliquot seculis ante *Galenum*. Profectò operæ pretium esset omni diligentia tantum medicamentum investigare, scilicet quòd sitim Diabete affectis, tremendum sanè symptoma, efficaciter tollat ; nulli certè remedio, quod scio, cedens post hujus seculi, multorum aliàs bonorum feracis, infinitam industriam. Hujus autem remedii notitiam eidem *Scribonio Largo* debemus ; idque non perfunctoriè tradidit : Etenim non tantum ipsum remedium, sed ejus Historiam etiam, sine qua adhuc de tantæ rei veritate dubii essemus, curiosè quidem literis mandavit. Hæc, inquit ille, Antidotus *Hiera* dicta [ quibusdam *Picra*, aliis *Diacolocynthidos* ] ab antiquioribus Medicis ( quo in numero *Aretæus* fuit ) propter

1 Vinum omnibus venenis contrarium est, C. *Celso* authore.



propter effectus ignorata non fuit : sed *Pacchius Antiochia* illam usu illustravit , & post mortem ejus , *Tiberio Casari* per libellum scriptum ad eum , Bibliothecis publicis posita , in manus nostras venit , quam antea nullo modo extrahere potuimus , quamvis omnia fecerimus , ut sciremus , quæ esset. Hanc postea nos scivimus , quæ , ut sanè , & libello ipse fatetur , non à se inventa , sed usu exactiore comprobata , ad quæ vitia , & cum quibus , & quem ad modum data proficeret : antiquas ejus compositiones emendavit *Pacchius* ; adeoque hæc mirificos effectus habet mirificâ temperaturâ composita ; hinc *Hiera Pacchii* nostris hominibus inter alia nomina meritò appellatur. Habes itaque remedium à magno Medico & bene instructo , *Casare* quidem dignum , eique per testamentum legatum , usu & approbatione *Scribonii Largi* ampliùs nobilitatum , & , quod anxie quærivimus , ad sitim tollendam commendatum , idque non simplicibus verbis & perfunctoriè pro summa aliàs hominis modestia , sed ejus facultatem privatim ad hoc malum vehementer exaggerat.

Est stomachi vitium , inquit ille , quod cum siccitate & ardore ejus , & irrequiebili , ut ita dicam , & inextinguibili siti consistit ; ἀπρον Græci vocant ; *Marcellus Ecausin* meliùs , sive ardorem , ut rectè observavit *Rhodius* , ab eo quod exsiccat omnem stomachi humorem. Scimus quosdam urnas aquæ bibisse , neque ideo sitim aliquâ ex parte in præsentia compescuisse : ad hoc Antidoti *Hieræ* drachma vel ejus dimidium datum ex aquæ frigida cyathis duobus , ita prodest , ut facilè abstinere ab aqua proximis diebus possunt : nec minùs *Hydropicis* prodest , quibus eadem ratione datur.

Illud verò , ut idem author perhibet , supra omnium opinionem est , quod ad stomachos evidenter convenit , quum sit virosissimum medicamentum adversus stomachum , ne ad levia quidem , & simplicia medicamenta aptè dispositum , sed videlicet in ejusmodi rebus potentior usus ratione est : expertus enim unusquisque intelligit stomacho quoque hoc medicamentum eximiè prodesse.

Remediat enim eos quibus frequenter inacefcit cibus , & eos qui assidue inflationibus urgentur , &c. Vide apud Authorem. At hæc omnia quòd magnam partem ex antidotis constat.

En præclarum summæ Antiquitatis monumentum , ad multos magnosque hominum usus , & privatim ad Diabetem & Hydropa inventum !

Hujus autem Antidoti succedaneam malè quidem , mea sententia , supposuerunt inferioris sæculi Medici , *Archigenes* & *Ætius* , Theriacam *Andromachi*. *Mithridatio* quidem *Andromachus* , *Neronis* Medicus Squillam & Opium [ quod obiter pono ] infinita quantitate adjecit , qua in compositione ante omninò defuerunt , ut planè constat apud eundem *Scribonium Largum* ex Antidoto , πελεια , sive perfecta dicta , *Marciani* Medici , & quæ *Augusto Casari* componi solebat.

At hæc *Andromachi* adjectiva medicamenta , utpote siccantia & vehementer diuretica Diabetæ minùs idonea esse videntur. Videant tamen nostri homines , quibus huic morbo medendo opportunum fuerit , si *Diacodii* paululum , ob mittem & temperatum effectum , aliquo modo cum utilitate exhiberi non posset.



## DE HYDROPHOBIA;

## Tertia Exercitatio Medicinalis.

**A**B inextinguibili autem siti, & bibendi assidua cupiditate, ad ipsius etiam aquæ, omnisque adeo potionis timorem transire lubet: miserrimum genus morbi, inquit *C. Celsus*, in quo simul æger & siti & aquæ metu cruciatur. Græcis Hydrophobia audit; Latinè, aquæ pavor.

Quemadmodum autem proximè superior morbus Diabetes, à morfu bestiolæ cujusdam venenatæ, ex serpentium genere, interdum nasci solet; ita hic, de quo tertio loco tractaturi sumus, Canis rabiosi venenato morsui primariò originem suam debet. Atque similiter quoque hic, atque ille, Dei Providentia, mortalibus rarò accidit. Quod tamen vehementer minor, cùm nulla domus sine cane sit, ejusque totiusque familiæ non sine ratione præsidium vocetur; imò cùm omnium gregum, bestiarumque ruralium assiduus & fidelis custos sit. His adde, Canes venatitii capitularium generum apud nos infiniti sunt, & primarii viri eorum etiam greges nutriunt; imò mulieres, cujusque ferè sortis, solius voluptatis & animi causa, eos in sinibus suis gestare amant, & intra ipsos lectos admittere; adeo non satis est, eos esse domestica Animalia, nisi mensa & toro quoque accipiantur: item horum plurimos rabie perire, scilicet morbo Canibus, & id genus animalibus solis peculiari, teste *Galeno*. Idcirco Providentiam divinam magnopere laudo, & à morbo omnium longè sævissimo, humanum genus etiam invitum, tueri velle.

Non autem ignoro Hydrophobiam aliter, atque aliter in morborum classibus disponi. At tota illa contentio, an celeribus tardisve passionibus annumeretur, pauci momenti est. Etenim cùm rarò ante trigesimum quintum diem aquæ pavor à quo prima morbi cognitio est, incipiat; & quòd celerrimè deinceps hominem interficiat, acutus morbus dici potest. Veruntamen, quia post plurimum tempus morfu inflicti ægri morte afficiuntur, & quòd ab ipso ferè morfu diversimodè sese malè habeant, etiamsi morbi genus nondum percipitur, aut ne dum ille animadvertitur; ideo cum aliis antiquorum sectis (quales fuerunt Asclepiadis sectatores, authore *Aureliano*) hanc tardam passionem esse putare licet.

Ut autem hujus morbi descriptio perfectior sit, tam ipsius canis rabiosi, quàm hominis à morfu rabiosi conditiones exponendæ sunt.

*Canis* verò *insania* propriè *rabies* dicitur: huic tùm ferè cauda demissa, oculi inflammati, lingua exerta, citra rationem currere, deinde rursus subitò consistere. Siticulosi quidem sunt, non tamen bibunt, & plerunq; anhelant. Muti sunt & adedò deliri, ut ne familiarissimos cognoscunt, sed hos primùm attingunt. Segniùs ferè incedunt,



incedunt, & velut somnolentiores existunt; si verò etiam cucurrerint velocius; subito currunt, at intempestivius & inordinate. *Ruso* & *Posidonio* authoribus antiquis apud *Ætium*: non solum maximo æstu, sed etiam per maxima frigora canes in rabiem agi solent. Item potum & escam averfantur: largam spumantemque puitam naribus & ore projiciunt; torvè & solito tristius intuentur: in omnes passim sine latratu irruunt, æquè feras hominésque: tam familiares, quam ignotos mordent, nec protinus infestum quidquam infligunt, nisi vulnus, dolorémque; exinde morbus ille contrahitur, qui *aqua metus* denominatur. Illudque nosse convenit, pavorem aquæ non statò definitòq; tempore exoriri. Quidam post morsum celerius in passionem veniunt, quidam tardius: ideo etiam post annum, aut eo amplius afficiuntur: sed magis plures post quadraginta dies. *Cæl. Aurel.* Plurimum tamen ad quadragesimum usque diem neglectis differri consuevit. Post semestre etiam nonnullos invadit. Quendam post annum aquam horruisse constat, quæ nobis vila & comperta fuere: narrant & post septennium aquæ metu fuisse tentatos.

*Jumentorum* Hydrophobia correptorum hæc ferè est conditio, *Vegetio* auctore,

Aliquando jumentum aquas timentis signa hæc sunt, venas omnes habebit extensas, sudabit, suffusus oculis tremorem frendorémque patietur, illidet se parietibus; ex qua passione converti consuevit in rabiem.

*Homini* autem evenit id malum cum distentione nervorum, totiusq; corporis rubore, præsertim faciei, cum sudore & languore quodam. Aliqui auræ splendorem fugiunt; alii sine ulla doloris interapedine vexantur; sunt etiam qui canum more latratus edunt, & obviam factos morsu adoriuntur, ac mordendo simili vitio labefactant.

*Cæl. Aurelianus* omnium Antiquorum diligentissimus fuit in colligendis nominibus & signis hujus morbi. Hydrophobiam, inquit ille, alii Phobodypson appellant, quod cum timore sitiat aliquis; aliis *aqua fuga* audit: aliis *cynolysson*, veluti ex rabie canina morbum conceptum.

Antecedens certè causa passionis est canis rabidi morsus; at quidam in hanc passionem devenerunt solius aspirationis odore ex rabido cane abducto: alii rabidi canis unguibus læsi: alii à catulo parvulo læsi Hydrophobici memorantur.

Satrix quædam ex chlamyde scissa rabidis moribus sarcienda, futuris & filo linguam pro more sæpius admovendo.

Alia quoque animalia apud eundem *Cæl. Aurel.* numerantur simili rabie noxia, ut Lupi, Ursi, Leopardi, Equi, Asini, etiam Gallus Gallinaceus.

Imò apud illum possibile est sine manifesta causa hanc passionem corporibus innasce.

Hydrophobiam autem, secundum eundem *Cæl. Aurelianus* hæc ferè indicia circumscribunt: nempe *præcis* in illum, cum jam prætangere cœperint. *Anxietas* quædam sine ulla ratione: Atq; *iracundia*, & corporis difficultas: insolitus motus: *Somnus* etiam suspensus atq; turbatus, vel vigilia: & simul cibi corruptio: stomachi gravido: crurum atq; brachiorum extensio, oscitatio jugis, & impigra levandi (an ad ambulandum) voluntas: insueta etiam querela aëris, tanquam austrini, quamvis serena fuerit quies: item difficilis toleratio, atque rædium, & recusatio imbrium,



*parva bibendi voluntas contra consuetudinem.*

*Obtinente* verò passione appetentia bibendi atq; timor primùm ad ipsius aquæ visum, secundò etiam si ejus audierint sonitum vel nomen; dehinc timor fomentationis olei. Pulsus densus, parvus, inordinatus: quibusdam saltus stomachi, torpor atque stupor articularum; subreptio atque extensio præcordiorum ad superiores partes, & officii ventris absentia. *Urina reddenda paulatim frequentatio*, tremor atque conductio nervorum. Vox obtusa & velut latrabilis: corporis canina involutio, [ sive decubitus cunius ) spiratio difficilis: jactatio corporis omnis ad ingressum hominum, tanquam secum aquam afferentium: rubor vultus atque oculorum, & corporis tenuitas, adtestante pallore cum sudore partium superiorum. *Ventris frequens tensio cum seminis involuntario jactu*: lingua prominens.

In *ultimo* etiam singultus, & vomitus fellis, ac frequentius nigri: quibusdam etiam timor, manus oculis tenus admotæ vel circum tractæ.

Quidam se agnoscere fatentur esse naturalem, vel consuetum aquæ liquorem, cùm sibi monstratur; sed commoveri cùm viderint.

*Soranus* ipse testatur se vidisse Hydrophobum sese hortantem, ut liquorem sumeret, nec tamen potuisse. Aiunt & militem quendam Hydrophobum, ut *Artorius* memorat, sibi indignatum, quòd in bello nulla timuerit vice, sed nunc, aquam cùm vidisset, quæ esse consuetudinis jucundæ solet, metu inenarrabili terteretur.

*Eudemus*, *Themisonis* sectator, memorat fuisse Hydrophobum Medicum, qui cùm prænosceret periculum, suppliciter ingredientibus exoraret, & cum lacrymarum fluore guttis destillantibus tangeretur, exiliens vestem consciderit.

*Soranus* memorat se infantem Hydrophobum vidisse, Ubra matris expavescentem.

Atque hæc ex *Celio Aureliano*, veterum Medicorum nulli secundo, exscripta habui.

Unum autem morbi sævissimi prognosticon restat; nempe ex iis qui hoc vitium senserint, *neminem* servatum esse: nisi forsitan ex Historia unum aut alterum evasisse audimus, teste *Dioscoride*; & idem alibi; Hoc vitio tentatus nemo servari potest. Huic etiam prognostico consentiunt fere omnes Antiqui Scriptores. Aquæ metu oppressis in angusto spes est: sic *C. Celsus*. Quum liquorem timent, & latratus edunt, spasmòq; vexantur, horum nemo ita correptus, quantum ego scio, inquit *Scribonius Largus*, expeditus est: ad idem redit sententia *Galen*i; hoc autem morbo omnium pessimo correpti aquam timent; ac propter multam ariditatem humidi desiderio tenentur, cæterum à potu abstinunt, *quia mente alienati*, id quod auxiliari potest, non considerant. Proinde fit, ut aquam fugientes inarescant, & convelluntur ob febrem, quâ intus uruntur, miserrimòq; tandem mortis genere intereunt. Aquæ, id est, cujuscumque liquoris timor, ubi accedit, summo cruciatu ad mortem eos compellit: hæc etiam *Scribonius Largus*.

Ipso autem morbo hæcenus descripto, proximum est, ut aliquot Ægrotos, pro more nostro, exhibeamus; nempe ad majorem morbi elucidationem. At rarissimi hi sunt: imò in tota Historia medica, quantum legi; tam antiqua quàm  
mo-



moderna, vix unum aut alterum ægrum *ex integro narratum* invenire licet; quod fortè ab istiusmodi ægrotis etiam Medici abhorreere consueverunt; cùm saliva non ipsius canis tantùm, sed & hominis rabiosi inficere potis est: neq; enim infectio- nem aliquibus assidentibus, maximè si vitiosi corporis habitus sint, mediante spiritu communi, communicari posse, non multùm dubitare videtur *Diosco- rides*.

Æ G R O T U S I,

*Jacobus Corton*, juvenis procerus, atque admodùm robustus: à Cane quodam rabioso dextra manu levitèr morsus est; vulnusculum pet se sanatum est; imò res ipsa & sibi & uxori omninò oblita est; mihi tamen respondit (cùm Hydrophobia correptus est, & ea à me causa assignata est, cur aquam jam bibere non po- tuit) se uxori dixisse, illud sibi valdè mirum visum fuit, quòd canis, antea sibi tam familiaris, ipsum tunc morderet: at è memoria id totum sibi excidit. Post quadra- ginta verò plus minus dies de dolore quodam totum quidem corpus, maximeq; dorsum & tota circumcirca præcordia, vehementer afficiente queritur; pallefcit, huic cavio culi, &c. Die autem tertio à primo insultu ad vespèrum, circitèr medium *Martium*, anno 1682. Spiritum Vini dictum meracum, & calefactum, petiit, po- tavit, lecto decubuit, vomuit, noctem inquietam egit, & postridie manè valdè ægro- tavit cum stomachi vehemènti insultu; & quamvis *minimè sitiebat*, tamen omninò bibere non potuit; imò jam propriam salivam ægrè quidem deglutiebat, quod ipsi, ut nobis seriò multotiès asseveravit, vel morte pejus erat: ejusdem autem die manè, & Diascordii tantillum, & aquam Theriacalem ei obtulit quidam Pharma- corpoia. Diascordium quidem sumpsit, at aquam gustare non potuit. Atque hæc manè: Primâ autem ejusdem diei pomeridiana hominem primùm vidi, lecto de- cumbentem; pulsus protinùs exploravi admodùm tardum, & interdum inæqua- lem; at neque id, nisi ab aliquo stomachi gravi insultu; habitus corporis frigidus, lingua non sicca, sed flexilis & humida, subalbida. Hominem surgere jussi, & ante claram lucem eum posui; & quòd de nescio qua gravi ægritudine circa stomachum multùm querebatur, aquam Theriacalem, quæ ad manus erat, propinavi: cùm ori ejus poculum appropinquarem, inhorruit quidem tremuitque: illud equidem infinita admiratione spectabam; adeoque vinum aquamve petii; & aquam mihi ejus necessarii attulerunt, quam ei statim potandam dedi; sed vehementer ad eam resiliit, & ejus stomachus modo quodam insolito valdè intumuit, & tunc pulsus ei multùm tremulus & commotus est: ampliùs autem eum ad bibendum provo- cavi; sed ut ad ejus os aquam propiùs moverem, magis magisque attonitus, caput retrò avertebat, singultiens, & eam torvis oculis intuens, non sine dentium stridore tandem & vociferatione. Illud vehementer miratus sum, nec ejus sympto- matis rationem ullo modo reddere potui; diu verò cogitabundus, feliciter mihi in mentem venit, hunc *Aquam etum* esse, mihi tantùm ad hoc tempus ex libris cognitum, nondum tamen visum. Quo adverso, iterùm atque iterùm hominem ad bibendum provocavi, & totiès illum valdè perturbatum expertus sum,



sum, maximè ad aquæ appulsum: Tandem uxoris matrem & ancillam adstantes interrogavi, quâ corporis parte nuper vulneratus est; quâ quidem quæstione confusæ, responderunt, Quare id quærebam se velle scire: Illum à quodam cane morsum esse dixi. Id verum est, ipse ægrotus territus subito mihi respondit, à cane cuiusdam *Sutton*, vicini mei, morsus sum; sed vulnus jamdiu sanatum est. Post hæc hominem rursus decumbere jussi, illumque reliqui. Uxorem autem & necessarios alibi domi conveni, & ejus mortem, ut rem certissimam prædixi; siquidem tardius esset, quàm opem aliquam ferre potuerim; item neminem præter custodes, strenuos aliquot viros, illi adesse permittere volui.

Venam autem in brachio demoræ manûs statim secandam curavi; vulnus scarificatione profundiore aperui & vesicatoria superinjeci, eadem regioni interscapulari, tibiis & brachiis ex internâ parte admovi; item Antidotos famolas & usitatas, ut Theriacam *Andromachi*, cinerem Cancrorum fluviatilium, Rutam, Agaricum, &c. formâ boli propinavi. Illud autem notandum est, *solida* quæque cochleari assumere potuit, (quod ut jam video *C. Celsum* non latuit) sed id non sine multo tremore & metu; obnixè supplicans, ut cautè id fiat, neque aliquis eâ subito & improvise afferret, & ut in ejus manus lenitèr deponerentur; quibus acceptis, manum suam suspensam paulatim versus os dirigens, subito cochleare intra id, velut ejaculando, conjicere voluit, & dicto citius, velut *canis ad offam* quicquid in cochleare contentum est, deglutire, idq; multo expeditius, voraciùsq; quàm est hominum aut consuetudo aut natura. Ex variis autem Antidotis aliquid singulis horis ad multam noctem sumpsit, & semper ad modum jam descriptum: item Potionem plurium generum subinde obtulerunt die nocteq; quam tamen nunquam sine horrore vidit, *gravi stomachi motu superveniente*. At Salivam diglutire ei horrendum fuit; perinde, ac si mortem ipso momento inferret. Nox illa ex toto insomnis fuit.

Postridiè verò ejus sanguinem, è venis missum, diligentèr inspexi; optimè quidem se habentem, & colore, & consistentia, & proportionè utriùsq; partis seri ac crassamenti rubri, & sanorum sanè quàm simillimum.

Febricitavit jam primùm, & pulsus jam celerrimus, fortasse magis à calidis Antidotis, multotiès exhibitis, & vigiliâ perpetuâ & animi anxietate, quàm à morbo. Aqua denuò oblata est, sed frustrâ; imò me magnopere rogavit, ut non ampliùs ei molestus esse velim, ut saltem quietè mori sinerem, adeo aqua ei terribilis, ut nihil suprâ; sed & omnia alia quæcunque illi jam terrorem incutere dixit; ejus mortem jamjam instare sentit, quòd animo, inquit, penè defecurus sum; & admodum quidem pallidus, & cavo & tenui vultu erat.

Multâ autem difficultate hominem vestitum persuasi, ut se in faciem inclinaret, lectòq; incumbentem, sese super ventrem prosterneret; pectore tamen & vultu in terram ultra lectum liberè deorsum prospiciente: nam mihi verisimile esse videbatur, ut hoc corporis positu (sc. *canino* aut quadrupedum more, quàm erectiore; humanòq;] faciliùs biberet. Itaque cerevisiæ tenuioris Urnam capacem ipsius ori placide subjiçì curavi; quam, protinùs ut aspiceret, infinito gaudio amplexus est; & ejus odore se admodum refici dixit; portionemq; jam cum insigni voluptate vi-

dit;



dit; seque minime dubitare, quin totam Urnam siccare posset affirmavit; & qui jam tantum non moribundus videbatur, jocosè loquutus est, & cum uxore & necessariis ejus multa lepidè & jucunde confabulatus est; inventionem meam mirificè laudat, mihiq; gratias quàm maximas ex animo dedit, &c. Caput autem versus cerevisiam maximà festinatione impetùq; movebat, sed frustrà, nam, quoties labia aperuit, stomachus vehementèr offensus est; linguam jam exeruit, ac si lamberet; sed cum vel summo ejus apice cerevisiam tangere contigit, territus resiliuit; bibendi tamen vana imagine usque delectatus est; amphoramque è conspectu ejus subducere ancillam sinere noluit; & quoties eam parùm & lenitèr subtrahere conata est, odorem sequutus est naribus, canum more, follicans. Diu & multum sic frustrà fatigatus, se jam plurimum offendi dixit odore cerevisiæ tenuioris, scilicet nimium vapido & languido; idque sibi ne biberet impedimento esse; itaque *alam* (fortiorem cerevisiam nostratibus dictam) petiit. Atque illa ex voto dicto citius oblata est; sed post infinitos conatus, & linguam milliès, canino more, exertam, neque ex ea vel primis labiis gustare potuit. Atque hanc positione modo ventri incumbens, modò manibus & genibus innixus, integrà minimùm horà persistebat (*Tantalum* agens) at omnino citra potionem. Deinceps, tenuis fistulæ, è pennis coagmentatis confectæ, alterum caput ejus ori, atque alterum cerevisiæ, immittimus; sed illo Syphoneuti non potuit; atque idem esse videbatur, ac si quis illum Canis ori intrusisset. Ita vexatus, me persuadente, tandem decubuit, & non multò post exitum meum nervorum contractione correptus est, ore spumavit, *latravit*, adstantes dentibus petiit.

Hoc autem paroxysmo finito *Elleborismum* in bolo propinavi, quod libenter avidèque, perinde ut cetera, sumpsit, ab eo ter quaterve copiosè vomuit, còque se multum levare dixit; tamen subinde convellebatur; & in accessionibus semper desipiebat. Post quatuor autem horas hominem rursus visitavi, & jam Sacerdos etiam accersitus est, quocum multa loquutus est sobriè & piè, præcèsq; publicas ab eo repetens, & sacramentum mensæ Dominicæ vehementèr petiit; quod tamen propter morbum dare non licuit; Testamentum scribi jussit & rationum libros inspexit, Post hæc rursus hominem ad bibendum sollicitavi, & jam promptè seipsum in ventrem sua sponte vertebat, omnique artificio & ingenio usus est, ut de cerevisiâ capiti subjectâ biberet; sed nunc ut olim frustra. Insuper poculum exiguum argenteum, Potionis plenum, in ejus manum tradidi; quòd, cum propè os leniter & suspensa admodum manu admovisset, subitò intra proprias fauces illud ejaculare voluit, ut de bolis facere consuevit, sed dentibus allisum, in amphoram subjectam cecidit.

Illum autem, cum non meminissem, toto decubitùs tempore vel minxisse vel semel dejecisse; idèò enema dari curavi, quod protinùs rejecit & convulsus occubuit. At eum non minxisse, & satyriasi molestissima correptum fuisse, (de quâ plurimum questus est, maximè cum in genibus & manibus incumbere lecto) à vesicatoriis potius, quàm à morbo oriri, verisimilius mihi esse videbatur; at lecto postea *Cælio Aureliano*, Antiquorum diligentissimo (si quis alius) scriptore,



ipsius morbi unum è propriis signis esse cognovi.

Ne quid autem omitterem de iis, quæ aliquo modo ad morbi intelligentiam facere possit, insuper dicam, me quandam mulierem è propinquis ejus fortè convenisse, cujus filia, ut mihi retulit, valdè anxia erat, ne illa quoq; periclitaretur, quòd hic vir à sua domo redeuntem puellam nocte conducere ad ædes maternas voluit; seq; benè meminisse ejus manum, qua illum tenebat, totumq; corpus tremuisse, & frigido sudore maduisse, multumq; secum murmurasse, ut illum rogaret, quomodo se haberet; respondit, post operam quotidianam, [ nam suppellectilarius erat ] ita se malè habere nuper consuevit.

Neque illud silentio prætereundum est, ipsum canem, à quo morsus est, hominem ea nocte sequutum esse: imò ipse canis vivus & sanus esse videbatur, quo tempore homo mortuus est.

### Æ G R O T U S I I.

**A**D hæc: D. *Widdow*, ipso authore, mihi hæc narravit; nempè ad illud tēpus, quo *Corton* morsus est, ab eodem ipso cane nigro ejusdem *Sutton*, Catulus in ejus officina morsus est. Postridiè autem à morfu idem Catulus & Dominum & ancillam, illum in manu, hanc in tibia, & eo ipso die moriebatur. Post mensem verò malè se habuit, & cordis dolore vexatus est, non sine aliquo tremore & metu, per triduum vix dormivit, sanguinem mitti curavit, & melius se habuit. Ancilla autem de nulla noxa adhuc querebatur.

### Æ G R O T U S I I I.

**P**Uella quædam, duodecim annos nata, à cane rabioso morfa est ad Talum: cutis autem ejus non lacerata est aliquo vulnere; at penitus impressi sunt canis dentes, eorumque vestigia ad aliquot dies manebant: huic autem in ea parte nescio quis *dolor Urens*, per intervalla accedens: à sexto verò, ut memini, die à morfu adeo intolerabilis fuit, ut præ dolore vehementer vociferavit; pungente, atque urente dolore, ac si carbone aliquo vivo afficeretur; is verò dolor usque ad genu ascendebat; imò eo tempore planè aliena loquuta est.

### Æ G R O T U S I V.

**Q**Uædam mulier, 60 annos nata, ex matre vehementer phrenetica; ab ipsis cunabilis ( ut mihi à fide dignis relatum est ) hujus mali materni quædā signa habuit: ex.gr. nunquam in vita nisi pitissando, & cum nescio qua difficultate, bibere potuit; contrà, cibum & multum & avidè sumebat: aquam semper vehementer inhorruit, ut naviculæ in flumine se nunquam comittere persuaderi potuit; imò iter factura vehiculo, aquæ metu supra modum affecta est; item repentinos pavores sine causa vehementer passa est: subitò & supra humanitatem, præterq; omnem rationem ( aliàs mitissima Fœmina ) irasci solebat.



## ÆGROTUS V.

Quidam quinquagenarius, Mercatoribus notissimus institor, habitans in *Pyel alley*, ad vicum vulgò dictum *Fenchurch-street*: morbo quodam valdè inusitato ex 25. annis gravitèr affectus est: me verò per Pharmacopolam vicinum accersivit ejus uxor, ut de re, per neminem adhuc vel infinitis remediis levatâ, saltem judicium meum ferre velim: hominem vidi athleticum quidem & aliàs sanum, & dum ei adstabam, bis aut ter convulsus est ad hunc semper modum; nimirum, caput ejus *de humero ad humerum* admodum veloci vibratione concessum est, non sine dentium stridore; idq; si nocte in lecto contingat, quod tamen sæpissimè fit, cum quodam horrendo murmure perpetrari solet; ut ejus uxor nobis author fuit: hæc autem *vibrationes* tanta pernecitate transactæ non diu durant; tamen cum frequentes sunt, hominem supra fidem fatigant; ad plures verò menses in anno nihil istiusmodi mali patitur, sed integer est. Ego autem, cum is *caninus concussus* planè mihi visus fuit, hominem protinus interrogavi quoties [Pharmacopolâ præsentem] & quibus corporis membris Cane morsus est? At mihi non sine gravi itacundia respondit, bis: sed utrûmque in tibia, & sibi vel puero vel adolescentulo contigisse. Cum hæc mea interrogatio hominem valdè morosum reddiderat, parùm aut nihil amplius loquutus, ei valedixi.

Elapso autem anno, rursus, suâ jam sponte, eodè Pharmacopolâ nuncio, me rogavit ut ad se venirem; excusatione autem ab ipso præfatâ. Ejus malum à Caninum moribus, tibiarum olim inflatis, quarum cicatrices, nudatâ tibiâ, mihi libentèr ostendit, posse oriri, verisimile est; maxime quod ejus Uxor sæpius observaverit istum stridorem, & dentium concussionem & murmur in nocturnis Paroxysmis usitatum, canem quendam latrantem valdè propè imitari, aliâque non dicenda mihi narravit, quæ nobis fidem utiq; faciebant, me de morbi natura rectè conjecturam fecisse, opemque meam suppliciter rogarunt, quòd quò vir senescat, eò etiam malum gravius inveterascere & multò pejus fieri, Pulverem autem *Antilyssum* diu sumendum præscripsi, &, ut memini, aliquoties in mense *Helleborismum*, de effectu autem medicamentorum, & an illa sumpserit, nunquam audiui, & istiusmodi homines citò remediis satiari credibile est: & si boni alicujus eventus fuerint, sanè præter expectationem meam id esse, propter diuturnum vehementis morbi malum habitum. At Ægrotus jam vivit, & mihi nuperrimè narravit ipse Pharmacopola; *vicinus ejus*.

Ægroti quidam [manuscripti ex minio] ad marginem cujusdam libri *Sancti Ardoin de venenis*, ad Medicum quendam eximium, *Herenhock*, olim pertinentis: hos autem mecum communicavit pro candore suo notissimo, Doctissimus vir D.D. *Franciscus Bernard*, illòsque sanè publicâ luce dignos existimavi.

## V I.

Notanda Historia cujusdam, qui tertio demum anno post morsum interijt: *Septimo* autem quoque die, eadè hora, qua demorsus fuerat, toto triennio in



in rabiem agebatur : an rabiei supervenit *Septimana* febris ?

## VII.

Vidi in sene Septuagenario , qui post XL. dies Hydrophobia correptus , quinto ab ejus insultu die , me mordere appetens , & salivam plurimam ex ore profundens , interiit : demorsus autem fuerat ad auris pinnam.

## VIII.

Memento Institoris *Parisiensis* , quem vidi ; is à cane *non rapida* demorsus circa malleolum , sine vulnere , per septem annos integros , me spectatore , & si adhuc vivit , per decem , quotidie milliès in quacunque corporis parte , sævissimos percipiebat cruciatus , præsertim in *Pene* , quasi ab adactis vitri fragmentis : carnosus aliàs & boni habitus : nullum ipsi levamen nisi in *vino* generoso , & laudano , quo per plures menses sæpius in die usus est.

Atque hæc hætenus de *Ægrotis* : deinceps verò hujus mali rationem explicare aggrediar.

At breviter videamus , quæ Antiquorum de hac re notitia fuit.

Igitur alii , referente *Cœl. Aureliani*. Hydrophobicam passionem melancholiam esse voluerunt.

Ab *Hypocrate* verò *Βεγχυπώρας* , i. e. parvi bibuli ; appellantur Hydrophobi , quos brachypotos vocant , hoc est , quod modicum biberent , ob timorem liquoris.

Corporis passionem esse , i. e. omne corpus pati : plus tamen stomachus patitur , atque venter , siquidem in ipsis signa plura & manifestiora ; ut *singultus* ; egerendorum retentio.

At ex nostra observatione ipsam Salivam præcipuè vitari ; atque in ea unicum esse virus , experimentis credo. Etenim hæc ferè vulnera inficere solet : at sine vulnere , etiam vel ab ipsis labiis aut linguæ ope , communicata idem aliquando malum attulisse , ut ex sattrice *C. Aureliani* constat , idemque attestante hujus seculi fide dignissimo *Fab. Hildano*.

Huic accedit illud , nempe aliorum morsuum venenatorum non aliam causam esse ; Viperæ puta , aut *Dipsadis* , &c. siquidem ab his Animalibus una evidens saliva vulnere infunditur ; quam salivam per se quoque venenatam esse extra dubium ponitur , infinitis experimentis à *F. Redi* excogitatis.

Porro , canem ore tenus plus imitantur hi ægroti , quàm ullis aliis corporis membris ; ubi scilicet Salivæ propria excretoria vasa sunt.

Postremò hominis & aliorum omnium quadrupedum rabiosorum , videlicet ex canina rabie affectorum , morsum identidem virosum esse , aliàs innoxium ; licet id sæpius fiat ab ægrotis ex febribus putridis , aut aliàs vehementer insanientibus , notissimum est. Atque adeò ipsa eorum saliva , æquè ac canum , contagiosa est.

Ad ejus verò rei explicationem hæc imprimis faciunt : nimirum à morsu canis rabiosi novam naturam caninam aliquatenus homini superinduci. Id quod liquidò constat , ex ejus larratu verè canino ; ex linguæ exertione , rapidòque deglutiendi modo ; ex potionis horrore in erectiore hominis positione ; contra ; pro-

cum-



cūmbenti, quadrupedum more, ejus delectabilis prospectus, spontanea & vehemens appetitio.

At bibere tamen non possunt, alteruo demum modo iis offeratur aqua: adeoque aliquid intus impedimenti; verbi causa, vel faucium tumor, qualis in Angina, quod aliquid intus impedimenti; verbi causa, vel faucium tumor, qualis in Angina, quod aliquibus, ut video, modernis placuit; vel quod eadem contractæ & aridæ sint. At omnino nullum horum est: siquidem bolos dictos optime & facillime, imò avide, canum more, appetunt devorantque; cum ne linguæ quidem apice potionem ullius generis tetigisse valeant. Quid ergo est? planè ipsa saliva in causa est: nam quoties illam deglutire contingit, ut ex nostro primo ægroto centies dictum audivi, stomachus tanquam contra rem maximè odiosam insurgere solet: nec aliud molestius, aut gravius symptomata, quàm quod ex mota saliva oritur. Quæ itaque humida sunt, cum ex similitudine naturæ communis crassis & solidis cibis promptius salivam movere soleant, ideo multò magis abhorrerè credibile est. Potionem itaque hi miseri per se non recusant, sed quod propriam salivam venenatam, à potulentis vehementius motam, amplius deglutire in stomachum non sustineant. *Galenus* itaque multum errasse à vero constat, dicentem hoc morbo malè affectos à potu abstinere, quia à mente alienati sunt: ut id, quoque iis auxiliari potest, non considerent.

At noster Ægrotus, ut potionem primis paroxysmi diebus non magnoperè desiderabat; ita à calidis medicamentis cum sitis ei infinita excitata sit; tamen & potionum genera optime cognovit, earumque usum, & necessitatem; ac citra potentiam bibendi.

Alia autem dubia restant satisfacienda. Primum, cur sola saliva inficiatur, & non alii humores & ipse sanguis? Respondeo, ita quidem aliquatenus esse; quod liquet ex ægrotorum habitu, & conditione corporis ante paroxysmi adventum; siquidem tremunt frigentque; at ipse impetus morbosus in salivam maximè erumpit, ut potè congenerem humorem. Sanguis autem massam esse duos distinctos humores alibi ostendi; aliūque adeo posse infici, alio integro, credibile est. Cumque è sero saliva proximè conficiatur, qui in sanguine c aninæ salivæ magis affinis est, ex communi natura potius affici, verisimile est.

Altera quæstio est, Cur canini generis saliva sola rabie afficiat, & non aliorum quorumvis quadrupedum insanientium? *Galenus* authore, (de locis affectis, lib. 11. cap. 5. item 6. de interioribus, cap. 4.) reliquorum animalium nullum rabie arripitur; solus canis eo affectu corripitur, tantaque sit in ipso humoris corruptio, ut vel solum ejus sputum, si humanum corpus contigerit, rabiem excitare sit potens. Preculdubio hoc exhibuit *Galenus* ex veterum naturalistarum fide & autoritate.

Non autem ignoro alios ex antiquis aliter sensisse: nam *C. Aurelianus* inter caninum genus, ut Vulpem, Lupumque, etiam Urfum, Leopardum, Equum, Asinum; imò ipsum Gallum Gallinaceum, numerat.

G

Hæc



Hæc omnia & alia plurima animalium genera ex febribus, & ob alias causas, insanire non dubitandum: imò & *rabie* interdum affici, aliaque quæ momorderint, in rabiem similiter adigere solere. At ex *rabie* caninâ hæc effecta esse, non ex seipsis illæsis, credibile est.

Morsus humanus, (etiam phrenitici aut aliter insanientis) nisi ex aliquo canino prævio infectus, nocivus non est. Si quidem nusquam, quod scio, proditum est maniacum, mania aliquem ex vulnere aut morfu affecisse. Ita de aliorum animalium *furore naturali* cogitandum est. Soli itaque canes *rabie infectoria* noxii sunt, & qui ab iis rabiosis morfi insaniunt: quæ *Galen*i sententia fuit.

Et si contingat, inquit S. *Ardoynus*, aliquod aliud animal rabiosum effici, illud accidit, quia à rabido cane, aut à morfo ab ipso, morsum fuerit: & si absque hoc aliud animal videatur rabidum effici, erit *rabidum non vera rabie*, juxta *Galen*i mentem, sed dispositione quadam simili rabiei caninæ: vera itaque & propria rabies aliis animalibus non accidit: *cani* soli & id genus animalibus proprietas est, quatenus ita mirabilia & sæva symptomata communicari possunt.

Apud veteres tamen quosdam alia invaluit opinio; nempe esse possibile sine manifesta causa hanc passionem corporibus aliquando innasce. At hæc mera eorum conjectura est, & ob ignorantiam facti prodita.

Quid autem sit peculiare in genere canino, quod hanc infectoriam rabiem efficiat, difficile est dicere.

Illud interim notare lubet: Canes ferè omnium quadrupedum minimè sudare, etiam æstuantes & ex vehementi & diuturno cursu fatigatos; sed linguis valde exertis, salivam magno & continuo anhelitu effundunt; quam ob rem eorum salivam magis falsam acremque esse verisimile est; maximeque si quando, more aliorum animalium, ægrotantes insaniant. Imò propter eandem fortasse rationem omnium *Serpentum*, id est, frigidorum, & non sudantium animalium, etiam omnitempore & sanitate integra, *saliva* virosa est, & in plerisque supra fidem *septica*; quod nempe nullibi corporis nisi in ore ventiletur, & ab acredine sua purgetur. De salivæ autem natura falsa & exedente alibi multa à me dicta sunt, scilicet in *Tratatu de Humoribus*, ubi de Concoctione agimus.

Amplius quæri potest, cur aliqui ex morfu canis rabiosi non Hydrophobici fiunt? atque adeo de vita non multum periclitantur; sed mitioribus quibusdam symptomatibus & citra aquæ pavorem certis anni temporibus, & certis hominû ætatibus ægrotant.

De hac autem quæstione veterum nonnulli cum nostris observationibus non conveniunt. *Democrito* [*Hippocrati* coætaneo, & naturæ rerum omnium longè sagacissimo) non danda fides est, inquit *Gal. Aurelianus*, dicenti, Hydrophobas quosdam *levi* (aquæ) timore affectos, *biennium* transegisse. At ipse *Hippocrates* idem cum *Democrito* videtur exhibuisse, cum *parvibibulos* Hydrophobos appellet, & brachypotas, ut supra dictum est.

At ex nostris ægrotis, id esse verum abundè constat.

Quæstioni itaq; benè fundatæ respondeo: Canis alicujus saliva possit interdum graviter esse virosa, & Hydrophobiâ inducere interdum ex alio aliquo morbo, quo

canis



canis laborare possit, multò mitiùs inficere. *Rursus*, incipiente, aut declinante canis alicujus rabie, quos tunc is mordere contingerit, eos leniùs infici, quàm alios in vigore accessionis morsos, verisimile est. *Deinde*, quòd aliquod extremum membrum, pes puta, morsum sit; cùm labium aut manus istiusmodi infectioni opportunior esse videtur. *His adde*, remedia etiam prophylactica, vel minore modo, quàm par erat, aut gravissimum malum futurum exigebat, data fuisse; adeoq; hominibus morsis tantùm ex morbi maligna certè parte, & non ex toto occursum est. *Postremò*, cùm canibus hæc lues propria & peculiaris sit, iis tamen omnibus & singulis non tam funesta est; sed sæpè per se sanantur, ut qui venaticos canes nutriunt, benè nôrunt: imò & homines similiter, etiamsi à cane rabioso morsum sint; non semper tamen Hydrophobici moriuntur; sed à morbo tuti esse videntur, cùm tamen vel iidem ipsi, vel eorum nati *insania peculiari & infectoria* vitientur in plures usque generationes.

Ex hac itaque & superiore Quæstione *triste corollarium* deducere licet: nimirum hinc familiarum insignem calamitatem oriri posse verisimillimum est. Et enim si sola canina rabies ex omnibus animalibus communicari potest, scilicet de cane in hominem transferri, deq; homine similiter in hominem, & sic in infinitum; idq; à solo contractu salivæ absq; vulnere; quidni per semen genitale? Et si illa lues ad Hydrophobiam non semper attingat; sed salva hominum vitâ, non dicendis symptomatibus, quod adhuc plerisq; nostris hominibus non animadversa fuerint, propagari possit; tot & tantarum maximè illustriū familiarum (quibus canes præ pauperibus in deliciis sunt) ubiq; terrarum melancholiam nescio quam & insaniam hæreditariam ex his ferè causis nasci non sine ratione vehementer suspicari fas est.

Hæc autem non protuli insolentiæ aut animi causa; sed veras causas tanti mali indagando, quòd nostri homines meliùs & majori cum effectu curas intendant: cùm alia profectò sit vulgaris phrenitis maniave, atque alia rabies, & ab ea orta melancholia hæreditaria mille larvis simulata.

Reliquum est, ut rationes curativas & remedia huic morbo præcipuè accommodata expediam. Hæc autem ad duas præcipuè intentiones dirigi solent; nempe vel non permittunt homines morsos in aquæ timorem incidere; vel Hydrophobicos, quos ipse morbus aquæ timore occupavit, curant; at utriusque intentionis plerâque remedia communia sunt.

At cùm saliva venenata præcipuè noxia sit, illa imprimis evacuanda, temperandâq; ne stomachum ampliùs offendat.

In primo autem censu sunt chirurgica; ut cucurbitula, ignis, medicamenta exedentia vulnere admota, balneum, & vehementes sudationes, fricationes ex oleo, multum & meracum vinum, lac, pinguia juscula, &c. At hæc omnibus venenis communia remedia sunt.

Item, Antidota: quorum præcipua Theriaca Mithridatica secundum *Andromachum* aut ipsum *Mithridatum*: hæc autem ideo benè faciunt quòd ex aromatibus conficiantur, quæ medicamenta viribus & substantiis ægrè permutantur à



stomacho visceribusve ; cum itaque intra corporis habitum parum mutata & tantum non integra admissa fuerint , qualitates alienas , si quæ occurrant , & naturæ inimicas , facile vincunt. Etenim quæ difficulter concoquantur , vix alibi corporis aboleri possint ; itaque venenis rectè obijciunt ad ejus acrimoniam obtundendam , *Dioscoride* aliisque veteribus authoribus : imò propter hanc rationem intinctibus & condimentis miscentur aromata, ut acida & falsa temperentur ; sic vinum , ex. gr. ingratum , acidumque , absinthij tantillo fit jucundum & potabile : adeoque ad virosam Salivam corrigendam , ne stomachum nimium lædat , benè facere existimanda sunt. Atque hæc Antidotorum communis ratio est ; ut quæ illis facultates naturæ , id est, communibus sensibus amicæ & gratissimæ insint , illas & ipso stomacho corporisque habitu , ad ipsa usque excretoria vasa fartas tectas conservent.

In eodem autem censu Antidotorum à veteribus numerantur etiam simplicia quæque medicamenta ; imò & interdum medicamenta *proprie & per se purgantia* , si *minori modo* dentur , quàm ut alvum movere possint ; ut *Hiera* in hoc morbo quotidie exhibita citra purgationem : & tunc *auxiliari* medicamentum , id est, Antidotum apud eosdem audit.

Pergo ad alia Antidota : illud autem è *nucibus juglandibus* per se quoque alvum , at lenitèr , movet ; sed ad venena mirificè apud antiquos comendatur : siquidem in his nucibus insunt qualitates maximè desideratæ : earum oleum verè anodynum est, & privatim adhiberi solet ad inflammationes : idem de istiusmodi nucibus testatur *Ætius* supra hoc, quod affectioni rabiosæ resistit ; Somnum , inquit, conciliat, & febricitantibus convenit. At alia peculiaris qualitas his nucibus donatur , ( quæ ei cum oleo ex semine lini & papaveris communis est ) nimirum per se siccari , pictoribus hodiernis notissima. Atque adeo hæ nuces propter hanc præcipuè rationem aptæ natæ sunt salivam acrem & venenosam obtundere. Etenim cum corporis humani omnia salia ferè urinosa sint , id est glabra & pingua , quòd digitorum attritione planè, constat, hujusmodi olea ex similitudine & natura quadam communi propius associari , & cum levi corporis calore quæ earum proprietas est , strictius uniri posse credibile est. Quemadmodum in saponis confectioe , calcis vim *septicam* & salis lixivij pinguem acrimoniam , ob facilem coalitionem cum oleo olivarum pisciumve ( etiamsi illa præ nostris oleis jam dictis minimè apta sint per se siccari , qui adstrictiorem inter se unionem aliquis tamen defectus est ) admodum retundi , & mitissimum medicamentum reddi videmus.

Procedo ad alia Antidota prophylactica , inter quæ numerantur *Cinis cancrorum fluviatilium* : *Hippocampus marinus* : item *Silvestris rosæ Tuberculum* ex *Plinio* , Hæc autem omnia quandam inter se affinitatem habent : nam & cancri , & animalcula rosæ silvestris exanguia sunt ; *Hippocampus* verò marinus , etiamsi è piscium pinnatorum genere sit , cum valde osseus est , ideòque & propter parvitatem suam veteribus exanguis quoque visus est : imò verò piscium ossa , crustæ testæq ; exanguium eandem ferè naturam qualitatèsq ; analogas habet.

At cineres cancri usti in præcipuis medicaminibus sunt : ad magnum modum ( ad



(ad 3j. minimum, aut 3ij. si tardè dentur à morfu) & per se à veteribus multâ fiduciâ \* ad hoc malum præcavendum iidem dabantur: de pulverum verò testaceorum facultatibus, tam crudorum, quàm ustorum, in Tractatu de Humoribus fusiùs egimus. Interim illud scire licet, illos esse è mitissimis collquantibus medicamentis, adeòque apprimè utiles ad imbecillum stomachum salivâ venenosâ perpetim offensum, ejusque acrimoniam optimè iis temperari posse verisimile est; multòq; magis, quòd is pulvis è cancris fluvialibus confici debet; utpotè marinis, quibus falsedo majorlenioribus; item ob similè rationem ad serpentum morsus & ad tabem benè faciunt, authore *Dioscoride*.

Porro *Helleborus albus* apud antiquos laudatur, & sternutamentis, & clysteribus aut balanis podici supponendis inditus. De infinita autem efficacia hujus medicamenti ad insaniam curandam alibi erit disputandi locus, sed an ad Hydrophobiam privatim benè faciat, hæreo. Illud quidem verum est, hoc medicamentum pituitam vehementer movere, evacuarique; quæ cum salivæ venenatæ proxima materia sit, sic fortè adjuvare possit. At metuo ne nervorum contractiones acceleret. Idem de Diagridio & Elaterio dando sentit *C. Aurelianus*; nempe incongruè agitant atque gravant ægros, & non eo tempore, quo permitti potuit usus suprà dictorum, præcautionis causa ac effugiendæ passionis. Hæc itaque & similia ante accessionem Hydrophobiæ, & proximè à morfu, si quid commodi inde expectare licet, exhibenda sunt. Siquidem incepto semel aquæ pavore nunquam puram & sinceram dimissionem habeat Hydrophobia, in qua sola dandum est Helleborum.

Proximo loco Antidoti *Apulei Celsi* exhibendi modum paucis perpendamus: illo verò in ipsa correptione uti oportet; ad 3j. dato cum rosæ cyathis tribus & exigua aqua; Hoc proficit ut aqam postea sine timore sumant, & minùs quidem liberati hac difficultate cruciantur. De Antidotis autem suprà satis diximus.

De oleo verò rosato mihi amplius differere lubet. Non ita dissimile remedium & optimæ, ut mihi sanè videtur, spei. Cum *Aceto* jumentis Hydrophobicis adhibet *Vegetius*; at illo tantùm eorum nares & caput diligentissimè perungit, & sanitatem promittit. At summa difficultas est in exhibitione alicujus humoris quod *Scribonio* tamè *Largo* satis benè provisum est; remedium ejus ipsa correptione ineunte, exhiberi debet: cōcedatur itaque id fieri posse; olei tamen rosati quantitas præscripta admiranda est, scilicet ad quinq; ferè uncias: at tamè salivæ venenatæ ore, faucibus, stomachòq; cōmixtum, ejus virus habitare potest; maximè quod oleum ipsarum rosarum, rerum insignitèr lenientium, ad satietatem usq; particeps est; ita ut postea sine metu bibant haud incredibile est. Ulteriùs videant, quibus opportunitas est id genus medicamenta experiundi.

*Ultimo loco.* Aquæ exhibitionem violentam consideremus. Nam sunt apud veteres qui nihil aliud, quàm potum dare quoquomodo nituntur.

Nunc gelu, vel nivem offerentss ægrotis, tunc viridem ficum, vel pyrum, aut cucumerem, & his similia, referente *C. Aureliano*.

Antiqui autem *Medici* alios atque alios modos bibendi invenerunt.

Alij calami perforati initium ori ægrotantis immittunt; dehinc ex alia

G 3

parte

\* Cancris ustis nemo usus est, mortuus est. *Galen.*



parte per aliam cavernam aquam infundunt.

Alij poculo, lineo panno subter imposito, vel bellulæ pelle (hyenæ puta) potandum putant: scilicet superstitione traducti, quod naturalis authoritas belluarum, quæ canibus est contraria, timorem ægrotantium solvat.

*Democritus* autem ex antiquissimis medicis, & qui *Hippocrati* convixit, jubet origani decoctionem dari atque ipsum poculum, quo bibant, in sphaeræ rotunditatem formari.

Si commoti aut irati fuerint audito potu, erit differenda oblatio: dandus interea potus in *Fictili vasculo subtili caverna perforato*, tanquam sunt pupillæ *Uberum*, & dandus, projecto oculis obstaculo, vel temporaliter clausis fenestris.

At de his ex nostrâ observatione supra comprehensa dicere licet cum *C. Aureliano*, nempe hæc quæ vulgus per experimenta probata putat, longè aliena ab arte monstrantur & frustrâ omnia excogitata fuisse.

Porrò, *parum* olei sive calidæ, ut poterit contineri per podicem, clystere injiciatur: Atque id ad minuendam sitim; nam non solum dysentericis injectum medicamen superiora invadens, sæpè stomachum atque caput vexare accepimus, siquidem eò necessario pervenit, sed etiam calidam & oleum pervenire posse concepimus, quò partibus iisdem irrigationis præbeat laxamentum.

Restat autem dimerfio involuntaria in frigidam, quod & nostris hominibus, ut video, placuit: de hoc verò remedio *C. Aurelianus* audiendus est. Quidam medici, inquit ille, ut *Artorius* memorat, alios in vasculum plenum frigidâ miserunt, alios in puteum posuerunt, faccis immisos, vel inclusos, ut necessitate bibere cogentur. Alij in aquam calidam.

Quos optimè reprehendit idem antiquissimus scriptor, dicens illos nescios esse, quod passionis curationem illam esse, non ut bibant ægrotantes, sed ut bibere velint: quod fit cum passio fuerit adjutoriis destructa.

Multi denique etiam bibentes *raptu* affecti sunt graviore, & convulsi ex frigida interficiuntur.

Strangulatio quoque ac mors quandoque ex sorbitione aquæ accidere solet, teste *Ardoyno*.

Haud ita dissimile experimentum à docto quodam medico *Nottinghamiensis Thoroughton*, mihi olim narrarum est. Is Hydrophobici cujusdam oculis mapam crassam superinjecit, manibusque ligatis, potionem bibere invitum aliquoties cogebat; at prorsus sinistro eventu, nam statim vehementer convulsus obiit.

Nec opinantem in *Piscinam* projicere, non antea ei provisam, inquit *C. Celsus* ut invitus aquâ satietur, sic enim & sitis & aquæ metus tollitur.

At hæc vana sunt, & sine fundamento: illud sanè ex nostris ægris satis jam evidens est, sitim non esse Hydrophobiæ perpetuum symptoma; adeoque non de morbi natura ægros sitire; si tamen aliquando per accidens id fiat; scilicet, in aliàs vitioso corporis habitu, aut æstivo tempore maximè calidâ aliquâ & æstuosâ



æstuosa regione, à vigiliis & antidotis calidioribus nempè medicamentis multum exhibitis, si quid boni expectare liceat à tali demersione, id à vomitu plurimæ aquæ deglutitæ oriri debet; ita fauces & stomachus à saliva venenata abstergi possint: at quomodo causam tam altè radicatam tollat levis vomitus, non video: adeoque inter remedia contingentia, & non *privata* & *specifica* ponenda sunt.

Nostri autem Homines, certè maritimi, in altum mare ægrum demergunt: At aqua, inquires, marina sitim accendere quàm tollere aptior est, propter vehementem & peculiarem falsedinem ei naturaliter insitam. Aliter tamen de aqua salsa marinaque cogitandum est, si quidem adversus omnigenum ferarum morsus sal privatim utilis est. Teste *Dioscoride*.

Inter prophylactica privata oblitus sum memorare *ipsius rabiosi canis Hepar coctum*: & *Catuli lactantis coagulum*. Hæc autem nomino, quia remedia sunt de antiquitate ad nos transmissa; & quòd non rarò à nostris quoque hominibus adhibeantur; at, quantum intelligo, frustra. Mihi quidem videntur antiquitatis religiosa quædam deliramenta: alia certè antidota suprà comprehensa non neglegant, suadeo.

Antequam verò hanc dissertationem dimittam; quæri potest, cur Hydrophobia morbus insanabilis sit? Respondeo primò, ob causam fortasse adhuc ignoratam; adeoque remedia rectè adhiberi non potuerunt. Rursus, cum duo præcipuè tempora medicamenta dandi in hoc morbo sint; unum, ab ipso morfu ad præventionem ab Hydrophobia; alterum, ad ipsam Hydrophobiam initam curandâ. Cumque plurimos à rabioso cane morsos ab antidotis appropriatis sanos evasisse; imò *Galenus*, aliique affirmant, meminem, cui cinis cancrorum fluviatilium, ex. gr. ad zij. ex vino puto quotidie exhibitus est ad 40. dies, mortuum esse: cōtrà, Hydrophobicum aliquem rarissimè, si unquam, curatum fuisse. Hujus itaq; in successu medicamentorum differentiae ratio esse videtur, quòd in ipso statu & paroxysmo plerique morbi medicinam ægrè admittunt; ad eadem medicamenta ante paroxysmum exhibita benè faciunt. Imò morborum initia maximè accommodata sunt medicinæ faciendæ, quòd noxios humores reprimunt, forasque eliminant, antequam habitus corporis vitietur: à morfu itaque ipsoque morbi initio medicamentum est, si quid feliciter moliri velimus.

(*Mantissa ad dicta, de Corticis Peruviani exhibendi tempore.*)

Quod non alio quidem exëplo (ut id hic obiter notem) melius elucidatur quàm è varia *exhibitione Corticis Peruviani* in Febr. intermittentibus, aut in ipsis putridis febribus, ubi tantum remissiones eademque statæ sunt. Nam si febris paroxysmo declinante is propinetur, & intermissione tota, remissionisve intercapedine aliquoties

\* Gal. l. 11. de simpl. medic. c. de Hepat. 5. tib. Passio navis.



aliquoties iteretur, ut *Sydenham*, ejusque sectatores faciunt, magnis & multis modis ejus pulveris pugnandum est, & frustaneo sæpius eventu; certè ad infinitam nauseam & crapulam stomachi a morbo labefactati: contra, si è vino puro, per diem unum maceratus, propinetur, vel aliquot tantum paucis horis. una vel altera puta) adventum paroxysmi, quando scilicet maxima corporis integritas est, maximeque si id fiat ipso ineunte morbo, debellat plus una ejus dosis, quam decem alias exhibitæ: loquor autem de morbis longis, quales intermittentes sũt; id quod centies felici eventu expertus sum.

Unde satis constat falsum esse, quod aliqui vehementer volunt; nempe *Antidotum* illud mirabile (ipse autem inter primos, quantum scio, illud medicamentum olim in antidotis posui) multò minoris efficacis esse nunc, quam aliquot viginti retro annis, mercatoresque, ac Pharmacopolas nostros (ut quidam volunt) injuriæ fraudisque insimulando; cum tamen non in medicamento bonitate, sed in exhibitionis tempore & modo discrimen sit.

De hac autem re provoco ad *Badum*, qui elegantissimum ac doctissimum Tractatum ante triginta annos de *Cortice Peruviano* edidit, unde, S ---- alique nuperi scriptores nostri, omnia sua habuerunt, præter unum illud, de corticis exhibendi modo inepto, ne pejùs dicam, & intempestivo, authore suo, misero illo agyrtâ *Talbor*, dignum inventum.

Porro, si sit potior aliquis dilectus in *Cortice*, ipsi nos medici videmur culpandi qui pessimum volumus ex inadvertentia. Nam is cortex, me judice, optimus est, qui è trunco arboris, mox qui è ramis majoribus; deinde qui è ramusculis habetur: at ex ipsis summis & tenuioribus furculis non nisi crudus & acerbus cortex detrahitur. Atque hoc satis constat ex analogia corticis nostrarum arborum, (quercus putà) qui maturior; magis concoctus, majorumque longè virium, quò crassior, vetustiorque, vel ipsis coriariis notissima res. Illud fortè nostris hominibus imposuit, cinnamomi ratio prætiumque, nempe in corticis illius quadam tenuitate parvitateque: at in illo medicamine quò acrior vehementiorque gustus, eò gratius, acceptiusque aroma: cum tamen ex cortice majori camphir copiosius oleumque elici solent; clara maturitatis indicia.

Illud equidem propriâ experienciâ testor, me ante viginti annos cortice Trunci sæpè usum esse, ad crassitiem & latitudinem volæ manus, magnis & profundis sulcis & fissuris conspicuo, velut in vetusto arbore. Imò eundem aliquando valde cariosum putridumque ex necessitate, quòd melior nullo prætio tunc temporis haberi potuit, & olim & nunc me vix unquam frustravit eventu optimo & desiderato; maximè si ejus *modus & tempus* exhibitionis ritè observentur. Sed tanti medicamento rationes cæteras alibi, cum de morbis acutis agam, oportunior dicendi locus erit. Atque hæc hæctenus de *Hydrophobia*, ad alios morbos longos procedo.

ii Aquis medicat. *Angl.*



*Animadversiones in Salium.*

Superiores autem Schedæ de Hydrophobia tantum non impressæ fuerunt, cum librum *Ptri Salii Diversi*, proximè superioris seculi doctissimi medici, primum viderim. At multa sanè fide digna, atque aliter quàm ab ullis aliis scriptoribus, apud eum dicta inveni.

Itaque & quæ *nova* ad hunc morbum pertinent, excerpere; & quatenus nos eo in aliquibus dissentimus, pauca hîc reponere lubet.

Imprimis, apud illum non video ullam bonâ rationem, quâ convellatur sententia *Galenis* nempe, *solum canem ex omnibus animalibus rabie corripî*. Admittam licet, à Lupo sæviora & magis horrenda symptomata posse consequi: at Lupus à cane non nisi specie differt. Cætera autem animalia, quæ ab *Aristotele*, aliisque, rabie tentari dicuntur, à canino morfu prius infici possunt. Esto! & Asinus & Leo rabie inficere primariò possunt; cur homines sic tentati non irrugiant, rudantve, sed semper ut canes latrent, vel ut Lubi ululent? Hoc itaque rem planè conficere mihi videtur; morbi nempe malitiam ex integro à canino genere oriri, non homini tantum, sed & aliis quibuscumque animalibus.

Nec multum cominoveor ab instantia mulieris Hydrophobicæ ex febre recens sanatæ; nam potuit, ut suprà diximus, ea ex traduce transmitti à parentibus, ut alii morbi hæreditarii. Et in his propagatis mitiora ferè symptomata esse solent.

Inter symptomata verò titubat, dicens, dum rabiant homines, *situnt admodum*. At *sitis* non minùs, quàm *Febris*, (quam ipse excludit) ex morbi natura est.

Ut verò Febrem rectè explodit, ita *delirium* quoque nolit hujus morbi signum *Pathognomonicum* constituere, nec necessariò rabiem consequi; quæ ex nostris quoque observationibus fidem habent.

Rationem verò *Salii* libenter admitto, cur oblatio, visus, solaque imaginatio aquæ Hydrophobicos lædat, nempe ex consensu ventriculi cum rebus vel visis vel imaginatis: quæ infinitis exemplis expediri potest.

Causas Timoris aquæ, quæ ab aliis afferuntur, doctè refutavît: at *ejus* non libenter admitto.

Etenim illa *Antipathia*, quam cum virosâ salivâ liquida alia habeant, res vana & inutilis est. Atq; hæc aversio ex acidenti tantum est: nã pejorâte malo, ubi valdè cupiunt bibere, si virus salivæ abominandum non impediret, promptè biberent.

Item illa altera ejus causa falsa est; nempe esse materiam ullam, quæ obstruat fauces; vimque deglutiendi in rabidis hominibus ullo modo ex pituita *cruda viscida*, & *virulenta* esse præpeditam: sed stomachum potiùs à tãto veneno vehementer offendi; nè itaque lædatur, ad aquam insurgere.

Quod autem *solida* avidè deglutiant, cum *liquida* avertentur; ratio est, in absorbendis liquidis *arctius* astringi gulam, quàm in assuendis solidis cibis, ideò iis magis offenduntur, quòd è ductibus excretoriis saliva copiosius à liquidis elicitur.

Si quis verò quærat, cur liquida (ut in nostro *Ægro I.* suprà ostensum est)

H

non



non averfantur in positu canino & pronis capitibus, erecti verò illa maximè abhorreant? Respondeo, Quia saliva virofa, in illo positu effusa, ad labia decurrit, in hoc ad fauces relabitur, eàque ad illam deglutendam magis provocat.

Etiam si verò Timoris aquæ causas non benè, ut opinor, expedivit, cū illo tamen asserere necesse est, *verum characterem* hujus mali esse *cruciatum internum*, ab aqua vel assumpta vel oblata inductum, & non *vanum* aliquem timorē aquæ liquidorumque, aut aliquam falsam de iis imaginationem, sed quia *verè* & *sensibiliter* ab iis *interius* admodum & in stomacho læduntur.

Hæc autem quæ sequuntur ferè singularia sunt, atque ad intelligentiā morbi maximè faciunt; eaque ideò in nostras chartas transferre non gravabor; & præcipuè quòd cum nostris observationibus, suprà comprehensis, ex magna parte benè concordant.

1. Sensui quidem nullus rabientium à proprio habitu, & temperamento, ex aspectu immutatus apparet, cū nec in colore, nec in mole corporis, nec in facultatibus, nec in affectionibus, nec in ullis accidentibus sensibilibus, antequam rabiem incurrant, ullam mutationem subeunt.

2. Rabientes ratione *proprij virus* non febricitare: si autem aliquando febricitant, hoc ex corporis *prævia altera indispositione* fieri.

3. Præter signa ab aliis commemorata, unum se (quod *precipuum* & *infallibile* futuræ rabiei appellat) animadvertisse ait, omnibus ignotum; atque hoc signum est, dolor *quidam* in loco jam comorso, licet ulcus antea per dies & menses integrè fuerit sanatum, accedens, qui intensus esse non consuevit, nisi morsus partē nervosam petierit. Hic dolor à loco jam comorso incipiens, levitèrque patientem affligens, per partem post partem, spatio trium aut quatuor dierum, aliquando paulò plùs, aliquando paulò minùs, ascendit ad cerebrum: cui cum comunicatus fuerit, in eo quasi *vertiginem* causat, simulq; *confusionem* quandam, quorum merito, modò ad hanc partem, modò ad illam declinantes rectà progredi nequeunt; indeque statim homo in rabiem deducitur.

4. Etiam si rabie correptis omnia excrementorum genera, ut plurimùm retineantur: 1. In uno tamen vidi maximam & ingentem Urinæ copiam excretam, sine ullo ægrotantis sensu.

5. Vidi aliquos simul carnes & ossa apprehendere & conterere, & ita facile esitare, ut profectò non adeò facile *Canes* ipsi ossa edant.

6. Narrat, quâ fide nescio, Lupum à venatoribus captum, in diversa que opsoniorum genera apparatus & coctum, fuisse in causâ, ut qui cum gustârint, esitârintque, rabie non multò post correpti fuerint: si verum est, remedium sanè illud ex Hepate dentève Canino suspectum imò abominandum reddit.

7. Ubi Hydrophobiæ indicia accesserint, si quid in tali casu prodesse poterit, hoc unum erit *Helleborus albus*, ab antiquis valdè celebratus, qui admirandus est in hisce affectionibus. At ubi rabies facta est, morbusque gravissimus avasit, adeò *lethalis* est ut, *auxilia humana*, nisi tantum ad remittenda *symptomata*, quæ in *verenda* & horrenda sunt, in cassum censeam.

DE



## DE LUE VENEREA,

## Quarta Exercitatio Medicinalis.

**Q**uarto autem loco de plùs quam ferinâ *Lue*, scilicet de *Veneræ*, dicturifumus. Hic novus quidem morbus est, ejùsque adeò descriptio è modernis petenda est. Morbi autem tam vulgaris descriptio supervacua esse videtur; adeoque ejus definitio, & symptomatum præcipuorum enumeratio sufficiat. Morbus autẽ contagiosus ab humore aliquo venenato ferè in Coitu contractus, ulceribus, doloribusque se manifestãs, definiri solet. At hæc ferè mala morbũ in omni ejus statu circũscribunt; nimirum Gonorrhæa virulenta, interdum sine ulla alia exteriorè Luis nota; inflãmati Testes; Bubones; vesiculæ cancrôsæ in pene & alibi corporis; in tota cute pustulæ; Capitis dolor; Verrucæ ad radices linguæ; ficus & condylomata in año; scabies; serpigines; in volis & plãtis pedum fissuræ; Tumores duri; nodi; dolores acerbissimi, qui noctu ferè ingravescent; Ossium caries, in primis in cranio, & naso, & palato; exostoses à carnibus carcinomatosis intra ipsum os genitis, dolorificæ; Pilorum defluvium;

Una tamen Lues, varijs distincta ordinibus est; imò etiam si multis modis & accidentibus oriatur: maximè tamen ex venereo, fit concubitu, à quo ferè propagari solet Lues Venerea in hominum genus. Itaq; qui venereo cõplexu jungitur cum inquinata, à pudendis Lue inficitur: nutrix, à quâ infans pollutus lac fugit, à mammis: obstetrix, quæ infectæ parienti opem tulerit, à manu: infans à vitiatâ nutrice altus, nunc ab ore, nunc ab interioribus; condormiens inquinato sudore diffluent, à cute, & à summis partibus; qui effusiore osculo salivam exceperit, ab ore.

Ab Insulis autem *Americanis*, in quibus, àte *Hispanorum* adventum, hic affectus populariter grassatus est, illum per *Hispanos* in *Europam* allatum esse, nullus jam dubitat.

Unde autẽ primùm inter *Americanos* Lues illa orta sit, quæritur? Respondeo, Vel à morfu alicujus animalis venenati, vel à victu certe aliquo venẽato, credibile est. *Americanos* autẽ *Serpentes* quoslibet (quorum innumeræ novæ species nobis incognitæ apud *Indos* sunt) libenter comedisse, notissimum est; adeoque vel à victu eorum impuro, (maximè si qui serpentes darentur, ex esu hanc labem infligere proprij) vel per se, vel certè ex sua natura virosa, ab internâ causâ primùm malum oriri dicendum est: aut si qui serpentes ex morfu (ut *Hydrophobiã* canis rabidus infligere solet) istiusmodi Lue aliquẽ contaminare apti nati sunt, tunc ab internâ quidem causâ primùm originem habebit Lues; quæ semel genita, non nisi contagione postea afficere solet. Imò non multùm refert, quæ primùm via, à serpentino genere certè vel morfu, vel cibo assumpto oriri, verisimile est.



Huic autem rei hæc fidem faciunt; nimirum *Oviedi* observatio; is autem vir omnium *Hispanorum* primus rerum Naturæ apud *Indos* inventarum fide dignissimus Historiographus, idem & plurimis annis Insularum unus è primis Gubernatoribus fuit: hujus verò aliquot libri extant, quavis multi, ab eo scripti, periére; vir, Cardano judice, antiquis scriptoribus comparandus. Inter alia animalia *Indiæ* occidentalis *Inguanas* exactè describit, scilicet ex serpentum Quadrupedum genere bestiolam haud mediocrem; eo *Indi* avidè vescébantur, & in delicijs habuerunt; homines verò *Hispani* ad eorum exemplum illum in cibis suis quoque posuerunt: neque enim ejus gustus displicuit, etiam cuniculorum carne multo Sapidior; imò neminem, inquit ille, eorum esus lædit, nisi quem Lues Venerea affecerit; de quo quidem morbo, *etiam si diu sanati sint*, tamen ijs noxam *protinus* infert, & morbum, ex aliquot annis *sopitum*, denuò excitat, *renovatque*; id quod nostri homines *infinitis exemplis* experti sunt: Hæc ille. Adeoq; haud ita absurdum est credere Luem hanc originem suam ex simili, si nō ipsa illa, causam habuisse; cum ex eorum quidem esu protinus renascatur malum, diu ante quasi extinctum.

Ad hæc à me facit illud, nimirum in pudendis utriusq; sexus hoc malo affectorum, etiam cum alia symptomata diu desierunt, tamen ibi nasci solere *Cristas* quasdam spissè *dentatas*, non aliter, quàm in serpente *Inguanas*; cujus corpus istiusmodi cristis ex toto ferè circumscribitur: propria sanè *representatio*, à quo animali ortum suum deduxisset malum: hæc autem mala cristata, inter condylomata & mariscas ab alijs fortasse numerata sunt; etiam si ea ferè sine ullo dolore & tenuitate membranaceâ conspicuâ sint.

Animalia autem venenata contagij sui *characteres proprios & peculiares* imprimere haud rarum est, ex. gr. In Hydrophobiâ à canis rabiosi morfu, & antiquis & modernis authoribus confessus *Latratus*; item deglutiendi *canina voracitas*; item *Lambendi* potius, quàm bibendi, assidua linguæ exertione, *aptitudo*. Ab aranei *Pulicis* morfu, *Tarantula* dicti, assidua saltandi cupiditas; neque istiusmodi araneorum gressus alius est, quàm, more pulicum, de loco in locum saltatio. Illud quidem non ignoro, à quibusdam etiam doctis viris pro fabula haberi; at mihi certè non ita, cui araneorum mores cæteris paulò diligentius perspecti sunt: imò, id genus araneorum in fervidis, *Calabriæ* putà, regionibus dari posse, à quibus perniciosissimi morsus inferri possunt: Rerum quidem naturæ historia tantum incepta est, adeoq; nihil miror illud & id genus infinita alia Phænomena nos latere, & non sine injuria suspecta esse.

Porro qui *leporem marinum* sumpserint ( id est, limacis nudi marini aliquam speciem, qui ferè omnes, etiam in nostro mari inventi, purpurei sunt ) urinam *purpurei coloris* reddunt; & in somnis *litoris pulsi fluctus* subinde audire videntur: Corpus fit ijs lividum *Scribonio Largo*; & *Dioscoride* authoribus.

A *Salamandra* ( quod è serpentum quadrupedum genere est, gressu invalido & pigerrimo, linguâ longum exertâ & aspera, muscas captas ) lingua exasperatur, corpus invalidum & exolutum fit; eodem authore: sed de his plus satis.

Denique,



Denique, nonnulla symptomata (suprà comprehēsa) à morfu canis rabidi huc accedunt, & ad hanc nostram conjecturam firmandam apprimè faciunt; nempe *Satyriasis*, & haud dissimilis *Gonorrhœa*; ita infectio propagari potest de bestiola in hominem & de homine in hominem ex ipso jam infecti traduce.

Hujus autem Luis origine sic positâ. ad ejus causâ efficientem procedâ: quæ, ut mihi videtur, perniciofa labes est ex sui generis veneno, attactu multiplici, supra comprehenso, & contagione, contracta. Hujus autem veneni vis & efficacia hebetior esse videtur, quòd feminudas tantùm partes & cutem minimè integrâ contaminare potis est; item quòd aliquando diutiùs in nobis delitescit, antequâ manifestis signis sese prodat. Item, ut venenum magis elucescat, cuicūque particulæ primùm infederit, illic inhærescens pustulam ferè excitare solet; si à pudendis ex. gr. initiū habet, pustulas in his primùm, & ulcuscula evocat contumacia & mali moris: Igitur si hæc & similia benè perpendamus, non simplicem humorum putredinem causam adæquatâ, sed veneni alicujus peculiaris participem esse Luem hanc nobis affirmare necesse est. Etenim à nimia portione in totum corpus disseminata, non aliter serpit, quàm quæ à canis rabiosi morfu infertur.

Contagionem autem Veneream, ubi scilicet integra cutis est, nec aliquo vulnere læditur, ut in canis ferè rabidi morfu, sic breviter intelligo: Nimirum, humor aliquis venenosus è muliere Lue affectâ homini transfertur, adhæretq;: is verò humor, quòd tenuis & acris, sese primùm insinuat in oscula vasorū excretoriorum, quæ ferè ab æstro Venereo patent, perindè ut à frigore contrahi, ac in tubercula se erigere solent. At nec istiusmodi veneni vis tanta est, quin integra cutis satis benè ei resistere possit: ideòq; in ore, circâq; glandē penis nudatam, vulva, mammarum papillis, quòd in his partibus oscula vasorum excretoriorum minùs firmentur, id malitiam suam potentiùs exerere solet.

Cùm autem *vasa excretoria* non meri *canales* sint, & perpetuo sine mora humorū transitui tantùm destinata, sed etiam receptacula, quatenus humores excernendi diutiùs inibi restitent: id quod à *Glissonio* nostro de Poro bilario ejusq; ramificationibus satis confirmatur, ex quo reliquorum ductuum excretoriorū analogia manifesta est. Item, cum humores excernendi ex aliqua certè sui parte possint *regurgitare in habitum* corporis: maximè si ab aliqua causa ductuum excretoriorum oscula coarctentur: Cùmq; is humor in Lue venenosus summè *inflammatorius* sit, ut ex ejus infectu aliquando prompto, adurenteq; vesiculas excitando in ipsa glande, aliisq; infinitis exēplis, in progressu statūq; morbi sese prodentibus, abundè constat: Phænomena in Lue vulgaria facilè intelligantur. Hinc itaq; Gonorrhœæ virulētæ ratio, ex qua prima ferè hujus Tragœdiæ notitia, nempe ubi parastatarum, glandularū & vesicularū feminalium ductus acridine venerea inflāmantur & regurgitat humor infectus: ita ipsi etiā ductus vellicantur ab humore acris, serūmq; adeò ab arteriis eò propulsū validiùs effluit ex habitu corporis, atque ex *fracedine* ductuum *venenosa* citiùs corrumpitur. Item Bubonū intumescētia hinc elucescit, nēpè ubi stagnat istiusmodi humor Infect⁹. Item cur tantoperè caput, ejusq; ductus salivales in oculis, in ore, in faucibus, in



palato, petat, ratio est, quòd ex ijs serum infectum (ex regurgitatione ductuū . circa penē putà) faciliùs erumpat, nimirum tali humori recipiendo, evacuadò- que maximè totius corporis usitatis & *capacibus* vasis.

Cùm autem hujus morbi infinita exempla passim occurrāt, ea, quæ maximè nota, & suis symptomatibus faciliè discernēda sūt, ferè omitto; alia verò magis *occulta*, *incognita*, & *suspecta tantum labis*, & ferè ex adjuvantibus tantum agnoscenda, *exempla* in Lucem proferre operæ prætium esse existimo.

### ÆGROTUS I.

Mulier quædam marito ex viginti annis Lue Venereâ affecto, & jam diu sano, (certè ex propria opinione) nupta, ex secundo Puerperio, mense jam finito, tumorem contra uterum obliquum, non sine aliquo dolore, sensit: ab Utero verò toto puerperij tempore gravis odoris quædā sanies effusa est, tandē uterī- nā purgatione ex consueto cessante, is tumor paulum auctus est; item sub eo tē- pore febricula accessit, quæ, certis quasi periodis quotidie exacerbata, ex inter- mittentiū genere esse videbatur: fœminā lenioribus medicamentis purgavi at sine effectu, nā tumor & dolore & magnitudine indies multum increvit; adeò- que curationis rationē protinùs mutavi, & cataplasmata ex emollientibus, ma- turantibus, & anodynīs superin jeci; itē simul ātivenereū Apozema, cui *Cortex Peruvianus* ficūsq; larga manu injectæ sūt, aliquoties in die propinavi: post 10 dies Chirurgus, caustico primū admoto, abscessum mediā plagā aperuit, quo vulnere magna puris copia effusa est; ad 20 dies vulnus clauditur; interim apo- zema suprā scriptū assiduè, & vulnere ad integritatē se contrahente, *Hierā anti- quam* simplicem ter, quaterve sumpsit. Convaluit. Hoc mihi contigit ante ali- quot annos.

### ÆGROTUS II.

Mediæ ætatis mulier quædam à puerperio gravissimis doloribus ab utero affecta est; tandem ex altero latere, paulò infra umbilicum ad inguin, tumor ortus est; altero mense à tumore incepto accersitus, fœminam tabidam suprā fi- dem inveni, cubili defixam, die noctēque præ cruciatibus exclamantē; tumore admodum durum, capitis infātis ad instar magnitudinis, vidi; tumor plerisque medicis cancer uterinus existimatus est, multa tam extrā quàm intrā adhibita sunt, at sine ullo effectu. Huic protinùs purgatoriam medicinā validā, ex *Hiera antiqua*, secundum *Scribonij Largi* mentem *duplicata*, propinavi; item alternis diebus Antivenerea, & alternis diebus invicē purgationes, repetere jussi. Quid fit? Octidui spatio tumor ex toto disparuit, lecto egressa est mulier. Convaluit præter omnium expectationem.

### ÆGROTUS III.

Mulier 30 annos nata, in *Clare-Market* habitans, ex secundo puerperio, ad secundum mensem tumore duro è regione Uteri, ad alterū inguen paulum in- clinante, graviter affecta est, non sine febricula. Me vocavit: cum pus ex tactu confectum



confectum esse videretur, anti-venereum Apozema ter quotidie propinavi: bi-  
duo autem ab adventu meo Chirurgum incidere tumorem jussi: à quo vulnere  
infinitum pus foetidum effusum est. Paucis septimanis fœmina ad integritatem  
restituta est. Maritum clam, & in aure, monui de malo Uxori inflictio: neque se  
olim Lue Venereâ affectû fuisse negavit, sed jam à multis aâis, certè ex propria  
æstimatione, ab illo morbo convaleuit.

## ÆGROTUS. IV.

Mulier quædã ex puerperio, multo fluore, albo dicto, valdè afflicta est: mox eo  
ex parte cessante in assiduâ diarrhæâ, at citra graviora tormina, incidit. Etenim  
huic à multis multa data sunt; at inutilia ònia. Aquæ chlaybeatæ, falsò sic dictæ,  
& ipse crocus, ferrumve vario lenocinio apparatus, infinita astringentia simplicia,  
cùmque rhabarbaro tosto admista, opiumq; diversimodè cõfectû, ne hilû pro-  
fuere. Ad tertiû annum malû assiduè protractû est; penè jam tabe consumpta est  
fœmina; ipse tandem accersitus maritû clam monui de uxoris malo, quod gravi-  
ter tulit, tamen libenter confessus est, se primâ juventute istiusmodi labè contra-  
xisse; at præter aliquos, idque rarissimè, contingentes dolores vagos, se ne susp-  
cionè quidem alicujus mali habere; imò nec ejus filiam, octo jã aâos natam, ali-  
cujus vitii impressionem unquã indicasse, adeòque ejus uxore minimè conta-  
minari posse. Amplius cõtendere nolui: Respondi, tardiùs esse quàm ut propriis  
medicamentis opem ferre possem. Rus abiit mulier uno vel altero lapide ab  
urbe; eòque malo obiit.

## ÆGROTUS V.

Mulieri cuidam primariæ, marito Lue Venerea affecto, & ut fieri solet, *benè sa-  
nato* plures aâos nuptæ saliva tenuis vehementer moveri cõsuevit; at sine gra-  
vedine aliqua, tussi, aut destillatione certè molestâ: tamè saliva ad libram unam  
vel alterâ die noctèque effundi solebat, ut ipsa & ego etiã aliquoties ex linteis  
madidis cõjecturam fecimus. Hæc autè obiter notavi: Cùm marito, ex febre pu-  
trida laboranti, bis, aut ter trienij spatio, medicinâ fecissem, aliquoties è magnis  
periculis evasit; vir tricomgiarius tandem obiit; altero post ejus obitum anno  
optima fœmina, eâ salivatione sponteâ jam in assiduam tussim conversâ, gra-  
viter afflicta est: in manibus præcipuorum hujus Urbis medicorum diutiùs  
fuit; ab omnibus malum pro simplici Phthisi habitum est; biennium & am-  
pliùs medicè vixit, tandem fato succubuit.

## ÆGROTUS VI.

Quidam quinquagenarius, ante 14 annos Gonorrhæâ leniter virulentâ, si id  
fieri potest, affectus est remediisq; vulgaribus, ex ejus relatione, subitò con-  
valuit, nec ampliùs recidivam passus est aut ullum grave symptoma. Vino &  
potationibus assiduè deditus est; ex improvîso tandè ambabus manibus & al-  
tero pede resolutus est, non sine oris tortura: hanc paralytim subitam levis sa-  
livatio excepit, indies increscens; sesqui annû rurales Medici hominem frustra  
tractâ-



tractârunt, & *aquas calidas* ad dies plures bis ingressus est: at nihil profuerunt. *Londinum* venit, & se meæ curæ comisit: Alterum pedem trahebat, manûsque ita contractæ fuere & rigidæ, ut nec digitis aliquid comprimere, nec intra eos aliquid depositum ejicere potuit, plerâque verba vix articulatim pronunciavit; at omnium jam longè gravissimum symptoma salivatio spontanea fuit, quæ hominem die nocteque vehementer molestavit, imbecillem reddidit, & omnibus remediis obstitit. Hujus autem salivæ lentorem & fœtorem ingratum curiosius observavi, qualis esse solet ab Hydrargyri inunctione. Huic autem malo sic protinùs occurrendum putavi. Apozema ex Guaiaco, &c. confectum citra sudorem propinavi. Vinum & carnem homini marescenti, & quia eo in bona valetudine admodum usus est, indulxi; quarto quoque die Hierâ Diacolocyntidis simplici ex decocto Epithymi, alvum movi: at Salivatio non ante tertium mensem ex toto desit: tandem cardiacis & calidis aromatis ejus viscera confirmata sunt; intra sex menses manum ita firmam habuit, ut jam scribere posset, imò aliquot miliaria ambulare, & domum tantum non integer rediit.

## ÆGROTUS VII.

Quidam juvenis, admodum robustus, vino & scortis deditus, Rheumatismo gravissimè correptus est, maximè nocte præ cruciatibus infinitis, in capite, mediisque tibiis, regione interscapulari, & alibi corporis, citra ullum tumorem, afflētus, ut nec cubili se continere, nedum dormire, posset; itē his malis febris insuper aliqua intermittens annexa est, horrore, incendio, sudore certis horis quotidie circumscripta; quod ex pulsu celeri, urinâ valde biliosâ, & tempore accessionis, mihi liquido constitit. Venâ in brachio potinùs incidere jussi, è quo sanguis admodum lentus & crudus ad librâ missus est; deinde Apozema ad Luem simul & Febrifugum validum ter quotidie propinavi. Sudorē Sp. C. ad 3. ex aq. lact. alexiterij dict. excitavi. Alternis diebus per tres vices sanguinem mittendum curavi; quotidie enematis fortioribus alvum sollicitavi, nocte somnium opio concilia- vi. Octiduo elapso, cum Urina primum paulò pallidior visa est, *Corticem Peruvianum* ad 3ij. ex vino, bis quotidie sumendum proposui. Decimoquinto die exiit foras integer; at multò diutius Apozemate supra posito usus est. Convaluit.

## ÆGROTUS VIII.

Mulier, viginti quinque annos nata, ex septennio nupta, obesa, ad tres minimum menses doloribus quibusdâ punctoriis in cruribus, maximèque pedibus, eorumque vehementi ardore graviter cruciata est. Item huic assiduus capitis dolor; huic præterea tussis die nocteque vexatissima, ut infomnis planè fuerit ad aliquot menses. Accersitus, foeminam in veni febriculâ lecto detentam, Urinam admodum rufam, qualis Ictericorum esse solet. Clam maritum de Uxoris malo monui; haud inficias ibat, mutusque assentire videbatur. Huic protinùs sanguinem ad libram misi. Postridie calamelanos 3j. ex Electuati lenitivi 3j dedi. Potionemque horâ unâ elapsâ, Decocti amari cum Senna ad 3iij. propinavi. Et vomitu & dejectione benè fecit; ea nocte opio somnum conciliavi, Terriò, hujusmodi



modi pulverem præscripsi, [Rz. *Cocheineil.* ʒj. *Offis sepiae optimè levigati* ʒß. m. f. *Pulvis.*] Hujus ʒij. sexta quoque hora sumpsit. Item Decoctum validum Guajaci, &c. ex more nostro, omnis potionis loco, vino albo omnigeno non excluso. Bolum & Haustum purgatorium tribus amplius vicibus sumpsit, at ex calamelanos ad x. tantum grana. Octidui spatium urina primum fit optimi coloris & consistentiæ qualis sanorum: ad decimum quintum diem & dolor & omnino tussis desit. Convaluit.

## ÆGROTUS. IX.

Infans quædam ex nutrice inquinata, annum tertium agens, hæmorrhogiâ, capitis dolore præcedente, usque ad deliquium, affecta est; ad unum verò ætatis suæ decimum quartum, Vesiculæ si vae pustulæ quædam, modò in fronte, at sæpius ad imum nasum, oriri consueverunt; hæ vesiculæ mali moris fuerunt, & aliquot vestigia si vae cicatrices sui reliquerunt ad instar variolarum: ubi jam menstrua apparere ceperunt tussis gravissima & febricula affecta est; & simplex Phthisis judicata est: Fonticulo in brachio, & diætâ ex Guajaco, cui *Cortex Peruvianus* adjunctus est, & medicamentis purgatoriis tandem convaluit; imò ejus extrema macies in habitum pleniorē pinguemq; mutata est. At deinceps valetudinariam vitam egit; modò capitis dolore, modò raris aliquot pustulis circa faciem orientibus, at sæpius tussis & spirandi difficultate oppressa est.

## ÆGROTUS. X.

Lichenes Venereæ admodum vulgares sunt, & passim occurrunt; non tantum in iis hominibus, qui Lue affecti & pro sanatis habentur, sed in aliis etiam non suspectis. Ejus autem mali hæc ferè conditio est: In cute alba, vel pectus totum, vel præcordia, vel collum, aut fœmina & inguina latè occupat quædam flavedo, minutissimis puncturis rufis exasperata; istiusmodi verò maculata cutis, ferè tempore æstivo molestissimo pruritu ægrum torquet, præcipuè noctu; quas ideò insomnes peragunt.

Item in hac Urbe valdè frequens est Herpes, dicam an Scabies quædam sicca Venerea, admodum contagiosa, vexatissimum malumque, ut nihil suprâ. Hujus autem notæ sunt, pustulæ quædam exiguæ, modò tantum corpus infestantes, modò brachia aut crura tantum, ferè sine pure, imò etiam si unguibus incidantur, tamen siccae esse non desinunt; interdum in cute permanent, sæpius verò latent & ægrè sentiri possint, nisi ab infesto & assiduo, maxime nocturno, pruritu.

His verò remediis uti soleo, præter decoctum Guajaci, &c. & purgationes proprias; nimirum, priorem labein succo limonis ex sero lactis fovere soleo: item illæ, si admodum pertinaces sunt, & posterior, etiam labeis, maxime Unguento *Cataploras*, vel per se, vel alio diluto, cum bono eventu & tuto illini possint; ut sæpius expertus sum: Imo tu velim scias hæc mala nullis remediis nisi ex Hydrargyro confectis extirpari posse.



## ÆGROTUS XI.

Quinquagenarius quidam ex aliquot annis *Iscuria* graviter affectus est; à ter-  
tio ejus conjugio id illi accidit; ejus fœmina valetudinaria, & quantum ex vo-  
ce impedita, ob aliquem, putà in palato, defectum, & vultu, conjicere mihi licuit,  
ex Lue inquinata: certè is vir mucum quendam fœtidum & sanguineis fibris in-  
terspersum copiosè cum urina excernere solet, non sine infinito cruciatu in pene.  
Huic autem sic putavi succurrendum esse: nimirum, [Rz. *Spiritus Vini rectificatissi-*  
*mi. ℥ss. Gummi Guajaci ℥ss. Cantharidum ʒj. Cocheineil ʒij. Succu Hypocistidis ʒij.*  
*Spir. Sulph. ʒj digerantur cinere calido ad 12. horas: filtrentur per chartam bibulam.*]  
Hujus medicinæ guttas XL. ex cerevisia tepida manè & tantundem vesperi quo-  
tidie propinavi; quo sanè remedio, bono effectù, ad tres menses usus est; idèmq̃ue  
à me infinitis gratiis propter insigne beneficium redditis, etiam atque etiam ro-  
gavit; Etenim malum diuturnum jam potuisse tolerari, haud nihil est.

## ÆGROTUS XII.

Vidua quædam juvenis, gravissimo Urinæ ardore & punctiõibus ibidem,  
item Condylamatis cancrõsis in pudendi labiis; non sine vehementi capitis  
dolore, afflicta est; maritus ejus ex anno ruri Lue mortuus est; ipsa *Londinum*  
venit, & me coram obstetrice de morbo consuluit. Hanc autem sic curare cogi-  
tavi; nimirum illam purgavi quarto quodque die pilulis de duobus, quibus æqua  
pars Mercurij dulcis adjecta est. Item Apozemate ex Gujaco, &c. pro potu  
quotidiano, citra sudorem. Item, [Rz. *Cocheineil ʒiij. Cantharid. ʒj. Vini Rhenani*  
*℔j. misce, digeratur per diem B. M.*] hujus cochleare è decocto Guajaci ʒiiij.  
bis quotidie sumpsit; quorum usu Gonorrhœa admodum virulenta, fœtidum &  
sanguineo viridem purem effundens, integrè sublata est; & duobus plùs minus  
mensibus sine ullâ ope Chirurgicâ, etiam ulcera siccata sunt, dolorque capitis  
ex toto desit.

## ÆGROTUS XIII.

Quidam juvenis ter Gonorrhœa affectus est, non sine aliis gravibus Luis sym-  
ptomatibus. Tertia vice ad me venit, Urinæ ardore punctorio, item destillatione  
puris sub viridis. Homine statim *calomelano* purgavi pilulis fortioribus additis;  
intra triduum pus attenuatur, & pelludidum fit; quo tempore colyrium injeci  
hujusmodi, [Rz. *Aquæ Plantan. Papaveris Rhaados, an ʒiij. Opij benè ustulati ʒj.*  
*Mellis Rosati ʒj. Trochiscorum ex Minio puro metallico ʒij. m.*] intra septiduum &  
Urinæ punctiões & Gonorrhœa ex toto desierunt. Decocto autem Guajaci diù  
usus est citra sudorem, quo integrè covaluit.

ÆGRO-



## ÆGROTUS XIV.

Quidam juvenis jam primum Lue inquinatur; illi in Glande vesicula cancrofa orta est, at sine Gonorrhæa aut ullis punctiōibus inter meiendum; sub eodem tempore in utroque inguine insuper bubo sentitur; & jam inhorruit & febricula incensa est; propterea ingens capitis dolor, & in cruribus puncturæ intolerabiles. Hominem sic protinùs restitui: Alternis diebus calamelanos ℥j. ex Electuario lenitivo dedi; sanguinem è brachio ad libram misi; decoctum valentissimum Guajaci, cui Cocheineil ad ℥iij. adjectum est, propinavi. Chirurgus vesiculam citò curavit præcipitato rubro ex aliquo digestivo; bubones à tertiâ medicinâ purgatoriâ disparuerunt; ad tres septimanas convaluit; diù tamen Apozemate suprà scripto usus est citra sudorem, & vino albo carnèque minimè abstinuit.

## ÆGROTUS XV.

Juvenis quidam, triginta annos natus, bis Lue infectus est, & toties salivationem cum Hydrargyro passus est; at non sine recidiva; etenim huic lingua & fauces & ipse penis Ulceribus cancrōsis miserè affectæ sunt; etiamsi optimorum chirurgorum ope, & methodo vexatissimâ diù à salivatione ultimâ usus fuit. Hunc sic restitui. Propter summam stomachi imbecillitatem, vinum ei album Gallicum libenter indulsi; item, propterea quòd Hydrargyri copiam supra fidem sumpsisset, [ nam ultima salivatio per calamelanos admodum difficulter mota est ] succo limonum in omni intinctu usus est. Hierâ antiquâ duplicatâ eum admodum frequenter purgavi; interdum aliquot grana, idque raro & parcè, Mercurij dulcis ex bolo Mithridatij dedi; pridie nocte ante medicamentum purgatorium designatum, Decoctum Guajaci, &c. assiduè citra sudorem propinavi. Chirurgus *Mullins*, egregius artifex, quem accersivi, & oris & penis Ulcera diligenter curavit: intra sex menses integram sanitatem recuperavit, nihil mali relicto, præter lichenēs quosdam; at citra cruciatum aut contagium, quod scio, Uxori datum, & optima valetudine fruitur jam ex septennio.

Haftenùs de Lue Venerea aliquot pauca at diversa pro instituto nostro Exempla breviter exposuimus; mox de Curationis scopo dicemus, qui in purgatione, medicamentis ex Hydrargyro confectis, præcipuèque nunquam satis laudando illo Mercurio dulci dicto, & Guajaci decocto consisti; imò his ferè duobus medicamentis tota curationis methodus hodiè includitur. Horum itaque medicamentorum virtutes paucis pro more nostro examinare volumus.

*Hydrargyrus* autem primum inventus, & huic malo cum aliquo successu adhibitus est, at extrâ tantum & in unguentis. Hoc debemus *Arabum Scholæ* authore *Fernelio*. Illud quidem non ignoro, *Arabes* literarum studium coluisse



post *Græcos*: *Arabes*, inquam, ab *Octavo Sæculo* omnium scientiarum artiumque; utilium & præcipue medicinæ monumenta è *Græca* in linguam suam traduxisse. At pace tanti viri, facile sui sæculi doctissimi Medici, Hydrargyri multiplex usus, etiam ad Scabiem ab antiquissimis Medicis *Græcis* diducendus est. Etenim *Dioscorides* expressis verbis ita perhibet, *cinnabaris*, cerato excepta, papularum eruptionibus, ambustis igni medetur; *cinnabaris autem & optimum & ipsissimum Hydrargyri metallum* est. Item idem medicamentum alio nomine apud antiquos *minium* appellatur, & *sinopicum* præ cæteris valdè commendatur. Hydrargyrus fit ex *Minio*, quod abusivè *cinnabaris* dicitur; *lib. 5. cap. 6.* Unde constat *cinnabarim* & *minium*, certè antiquis plerisque, synonyma fuisse: imò *cinnabaris* optimi coloris *minium* quoddam *Africanum* fuit, quo nomine institores ejus temporis omnigenum *minium* appellasse verisimile est.

Atque ex hoc fit Emplastrum rubrum adversus morsus ferarum apud *C. Celsum*, quod sanè pro nobis maximè facit; siquidem Hydrargyrum ex resina *Terebinthina* ad contagiosa vulnera aptum esse confirmatur. Rursus, apud *Æginetam* existat Emplastrum ex *Cinnabari* ad *Tophos* & alios omnis generis induratos tumores. Porro, adeò mite remedium apud antiquos creditum est, ut ad oculorum inflammationes efficaciter cohibendas commendârunt, *Dioscoride* authore: atque hæc satis sunt de externo ejus usu apud antiquos *Græcos*. De interno autem *Myrepsius* audiendus est, (*cap. 62. de Antidotis*) is inter Antidotos omninò necessarias ad difficultatem *Urinæ* & *stillicidium* & *calculosos* unam à *Galeno* transcripsit, in qua *cinnabaris* drachmæ sex insunt. *Ætius* quidem eandem Antidotum *Philagrio* inscribit, cui fortè *cinnabaris* ex aliqua temeraria, non minùs quam timida suspicione minùs arriserit; sed animadvertendum est in hac Antidoto inesse quoque *Lapidis Syriaci* ( fortè *Judaici* ) drachmas 35. adeoque vim ejus potio rem metallis deberi, verisimile est: & perperam *cinnabarim* idèò ab *Philagrio* excludi: quàm tamen omisâ Antidotum à *Philagrio* denominare voluit *Ætius*, quàm à *Galeno*, cujus compositio *cinnabarim* inclusam habuit.

Hinc adeò evidentèr discimus (quod demonstrandum proposuimus) apud antiquos *Cinnabarim*, id est Hydrargyri purum putum metallum, medicamentum natum & non ullo lenocinio vitiatum, ad omnes usus in *Lue Venerea* maximè requisitos tam intrà, quàm extrà, adhibitum fuisse; nimirum ad *Urinæ difficultatem*, quod genus remedii *Gonorrhæa* virulenta maximè desiderat; ad *ignis ambusta & inflammationes*; ambustis autem vesiculæ propriè oriuntur *Lue*: ad *tumores omnigenos induratos*, ex quo mali genera *Bubones Venerei* sunt: ad *papulas erumpentes*; & quæ, quæso, foediores papulæ: quàm quæ extur; eadem mala in pene frequentissima ex *Lue* oriri solent; Postremò, ad *ferarum morsus* ex resina *Terebinthina*; atque ita prodest ad *Luis* efficientem & primariam causam. Quorsum itaque *Arabibus* damus, quod *Antiquis Græcis* jure meritò debetur?

Illud quidem fateor, aliam rem esse Hydrargyrum, atque aliam *Cinnabarim*



rim: at in Ciñabari Hydrargyri vis nativa lenis, & benigna est: cum ide mi ex lapide coctus, & ignem expertus tantum non venenum est, & intestina exedii; imò ex Terebinthina aut a dipe articulis inunctus, linguam, fauces, totumque caput intumescere facit, salivamque vehementer movet, haud aliter quam ex inteso aliquo frigore, cui corpus exponitur, gravedines destilationesque pituitæ protinus oriuntur; ad eundem modum venas quaslibet, præcipuè lymphæ ferendæ dicatas, torpore quodam infestat: rigorem autem torporémque genuinum esse Hydrargyri effectum cuilibet experiri licet. Etenim tu velim demittas digitum in Hydrargirum, paucis momentis illum pallidum, mortui instar membri, extrahes: imò vi quadam narcotica tremores nervorumque resolutiones ex ejus assiduo usu oriri neminem operariorum latet: ad hæc, quòd Hydrargyro inunctis ægrè adeò medicamentis purgantibus alvum moveri, ut ea duplo validiora, quam ante, facile perferunt; scilicet, à stupore visceribus inducto.

At qui fit, inquires, salivam, non ipsum sanguinem moveri? Ita quidem haud raro evenit; ab intenso gelu multi hæmorrhagiis corripiti solent; ad eundem modum in Ptyalismo ex Hydrargyro interdum disenterias, & sanguinis è gingivis profluvium contingere solere abundè testatur Historia medicinalis: Saliva tamen sola diu & vehementer movetur. Ea autem res paulò altius deducenda est. Cum lymphæ & assidua separatio & in sanguinem reditus necessarius est, propter rationes alibi exponendas, ubi de natura sanguinis privatim agemus; cumque propter summam Lymphæ-ductuum teneritudinem quâ stupore facile afficiantur ab Hydrargyri inunctione, illa debita lymphæ separatio reditusque in venas sanguineas multum impediatur, necesse est; vasaque adeò sanguinea supra modum impleri suo alienoque humore, tantamque lymphæ copiam solis arteriis venisque contineri non posse. Igitur assidua vi & pulsu arteriarum, lymphæ per propria vasa ægrè jam reflua, (quæ ex intenso Hydrargyri frigore tonum jam suum & vigorem amisisse diximus) ad *Salivæ majores ductus excretorios*, (scilicet quâ patentior porta detur) qui ferè in ore sunt, propellitur effunditurque. Etenim nisi lymphæ, propter dictam causam, jam supervacanea assidue evacuetur, ne cor suffocatione perpetua deficeret, suoque gravi oneri succumberet, metuendum est: hinc adeo frequens & familiare est delinquum in primo Salivationis impetu; item Glandularum capitisque infinita intumescencia. Ad hæc, si ob aliquam causam salivæ exitus in ore impediretur, ea protinus totis intestinis excerneretur, & Diarrhæa, (salutifera tamen) vehementer infestaret; siquidem ibidem quoque innumeræ glandulæ *Salivæ excretoriæ* sunt, non aliter quam in ore; etiam si præter unum *pancreaticum ductum* alii minutissimi sunt, tamen multitudine infinita eorum parvitas compensatur. Adeoque in hoc tota *salivationis ratio* versatur, nimirum intra sanguinea vasa lympham cohibendo, quæ jugi circuitu assidue & necessario separari & denuò inferri debet; ab artuum verò inunctione, propter vasorum Lymphaticorum torpidorum tenuissimæ texturæ depravationem & ineptitudinem, ejus reditus eo præpeditur



ditur, venisque adeò sanguineis usque circuire cogitur ad gravem cordis arteriarumque inundationem, per *emissaria* Salivæ ductuum tantum deplendam; neque enim arteriis se exonerandi alia ratio nisi ductibus excretoriis relinquitur. Quæmadmodum si fortè à frigore, mutilatione alicujus membri, vel à ligatura, mensura & modus Venarum diminuatur, pulmo à catarrhis infestari, vel hæmorrhagia, hydròpsve oriri solet.

At nostri homines magna industria Hydragyrum *operi interno* tuto abhibuerunt, ejusmodi itaque remedii jam securi esse possumus; quòd ejus ferocia domatur, & salibus multipliciter adjunctis, compedes ei injiciuntur; quorum ligatura strictiore fit lenè remedium. Hoc equidem sentio, nostros homines aliquid amplius quàm *actum* egerunt, & eorum *artificium prætio* longè *materiam* excedere.

Atque ea hujus sæculi felicitas est: adeòque amplius quæritur, cur ab Hydragyro in Mercurium dulcem confecto, eadem tamen salivatio oriatur; maxime si adjectum sit aliquod medicamentum astringens, ut in corpore, etiam in vitis salibus ei connexis, tantisper moretur, idemque spissius detur. Atque illa sanè differentia est inter medicamentum natum; atq; idem artificiosum; nimirum sales *adjectivos* pro sua natura à madore calorèq; ventriculi, & intestinorum dissolvi, & à sale urinoso, è concoctione Stomachi *Septica* orto, vinculis & connexu cum Hydragyro liberari; huncque adeò sibi jam restitutum relictumque, vim suam indolèmq; denuò exerere posse; scilicet torporem Lymphæ ductibus conciliando; quod illic tanto facilius efficere potis est, quantò corporis interior pars cute externa, digitorum putà, tenuior est.

Ex hoc autem Lymphæ mirifico profluvio [quæ prorsus *nova purgationis forma* est, veteribus incognita] multa commoda nobis accedunt; nimirum pustularum ardorem extinguit, exsiccâtque Ulcera? non externa tantum, sed & interna; quæ ipsa quoque vesiculis, pustulis, ulceribûsque fœdâtur: cætera omitto; illud quidem verissimum est, solo *Ptyalismo* morbi radicem non evelli; imò superiore seculo infinitis experimentis constabat, multos decies & amplius curationem ex perunctione frustra expertos fuisse: Atque idem testâtur nostri homines, inter alios *Wisemannus*, *Obs.* 53. optimus sanè chirurgus idemque fide dignissimus, nuperus *Anglicanus* Scriptor: vitium quidem lenit, differtque, at perniciem non auferit, neque ulla cura sine *Guaiaco* efficax; ut nec à *Guaiaco* solo aliquid expectandum est citra periculum recidivæ.

Igitur ut rem conficiamus *Guaiaci* etiam facultates nobis breviter expediendæ sunt. Hic verò aliquis objiciet; Ægrotum 16. nostrum suprâ comprehensum, usu *Guaiaci*, Hydragyro modicè dato tantum ad grana aliquot, curatum fuisse; item in illa præclara *Fernelij* cura, cujusdam quinquies frustra inuncti, solo *Guaiaci* cremore tandem restituti? Respondeo, *Historia Fernelianæ* facile fidem do; at nec suus æger, nec meus, nec alius quilibet sine usu Hydragyri unquam integer erit; mihi autem perinde est, si unquam datus est, Hydragyrus: quamdiu sanè ab ejus exhibitione sit, non magnopere quæro; nam corpus afficit, etiam post triginta & amplius annos, ut ex Trepano, & Salivatione



tionem aliquoties per se redintegrata nobis certò constat : imò nulla concoctione domari potest, & in glandularum *Meandris* aliisve corporis recessibus latere solet ; aliquà tandem occasione loco moveri, & genium suum denuò exerere solere ; adeoque si quis Hydrargyrus vel intus sumptus, vel extra corpori adhibitus unquam fuit, ex usu Guajaci è latebris excitari, & cum antiqua ejus impressione, hominis ævo non delenda, tum nova operatione partibus adhuc vitiatis curam facilitari, perficique.

*Guajacum* fanè est medicamentum admodum tenuium partium & piperati gustus, sudoresq; adeò movere aptum. Hæ verò *piperata Resina*, ab *India Occidentali*, *Nova* medicamenta sunt : hujus notæ sunt *Balsamum Peruvianum* & *Gummi falsum*, dum *Resina Guajaci* dicenda est, Paralyticos, stupidos, & quovis modo resolutos, curat. Ejusq; adeò præcipua facultas est stupori ab Hydrargyro inducto mederi, ipsumq; Hydrargyrum ponderosum & hebes medicamentum digerere & in omnes corporis partes dissipare, tandemq; expellere, scil. viscera eorumq; vasa calefaciendo, penetrando, corroborando. Igitur *Guaiacum Hydrargyri*, ut *Hydrargyrus Veneni*, in *Lue Antidotum* est. Hydrargyrus pustularum ardores extinguendo, atque ulcera siccando, aliquot teneriores corporis partes stupore resolvit labefactatque ; contra Guajacum easdem partes labefactatas suo calore piperato fovet, expeditque ; & quatenus valde resinofum, vi sua emplastica, ex integro sanat : visceribus autem iam denuò invigoratis, ipsum tandem Hydrargyrum, Hospitem torpidum & alienum, ne intra nos æternum pernoctet, circuire cogunt, sudoreq; præcipue rarefactum aut Urina, aut Vapore insensibili expellunt.

Atq; hæc via quidem brevior & expeditior est ; tamen citra sudorem idem ab eodem fit, certè medicinis purgatoriis adjuto ; maximè si cætera boni regiminis præcepta servantur, at cura diutiùs procrastinetur, certissimi tandem effectus : imò vinum, quod sæpiùs expertus sum, successum non impedit ; potiùs auxilio est.

# DE SCORBUTO

## *Quinta Exercitatio Medicinalis.*

**P**roximo autem *Lui Venereæ* loco *Scorbutum* posui, & propter morbi novitatem, & quòd illi tot tantisque signis communibus, valde affinis sit ; imò ab altero dignoscere, nisi admodum exercitato medico, haud ita facile est. Etenim Scorbutum sui quoque dolores sub noctem graviùs infestantes, item sui tumores duri ; suaque Ulcera exedentia, pustulæque & maculæ, suæq; pedum punctiones, & crurum lincinationes sunt, Veruntamen Scorbutum etiam *peculiaribus symptomata* sunt, in *Lue Venerea* minimè notanda ; minirum *Gingivarum* tumor, mollities & fœtor ; in toto ore, ciuribus, aliisque corporis partibus purpureæ maculæ verè violaceæ ;

ventris



ventris tormina ; præcordiorum gravitas molestissimûsque anhelitus, sæpius ad deliquium ; crurum debilitas & mira lassitudo. Dysenteriam, Febres erraticas, intermittentes cujuscunque Typi, pestilenciales, Pleuritim, Dolorem Ischiadicum, Arthritidem, Paralyfin, Hydropem, Atrophiam Scorbuticam, aliâque infinita symptomata taceo, quæ primâ facie alios, atque alios morbos mentiuntur ; summa tamen industria & admirabili sagacitate ab *Eugaleno* primûm, superioris seculi medico docto, hæc morborum simulachra à suis archetypis penitus discernere & distinguere docemur. Illud quidem non ignoro, apud *Plinium stomachaces*, & *scelatyrbes* cujusdam mentionem fieri, quo Milites *Romani* olim in *Belgiæ maritimis* subitò correpti sunt ; unum eundemque morbum cum Scorbuto hodierno fuisse, vero non admodum dissimile est : tamen à veteribus medicis prorsus neglectus est, neque apud eos ullibi, certè de industria scriptus, ut tantus morbus meruit, occurrit ; quòd loci alicujus remoti & tunc temporis parum noti, tantûm indigena fuit. Superiore autem seculo exeunte, ut diximus, *Eugalenus* multûm de Rep. literaria meruit, quòd hunc primûm morbum accuratè descripserit. At hic Morbus jamdiu quasi lâtescens inter haud ignobilem gentem *Flandria Populum*, ex assidua & aucta navigatione apud Indos novas vires acquisivit, ut *maris ipsius* proprius & peculiaris plerisque jam audiat, verè *morbus nauticus*, & omni populo longis itineribus naviganti, cujuslibet terræ *Europa* ij fuerint, communis, sive ea Navigaria calidis, frigidisve regionibus fiat : modò nimius iis labor, & victus præter rationem falsus & crassus tantûm præbeatur.

Hujus autem causa efficiens *victus falsus* est, ex. gr. Salsamenta è marinis piscibus vel muriâ conditis, vel se siccatis, item caseus (omnis in *Salem* caseus fenescit ; id est, urinosum septicumque, *Plin. lib. 11. cap. 42.*) vetus & falsus ; atque id genus alia victûs genera. Identidem potio quælibet falsa in hoc censu est ; ut cerevisiæ ex aqua subsalsa coctæ ; vel quibus sal aut calx viva adjecta est : quæ pessimæ consuetudines, in coquendis cerevisiis non lupulatis, ferè per totam *Angliam* jam obtinuerunt ; siquidem inde cerevisiarij multûm lucrantur, quòd ita *Potiones hordeaceæ* confectæ, & subitò claræ fiunt, & ab acrimonia diu servantur. At sanitati nostræ interim infestissimæ sunt. His adde ipsum *marinum aërem verè falsum* ; quòd *falsæ pluvie*, calidis maximè regionibus, (ex fide navigantium testantur.)

At quomodo, inquires, id fieri potest ; ut ex *sale condimentorum antiquissimo*, & in auxilium stomachi concoquentis apto nato, pessimum morbi genus oriatur ; huc accedunt salis eximiae virtutes ; nimirum à putredine vindicat, pruritus sedat, Lichenas, Lepras, Psorâsque medetur ; contra omnigenum ferarum morsus optimè facit ; adversus Opium & Fungos præclarum antidotum ; ad Hydropicorum tumores dissipandos : item abstergit, extenuat, &c. & infinita alia, autore *Dioscoride*. Hæc quidem contra nos maximè facere videntur, Respondeo ; crudum *salem* his usibus veteres non adhibuisse, sed *ustum*, ex eodem *Dioscoride*, constat ; scilicet ustum, semelque lotum, atque sicca-



siccatum. Quod nobis innuere videtur, aliquid mali ab ejus *cruditate* illos metuuisse. Deinde, ex *salis modico usu quotidiano* hoc malum non nasci solere, orbis terrarum populi universi consuetudo magno argumento est. Itaque ab ejus *excessu* tanta vitia gigni, credibile est: eamque rem sic paucis expediam.

Animio *sale* stomachus & intestina primum vitiantur, ejus filamenta exedi, totumque ventriculum tenuiorem reddi, inflammarique quemadmodum ab aliquo alio medicamento *septico* copiosè & assiduè in victum quotidianum dato, tandem evenire, necesse est. Huic autem rei fidem faciunt *inanis* vomendi cupiditas, præcordiorum, etiam jejuno, mira gravitas & distensionis sensus, cum molestissimo anhelitu, non sine animi defectione & subitâ interdum morte; imò hic & alibi *cardialgia subito deliquio* examinare solet. Inflammatione autem semel vitiato stomacho chylus crudus confici solet; quod is ne cibi quidem pondus diu pati potest; maximè cum ab eodem cibo falso potionève continuò irritetur. Itaque crudus chylus festinanter in intestina deducitur, lacteisque receptus, vi cordis arteriarumque elastica, habitum corporis permeat; at cum crudus & *supra modum falsus* chylus in *Lymphæ ductus* separatur, eos maximè vellicat, inflamat, corrodit; unde vasorum tenerrimorum & angustiorum adstrictio mirifica, & ad circuitum lymphæ ineptitudo. His itaque labefactatis, falsus, & lentus, & crassus chylus in venis sanguiferis deinceps, ex magna parte, circulatur; arteriasque adeo ob nimiam lympham multum distendi earumque pulsum impediri, necesse est: Pulsum autem laborare constat, cum illo morbo *pulsus celer, parvus, inequalis* inter præcipua indicia *pathognomonica* numeretur. Ab ejusmodi autem pulsu sanguinem *crudum, lentum, crassum, falsumque* tardè, ægrè in orbem moveri, necesse est; à motu verò sanguinis lento & inæquali, eum, maximè *vasis capillaribus*, ipsisque excretorijs ductibus ob pulsum impotentiam ac languorem, coalescere & stagnare aptum esse. Hinc Symptomatum facilis explicatio: nimirum *macula purpureæ*, ut in suggillationibus, & in omni vulnere contuso latè circumcirca fieri à sanguine coagulato novimus: item hinc proveniunt Tumores, & Hydropis Scorbutici ratio manifesta est; scilicet à chylo falso & crudo minimè circuire apto; & in hujusmodi Hydrope tumor *durior & magis renitens* esse solet, utpote à majore vasorum inflammatione. Item Arthritidis vagæ ratio apparet à *falsedine sanguinis* ægrè moti, & hic & illic membraneis ductibus restibilis ac corrumpentis. Item lassitudinum causa intelligitur membrorumque distentio ab arteriarum nimia plenitudine. Itè torpedinis, nervorum resolutionis & contractionis; nimirum à *lymphæ falsa nervis impacta & adplicita*, & à nutritionis paucitate & defectu nutritionis sanè ratio, etiamsi consistere videatur in perpetua arteriarum plenitudine; nisi tamen sanguis debitè per corporis habitum, neutro venarum genere obstructo, circumferatur, ductibusque universis excretorijs perpetim ventiletur accretio corporis infida erit & simulata; vitium que, non vigor (qui nutritionis tamen præcipuus effectus & summa utilitas) à corrumpentibus humoribus expectandus est. Item dolores acuti sub noctem maximè infestantes, ut in lecto ne horæ quadrantem manere possint, quod à lecti calore falsus &

K concreescens



concrefcens fanguis paulatim fufus liquatufque celerius per lymphæ ductus torpentes moveri folet; quemadmodum in digitis nive frige factis; quò incalefcunt, eò accerbiffimo dolore punctorio afficiuntur. Ultimò *Atrophia* explicatur cùm Lympha à nimia falfedine vitiatur, & qui mitiffimus humor effe debet, fit fuprà modum falſus, craffus, crudus, lentus, nutritionique adeò minimè aptus; id eſt, qui commodè & æquabili quodam tenore per omnes venas circumferri, perque vaſa excretoria à ſuperfluitatibus continuè expurgari non poſſit. Hujus autem rei illuſtre exemplum infantibus lacteſcentibus videmus; ubi lac à Nutricis conceptione fit falſum & Urinam falſam plenè redolet ſapitque; quo lacte paucis ſeptimanis nutriti iuſantes, toto corporis habitu ſic vitiantur, ut tabes illa vix totà vitâ delenda ſit; imò infiniti atrophiâ pereunt, aut ſcrophulis alijsve malis inde ortis conficiuntur. Huic autem infortunio (ut id hic obiter notem) non aliud remedium æquè bonum unquam expertus ſum, ac lac novum ex aliâ nutrice ſanâ.

Quòd autem *Gingivæ* intumeſcere, & cruentari; vel levi de cauſa, & putrefcere ſolent, (id quod *nautis*, præcipuè in longâ & moleſtâ navigatione, indicium eſt futuri Scorbuti) ratio eſt, lympham *ſalſam & lentam* à ſanguinis craſſamento ægrè ſeparari poſſe & propter vitiatos lymphæ ductus, ad ductus, ſalivales excretorios propellitur ab arterijs; vbi in ſalivam lentam, ſalſamque conficitur, non admodum adeò effundi aptam: *Gingivis*que itaque empacta, vaſi excretorijs ſubſiſtit, ampliùſque ibidem corrupta, eas tumefacit: imò *hemorrhagijs funeſtis* ſubitò Scorbuticos corripit, propter vehementem hujus falſi humoris ſanguinem colliquatum ex putredine appulſum ad caput in exemplis noſtris infra videbitur: cujus quidem ſymptomatis in hoc morbo ipſe *primus*, quòd ſcio, author ſum.

Hinc liquet inſuper, cur *Hydrargyrus* in hoc morbo curando (*Hartmanni* monitu, aliàs plurimum addicti chymicis remedijs) nihil prodeſt: cùm & lymphæ ductus ampliùſ infirmet, & à falſa ſupra modum lymphæ ipſe tandè vitietur; cùm ſal urinoſus vim & efficaciam ſalium acidorum deſtruat; & quòd hîc lymphæ craſſior & lentior eſt, quàm quæ ſalivæ ductibus effundi poſſet.

At de falſedine ſanguinis aliqui meritò dubitant, cum cibum falſum cõedentiũ fanguis minimè *muriaticus* eſt, nec ex analyſi ſpagirica ſal marinus in eo ad pauca grana inveniri poteſt. Reſpondeo; ſani quidem, & falſamenta multum comedentes, herbis tamen fructibusque ſimul victitare ſolent, qui ſalis naturam alterent, diluantque. Deinde, ſalem culinarium concoctione quidem domari, & mitem reddi poſſe; in alium ſalem, urinoſum putâ, certè à ſanis, manifeſtum eſt; quòd nullum alium ſalem toto uſpîam corpore reperire licet. Rurſus; de *nautarum* ſanguine omnium graviffimè Scorbutico affectorum, nemo, quòd ſcio, quatenus iſte *muriaticus* ſit, adhuc experimentũ fecerit. At nobis abundè ſufficit, ſi hujusmodi ſalis copia in habitu corporis reſtiterit;

cum



cum sal urinosus, crudus & imperfectè coctus eisdem effectus, è putredine ortos, perpetrare potis est.

Exemplum unum vel alterum ponam, quibus sales integros posse per habitum corporis transferri, ibidemque morulas facere clarè evincitur.

Cuidam Gonorrhæâ gravitè affecto, ad ℥j. salis prunellæ ex Terebinth. in bolo exhibui; post aliquot horas alvus ei mota est, & sub noctem, fortè cum hominem visitavi, intolerabili dolore meiando cruciatus, matulam mihi monstravit, quâ nuper minxit; ubi sale micante saturatam urinam vidi; imò aliquot guttas urinae albicantis, in marmora ante focum posita, stillavit; quæ, ut curiosè eas examinaverim, meræ salinae, & in crystallos aculeatas suo more concretæ fuerunt. Idem tamen phænomenon ab eodem medicamento aliquoties exhibito, prout sanitatem recuperavit, ex toto desiit.

His adde; in iis, qui se aquis medicatis nostris, maximè salsis, *Epsomensis* putà, aliisve ejusdem farinae, ingurgitant, eorum urina salis calcarii particulis tam repletur, ut, si vitrum, eâ urinâ plenum, inter oculum tuum & solem teneas, illarum infinitam micationem admiraberis. Imò si multum & diutiùs bibant, ad aliquot menses illis salinis particulis, (ut ex vrina diligenter inspecta liquidò tibi constabit) non ex toto corpus vacabit.

Haftenùs de Scorbuti causâ, ejusque accidentibus, diximus; hujus autem morbi aliquot è multis exempla, pro more nostro, ex adversariis transcribam, ut medicamentorum specificorum rationem exponam.

## ÆGROTUS I.

Juvenis quidam robustus, miles, è castris transmarinis rediens, dolore per omnia membra vehementè affectus est; item ferè assiduo vomitu & diarrhæa, huic etiam maculae quædâ rubentes per totum corpus eruperunt. Sanguinem è brachio mitti jussi; is autem refrigeratus cute crassâ ex fusco flavescente odductus est: urinae paucæ, crassæ & rubræ. Hunc sic curavi, [R. *Vini albi Gallici* ℔℔. *Sem. Anethi* ℥j. *fœniculi dulcis* ℥ij. *Gingiberis rasi* ℥℔. ad duodecim horas vase diligenter clauso leniter coquatur.] Hujus medicamenti ℥ij. ter minimùm quotidie quantum calidè id ferre potuit, propinavimus. Convaluit.

## ÆGROTUS II.

Vir quidam, obesus, ab aliquot mensibus, nescio quo languore & horrore, quotidie recurrente, affectus est; item huic gravis in lumbis capitèque dolor; matutini sudores valdè frigidi; Tussis; spiritûs difficultas; nulla ciborum appetentia; lingua non arida, tamen siticulosus; decumbendi in lecto assidua cupiditas; pulsus parvus & debilis urina admodum biliosa: huic succos *Nasturtij* & *Cochlearia* ex vino rubro propinavi; & quamvis aliquoties



inhorrui, tamen & urina pallida & sudores paulò tepidiores; itē spiritus multò facilior. Balsamū Martis ad grana x. ad tussim & spiritum difficilē nocte dormituro dedi, cujus usu, etiā ipso sudoris tempore, meliūs dormivit; quod aliās ante, ob pectoris nescio quam angustiam, nunquam facere potuit. In his remediis ad decem dies & amplius perseveravit: horrores sudoresque omninò desierunt mirificè convaluit præter necessariorum expectationem.

### ÆGROTUS III

#### Paralyfis ex Scorbuto.

Quinquagenarius, obesus, (*Tithmarsh*) media hyeme primū fit anhelosus, deque nescio quā ægritudine circa stomachum valdè questus est; mox brachiorum & crurum quasi paralyfis & languor ægrum corripuit; hæc autem mala excepit gravis & assiduus crurum dolor, dies noctesque hominem crucians, somnūque ei prorsus adimens. Post quatuordecim vero dies in utroque crure maculae infinitæ purpureæ apparuerunt. Penè invitus curatus fuit remediis Anti-scorbuticis vulgò cognitis; adeò vino *Hispanico* & sæpè Spiritui Vini dicto, indulgere voluit. Non ante æstatem tamen manuum pedūque vigorem recuperavit, quo tempore hominem aquis *muraticis* (in vicinā *Knarborough* agri *Eboracensis*) coctis & calidis, quantum sustinere potuit, balneare volui: ex integro convaluit. At Hyeme proximè sequente similiter affectus est; & mortuus est.

### ÆGROTUS. IV.

#### Atrophia ex Scorbuto.

*Tailour de Marston*, quinquagenarius spirandi difficultate diu affectus est, tandem admodum emaciatus est; cætera sanus ut sibi videbatur; propter pituitam verò viscidam in lecto dormire vix potuit; pulsus celer & debilis; modica sitis; urina rufa; è medio pectore maculae subpurpureæ efflorescebant; atque hæ tandem latè fetaceum pectus occupabant; à prima autem earum eruptione iis color subpurpureus, qui indiēs degenerare in subluteum solebat, id quod curiosius observabam, Tabidus mortuus est.



## Æ G R O T U S V.

**D**Ominus *Cooke*, è Prebendariis Ecclesiæ *Eboracensis*, minimum quinquagenarius, macer, literis valdè deditus, *Decembri* exeunte ex frigore primum tussi affectus est; huic nulla ferè ciborum appetentia; tussi supervenit spirandi difficultas, & nescio quis levis dolor, & in tibiâ dextra imbecillitas; mox ibidem *pruritus* ortus est, & maculæ *purpureæ*. Ipse autem vocatus, semur & crus tumida & intensè purpureo colore occupata vidi: huic Urina varia, nunc rufa & valdè turbida, nunc clara & qualis sanorum. Imò malum quodammodo Tertianam Febrem mentiebatur, nam alternis diebus pejus se habuit; malum in femore & tibia cum dolore, duritie & rigiditate indiès serpebat. Quò malum auctum est, eò Urinæ certiores, & rufiores, & fæcibus magis id saturatæ. Ad decimum verò diem paulatim serpendo totum femur & tibiâ & jam ipsum pedem tumore insigni occupavit, & livor jam ad *nigredinem violaceam* valdè accedebat; foveæ in pede facilè fiebant; at tumores cruris & femoris multò duriores fuerunt. Jam verò languores primum æger sensit, & assiduè in lecto deinceps decubuit.

Ex Anti-scorbuticis medicamentis Apozema præscripsi, item Cataplasmata ex folis emollientibus cum herba Cochlearia & Unguento è mucilaginis totum cruri femorique latè admovi; quibus admodum levati sunt, & dolor, & tumor; Atque à pertinaci istiusmodi remediorum usu tandem convaluit. Illud insuper notavi nigredinis extremas partes subluteo colore circumscriptas fuisse, perinde ut fit in suggillatis.

## Æ G R O T U S VI.

**Q**UIDAM Batavus, valdè obesus, languoribus diu affectus est; tandem lecto defixus; huic labia, genæ, & ipsa lingua livescebant; pulsu parvo, debili, & urina qualis sanorum fuit; Spiritus Vini multum & assiduè portare consuevit; huic autem à magni nominis medicis & sanguinis missio aliquoties repetita, & purgatoriæ medicinæ, & chalybs diu exhibitus est: at non ullo modo ei profuerunt. Ipse vocatus mala in infinitum aucta observavi, & jam manus cruræque livescebant, & spirandi difficultas tanta fuit, ut nisi erectus in sella sedere non potuit; adeò lingua balbutiebat, ut hominem gallice loquentem, vix intelligere potui. Omnia à me sumere recusavit præter cardiaca medicamenta vinosa; quorum sanè in nostris officinis copia est: post aliquot verò menses à primo insultu hæmorrhagiâ sub noctem adeò violentâ correptus est, ut aliquam multas libras sanguinis è naribus effuderit, antequam moriebatur.



## ÆGROTUS VII.

**J**Uvenis quidam, exeunte *Decembri*, subitò & sine aliqua causa manifesta narium hæmorrhagiâ correptus est: id malum aliquot dies per intervalla duravit; mox totum corpus maculis ferè *ex nigro-purpureis* eleganter depictum est; etiam earum aliquot ex internâ labiorum parte observavi: *huic tamen nec febricula nec pulsus justo debilior*; Urina qualis sanorum; nec ullum grave aliàs symptoma. At funesta illa pictura fuit.

## ÆGROTUS VIII.

**P**UER quidam, quinque annos natus, subitò, ineunte vere, maculis quibusdam *ex viola-purpureis* in cute albissima per totum corpus depingitur; ejus linguam, osque fortè inspexi, easdemque maculas, & in ore, & in labiis ulceratas observavi; ejus cura ad me non pertinebat. Nam puerum mihi attulit vicinus quidam meus tantùm, animi causa. Et nescio an aliquod medicamentum ab ullo datum fuit. At eadem nocte, Hæmorrhagia graviter affectus, & illicò mortuus est.

N.B. In proximò superiori casu maculæ eruperunt à sanguinis profluvio; in hoc autem post maculas Hæmorrhagia lethalis sequuta est.

## ÆGROTUS IX.

**P**UER quidam (*Waller*) summè agilis, decem circiter annos natus, casei mercatoris filius, subitò *maculis pupureis* per universum corpus depictus est; ex his parvæ & aliæ majusculæ fuerunt, ipsum *viola martia florem* eleganter representantes: mox vehemens Hæmorrhagia sequuta est; gingivæ, fauces, ipsaque lingua summa putredine virulenta exulcerantur; ut nec cibum, nec medicamenta amplius sumere potuerit. Intra septiduum mortuus est.

## ÆGROTUS X.

**Q**UIDAM puer (*Hevver*) sex annos natus, subitò *nigro-purpureis* maculis per universum corpus affectus est, puer autem de capitis dolore leviter tantum questus est, & toto eo die ludebat; naribus tamen paululùm sanguine stillantibus; omninò non febricitabat, & cibum pro more avidè appetebat; ejus parentes insolitas maculas mirabantur; media nocte sanguis è nari-



enaribus copiosè profluebat, eundemque adeò grumosum è ventriculo vomebat: ad decimam diei horam vocatus, sanguis admodum difficilè comprimi potuit: maculas autem in labijs & linguâ video; item per ejus femora maculæ aliquot longæ & latæ, velut ex verberibus vibices; huic corporis habitus frigidus, pulsus rarus & debilis, urina succinea & qualis sanorum; nulla sis: ad illum comprimendum infinita frustra adhibita sunt: venâ autem brachii à me incisâ, is protinùs in deliquium, vix sesqui uncia sanguinis effusa, lapsus, & sanguis è naribus per se protinùs compressus est. Sudore frigido madebat usque ad mediam noctem, deliravit; fortè ex diacodio dato in aqua plantaginis: postridiè verò manè idem ei sanguinis profluvium contigit per aliquot horas tandem balsamo veneris nâres implevi, & sanguis stillare desuit, Deinceps diacodium modicè datum est. Et *succi limorum*, *succi cochlearia* ad cyathos aliquot quotidie illi propinavi. Vibices primum, mox maculæ in labijs, reliquòque corpore, sensim disparuerunt. Convaluit.

## ÆGROTUS XI.

Sub idem tempus puellam vidi octo annos natam, cui infinitæ maculæ *pura-violaceæ* in *nivea* cute efflorescebant, sane spectaculum haud ingratum, nisi quod affectus morbosus fuerit: inter has verò maculas quasdam ad amussim *triquetras*, alias *quadratas*, plerâsq; *rotundas* & *inordinatas*, non sine ingenti admiratione curiosius contemplabar. Huic autem me præscripsisse memini spiritum C. C. ad aliquot guttas ex cerevisiâ tenui quotidie bibendas. Convaluit.

## ÆGROTUS XII.

Item alia puella eodem anno 1682. mihi ostensa est iisdem maculis per totum corpus depicta: diù in cute eæ maculæ apparuerunt; tandem nescio quibus remedijs convaluit. N. B. in his duobus ultimis casibus de ulla hæmorrhagiâ superveniente non memini.

Ad remedia jam tandem venio; nam in recitandis exemplis, quæ infinita sunt, polixior esse nolo. Præcipua autem hujus morbi medicamenta sunt, *Cochlearia*, *Limonumque*, *Aurantiorumve succi*: & ex hac notâ sunt omni-geni fructus & olera: at quò magis acidi eò meliores sunt: hinc Acetum quoque & Spiritus Vitrioli valde profunt.

Horum itaque omnium facultates, & quæ comoda ab istiusmodi acidis remedijs expectanda sunt, ab uno Aceto discemus. De Aceto autem inter alia multa ita *Dioscorides* perhibet. Acetum refrigerat, & astringit. Stomacho utile, appetentiam excitat, Erumpentem undique sanguinem sistit, potu infes-  
sive.



seſuve. Prodeſt alvi fluctationibus cum cibis coctum. In Orthopnæa calidum commodè ſorbetur. Tuſſim veterem mitigat. Inflammationes arcet. Reprimit abſcedētes Gingivas & ſanguine manantes. Suggillationes rapit, & ad conglobatum ſanguinem prodeſt. Ad capitis dolores confert. Ad aquam intercutem ferventis vapor proficit, panos coerces tepidi fotus, pruritus permulcet; ad nomas & ſacrum ignem, & ulcera quæ ſerpunt, ad lepras, impetiginēſq; efficaciſt. Phagedænas ulcerum nomasq; fotu continuo cohibet. Calidum potū adverſus omnia venena efficaciſt, præſertim contra Meconium, Fungos & hauſtam cicutam. Contra venenatorum ſerpentium ictus, & eos, qui urens virus ejaculantur.

An verò aliquid in *aceto* deficiat, ad morbum noſtrum curandum, aut ampliùs deſideretur, remedio cum morbi ſymptomatibus dilligentè collato, planè nescio; certè tu velim penſites, ô bone lector.

Quamvis ſucci ex uſu quotidiano in hoc morbo ſuprà memorati & præ cæteris commendati, veteribus parùm aut nihil noti fuerunt; eorum tamen opinionem de fructibus acidis in malo punico videre licet; nimirum boni eſſe ſucci, & ſtomacho utilis, &c. reliqua vide apud *Dioſcoridem*.

Quomodo autem hi effectus ex uſu acidorum oriantur explicandū reſtat. Atque hujus rei ratio in his paucis conſiſtit. Acidum imprimis infirmū & æſtuātem ſtomachum refrigerat & adſtringit; adeòq; concoctioni eum aptū reddit; ſimiliter cogitandū eſt de inteſtiniſ visceribus, eorūmq; vafiſ, una eadēmq; ratione, ſalium exedentiū copia laborantibus; hujus autem in ſtomacho & viſceribus refrigerij ratio eſt, quod acida ſalibus urinoſiſ adjecta eorum vim protinùs frangunt, & cum attenuando chylum lymphamve inſuper urinam moveant, ſales exedentes mitigatos jam maximè eò diducunt foràs: à chylo autē novo, tenui & dolci ſanguiniſ circuitus ruruſ expeditur, lymphæque adeò motuſ placidè perficitur, quo arteriarū labor multum diminuitur, levaturque; adeòq; hæmorrhagia & maculæ, & dolores, & laſſitudines, nervorūque reſolutiones contractionēſq; paucis diebus ex toto ceſſāt, & homo moribundus ex integro reſtituitur. Cujus ſubitæ curationiſ exempla infinita in nautiſ, terræ ſemel expoſitiſ à longiſ navigationibuſ, occurrunt.

At remediolorum magnæ differentiæ ſunt: Reſpondeo, veriſſimum quidem eſſe, multiſ oleribuſ, inter quæ Naſturtium & Cocleariam pono, ad Scorbutum utiliſ, præter ſuccum acidum ineſſe etiam quandam piperatam acerbitem; quā tamen de cauſa craſſoſ corporiſ humoreſ magiſ attenuant, & in omneſ ejus meatuſ ſaciliùſ ſibi viam faciunt; adeòque ſalem crudum Urinoſum ubique locorum promptiùſ ſubigere & expellere poteſ ſunt.

Salis autem culinarij *orudi*, ſive in Urinoſum mediocritè tantum cocti, notio haud ita aliena eſt. Nam etiam in benè coquentibuſ Urina ſuum ſalem urinoſum non facile & à primâ ſtatim miſtione analyſi chymica præbet; imò ut ulteriùſ putreſcat, neceſſe eſt. Item ex ſanguine humano eodem artificio deſtillato, paucæ tantum drachmæ ſaliſ culinarij, ex multiſ libriſ ſanguini-



sanguinis haberi possunt; At idem etiam ambiguae naturæ est, nec in omnibus; vere marino respondet, ut perhibet *Boileus* noster.

Rursus; Acetum à fructûs alicujus immaturi succo viribus distat, in eo, quòd Acetum acrimoniam quandam ex putredinosa caliditate, scilicet ex bina fermentatione confectum, adeptum est. Fructus autem acidus immaturus ea acquisita acredine caret, & acerbitem habet. Unde magis etiam tenuium partium est Acetum, quàm alicujus herbæ aut fructus immaturi succus, velut sensus quoque testatur; quo autem acrior succus, eò promptius penetrat, ut rectè de victu attenuante *Galenus*.

Amplius; Limorum, Aurantium, Malorumque Punicorum, scilicet perfectè maturorum, succi acidi sunt: nec fructûs alicujus immaturi acerbitem ingratam, nec aceti acrimoniam calidam, ex duplici fermento confecti, habent; adeoque præ cæteris valdè excellunt, & privatim ad hunc morbum omnium remediorum longè præstantissima medicamenta sunt; etiam miseris nautis in auxilium suum infinitis exemplis experta. Limonum autem commendationem hic inferere suave est, Authore *Pisone* Batavo, medico diligentissimo, & in rebus Naturæ exoticis, si quis alius, versatissimo. *Peritissimi*; inquit ille, nonnulli *Indiæ*, ubi diu vixit, medicastri plus præsidii in limonibus ponunt, quàm in lapide Bezoartico aut Theriaca, contra malignos morbos, & pestilentes febres, atque ipsa Venena. Ego autem, sine jactantia affirmo, me ex nullo, alio aliquo remedio simplici tot felices effectus in tota praxi mea observasse, quàm ex limonibus.

Atque hæc satis dicta sunt de id genus remediorum naturâ.

Quæstio autem haud importuna superest, cui respondere, antequam hanc exercitationem finiam, mihi bonum videtur: nimirum cur hoc morbo correpti, sanguinem mitti, & purgari plerumque malè ferunt? Respondeo; Qui diu ciborum appetentia caruerunt, etiam succo nutritio, qualiscunque is sit, vix abundare, credibile est: huic rei fidem facit, inanis vomendi conatus sine ulla notabili excretionem; item quòd Lymphæ ductus feriant; quod testatur & nervorum resolutio & corporis nimia lassitudo, è maximè communibus hujus morbi indiciis, & interdum ossium crepitus.

Deinde diutius ab hoc morbo affecti, etiam vitiatum humoribus effusis supra modum languent, quòd arteriæ rigida, & diu distenta ex chylo crudo, salsoque, eo dempto, planè stupent, nec facile ac promptè ad officium debitum redire possunt; sed penè ab opere deficiunt; illud confirmat pulsus debilis, parvus, inæqualis; item quod ab omni mutatione positus corporis deliquium pati istius; modi ægri valdè proni sūt, nimirum cordis & anteriorum Systole fatifcente id refluxo sanguine inæqualitèr moto, tantum non opprimitur.



## DE ARTHRITIDE

## Sexta Exercitatio Medicinalis.

**A**rticulorum Dolor sive pedum, sive manuum, sive coxendicum, idem morbus in diversis corporis partibus merito audit; etiam si aliis atque aliis nominibus, ut podagra, Cheiragra, Ischia sive appelletur.

Rheumatismus verò, quamvis is morbus, dolorem quod attinet, affinis sit; in hos tamen non articuli tantum, sed media quoque inter articulos spatia gravissimis interdum doloribus affici solent.

In descriptione autem hujus morbi, sicut in reliquis omnibus, veteres imprimis audiendi sunt: profectò singulorum accidentium, quibus hic morbus cōcludi posset, enumeratio apud illos mirabili quadam industria exhibetur, ut nihil hodiernæ diligentiae relinqui videatur. De his verò consulas suadeo *Aretæum* aut *C. Aurelianum*: Equidem ea, brevitatis causâ, quam in his Tractatibus unice institui, certè in tam vulgari morbo libenter omitterem. Quoniâ tamen Aureliani liber, propter editionum paucitatem, (imo non nisi ejus unica, quod scio, integra est) in paucorum manibus est, & quod hoc sit Veterum *summa accurationis* in morbis describendis *exemplum*, illud transcribere in nostras chartas non gravabor.

Sequitur, inquit ille, passione articulari tentatos, torpor atque *formicatio* eorum articulorum qui tanguntur, & difficilis *flexio*, atque rursus *extensio*: item *gravedo* & *vacandi ducedo*; & ad parvum motum vehemens dolor; atq; dormientibus sensus quidam *resonantium* articulorum, & cum de somno surrexerint, veluti *saltu* earundem partium afficiuntur; tum *horror* vel *rigor*, vel *tremor*, sine ulla manifesta ratione, partium sequuntur: dehinc cum passio se extollere, cœperit, in Podagricis dolor alterius pedis, aut utriusque cum *punctionibus* nascitur, incipiens à vestigio, aut plantæ cavitate, vel sæpius à majore digito, attestate torpore & gravedine, & difficili motu cum horrore rigido, atque inæquali per membra, & aliquando plurimo *fervore*, aliquando *frigore*, ut alii refrigerantia, alii calida desiderent ægrotantes & propterea quidam alteram calidam, alteram frigidam podagram putaverunt nuncupandam: item initio, ut sæpè contigit, similis color patientium, atque sanarum videtur partium attestante æqualitate, nullo emergente tumore. Dehinc *inflatio partium* fit cum *rubore*: quapropter *relevatio altiorum* sæpè sequitur. (Hoc est, partes circa ipsa ossa minus dolent) Tum pejorante passione, *Arthritica* sufficitur passio, cum in unum, omnium articulorum consensus, & facile ex articulo in articulum venit dolor, nec desinens priusquâ cum ceteros invaserit nodos: sæpè denique, prioris articuli, dolore declinante, *secundus* invaditur, atque eodè similiter miscente, *tertius* sumit exordium, consentiente etiâ vesica, atque spinæ majoribus nervis, quos *Tenonias* vocant. Et in *Stomacho* etiam *nausea* vel vomitu jactantur ægrotantes. Tunc articuli tumentes inflantur



\* rur, ac deinde *durescunt*, & soliditati *saxeam* faciunt qualitatem: tum etiam *ni-*  
 \* *griores* efficiuntur, atque *contorti*, ut in *obliquas* partes *digiti vertantur*, aut  
 \* *reflexi supinentur*, aut vicinis adfixi incumbant. Et aliquando *humore purulen-*  
 \* *to*, vel *mucilento collecto*, aut viscoso, generent *Porus*, quos nos *Tophos* dicere  
 \* poterimus. Denique lapides sufficiuntur, qui quidem *articulos solvant*, & *cutem*  
 \* *distendunt*, atque erumpentes promineant, & chirurgia detrahantur, aut exi-  
 \* lientes cyathis cum fibramento tollantur, quod nos *scalpreolum* discere po-  
 \* terimus, & *rursum renascantur*. Tum membra dolentium partium, cessante  
 \* nutrimento, *tenuata languescunt*, & *arida* efficiuntur. Erunt præterea ægro-  
 \* tantes parvis ex causis *mobiles* atque *iracundi*, siquidem motum vel actum non  
 \* sine querela accipiunt.

Principaliter autem hæc passio, inquit idem *C. Aurelianus*, constituitur in Nervis vel eorum colligationibus, tum cætera morbo consentiunt, atque con-  
 tiguos, vel superpositos lacertos, & majores nervos pati demonstrant: ineunte  
 morbo, *Nervi*, id est (ex interpretatione ipsius Aretæi) articulorum vincula, &  
 quæcunque ex ossibus exorta sunt, & in ipsa ossa inferuntur, dolore incipiunt.  
 At ipsa ossa non dolent, vel minimum. At si aliquis ab ipsis doleat, non ferra-  
 menta adstringentia, non vincula, non vulnerans gladius, non exurens ignis (nam  
 hæc interdum ex remediis in hoc morbo sunt) tantum dolorem excitare possunt,  
 quantum quæ ex ipsis ossibus nascuntur.

Patitur autem principaliter membrana quæ ossa circumtegit: item musculo-  
 rum capita vel summitates.

Denique augmento passionis inter *creatus* humor, ex frequenti dolore cor-  
 ruptus, in saniem transiens, partes aliquas (imò ipsa tandem ossa) collectioni-  
 bus, id est, abscessu afficit.

✓ Hujus autem tanti doloris causam sic breviter intelligo. In articulis itaque &  
 coxis, ubi primus morbi insultus est, *ductus excretorij* cartilaginosa ossium ca-  
 pita, tendines musculorum duriusculos minûsque flexiles, membranasque iis cir-  
 cum positas penetrant, pertanseuntque; perinde ut iisdem ductibus in cute in-  
 testinisque fieri solet; nempe ut perpetim effundatur in cavitates aut interstitia  
 articulorum humor ille pituitosus, illorum madefactioni inunctionique valdè  
 necessarius, ne in motibus suis exerendis articuli mutua attritione offendantur.

Hi autem ductus *labefacti*, id est, vel laxati ab improbo aliquo exercitio,  
 maximè à cibo; ex nimia Venere, à quâ tot motus articulorum convulsivi; ex  
 frequenti usu vini vel aromatum, quibus iidem ductus vehementer resolvuntur;  
 vel ex naturali quadam ductuum imbecillitate, quâ contractioni impares sunt;  
 vel *obstructi* ex aliqua longa hæmorrhagia; ex crapula & otio, humor ille ex cru-  
 do jam & lento fero confectus, in ductibus articulorum excretoriis moram tra-  
 hendo, facile putredinem & acrimoniam concipit, & ichorosus tandem fit; ipsa  
 denique ossa rodendo, illa in *Tophos* dissolvere potis est. Quod satis constat ex

L 2

ossibus

1. Inter causas antecedens varias *Aurelianus* numerat frigus profundum, laborem immodicum,  
 vel repentinam desertionem solitæ exercitationis in antea actum morem; aut rursum cum molli-  
 bus nervis atque insuetis fuerit illata quassatio.



ossibus cariosis vermiculato quodam opere profundè insculptis. Undè primum *atrox dolor*, nempe à continua distentione & dilatatione ductuum excretoriorum à corrumpente humore, cui tamen distentioni partium cartilaginosarum *durities* plurimum resistit: ideòque in iis dolor vehementior excitatur, quàm in mollioribus corporis partibus fieri solet, ubi tanta resistantia non est humori abscedenti. *Hippocratem* audi; Humor corruptus, inquit ille, (*lib. de Affectibus*) quo magis tenues venulas, corporique movendo magis necessarias, nervosque & ossa multa & crebra subierit, eò sanè tum stabilior morbus est, tum ægerrimè profligatur.

Atque hinc illi sensus strictionis infinitæ, compressionis, ponderis, caloris urentis, lancinationis, puncti, rosionis, ut humor putrescens in angustis & vix dilatabilibus ductibus impactus, viam sibi faciat.

Huic autem explicationi hæc fidem faciunt, quod ad ipsas cavitates & interstitia articulorum, ut suprà comprehensum est, *profundè incipit dolor*; sursùmque fertur in musculos circum eà bientes, ferè inflammatione in iisdem excitata; nempe ex *regurgitatione* humoris jam putrescentis in arteriolas cutaneas ac musculares: ubi autem ex articulis sursum inflammatio tollitur, dolor ad ossa multo remissior esse solet; quòd scilicet ductus excretorii cartilaginosi & semiossei humore corrumpente paulatim deplentur.

Deinde, à *Tophis*, ipsis articulis innatis, satis confirmatur; quòd si ex materia *ossea* sunt. Ab initio quidem, Authore Aretæo, veluti abscessus articulos occupant; postquàm verò magis spissatur, etiam concreto humore difficiles fiunt inflexiones: demum *Tophi* solidi, albi consistunt. Imo universam ossium compagem morbus populatur, haud secus atque pedis aut manûs articulum. Etenim in toto membro Tubercula exigua & majora exurgunt. Illorù verò humiditas crassa, albicans, & grandinosa est. At illa rara fiunt, nisi ubi longa morbi consuetudo facta est.

Atque hæc hætenus de causa doloris *conjuncta*, nempe de distentione præternaturali ab infarctu ductuum excretoriorum in tendinibus cartilaginosi membranisque ab ossa pertinentibus.

Causa verò *antecedens* est stomachus labefactatus, unde chylus crudus & lentus.

Inter Antiquos verò, Hippocrates, hanc causam voluit esse sanguinem bile & pituita corruptum, inque articulos effusum. At cum bilis & pituita extra habitum corporis in intestina ferè effundi solent, nec aliqua secretionem, sed ex ipso sanguine (si bonus, bono: si malus, malo) foràs in ductus excretorios ubique propulso, & sola ductuum *fractura nativa* excoctæ fiant, (de quo fusius in Tractatu de Humoribus egimus) ideo istam opinionem non libenter admitto. Inficias tamen non ibo, posse aliquando sanguinem à bile & pituita *refluis* per vasa chyli-fera vitari.

Alij autem hodierni Medici salem nescio quem, Tartarumque accusant. At hæc vana sunt, & sine fundamento. Cum ipse Sal Tartareus, ex quo *Tophos* oriri volunt, nusquam in corpore reperitur; cum nec ipsi *Thophi*, nec ossa, nec aliquid carnis, humorumve alium salem edant ad torturam ignis, aut alio artificio, quod scio, chimico, præter unum eundemque planè urinosum.

At ipsum Sal Tartareum, (quod à Paracelso conceptum, *Mayerno*, ejusque sectato-



ſectatoribus tam gratum eſt) alius planè generis ſalis; ut ex ejus figura, cùm in cryſtallos coiverit, ſatis conſtat.

Denique ſal urinoſum *putredinis concoquentis* & coagulationis tam *citra*, id eſt, in Renibus & reliquis ductibus excretoriis cutaneis, quàm *ultra* habitum corporis & in inteſtinis, *effectus, non cauſa* eſt.

Reſtat itaque ſolus chylus ſive *ſerum crudum* & viſcoſum, in ductibus excretoriis articulorum, ægrè dilatationi cedentibus, *accumulatum*, cauſa materialis hujus morbi.

Antequam verò morbi accidentia dimittam, unum à moderno quodam Scriptore novum inventum, ut credi voluit, notabo; nempè totam illam narrationem plurimorum exiguorum paroxyſmorum quotidianorū ad podagram conſtituendam, bellam atque lepidam Fictionem eſſe. Quòd autem dolor nocte recrudeſcat, manè verò remittatur: id ſitus corporis facere poteſt, quo ſanguinis motus vel promovetur, retardaturve in hanc vel illam corporis partem: quid enim pedem in ſcabellum interdium altiùs geſtet podagricus, ſi non ad dolorem à poſitione ſedandum. Deinde victus ratio, quæ ferè diurna eſt, unde nocturna aliqua exacerbatio oriri poteſt. Ipſa verò Febricula ſi quæ ſineunte morbo, ſit, per accidēs eſt, & à dolore orta & ſymptomatica, & quæ levi de cauſa à *medicamentis* aut *victu* intempèſtivè datis recrudeſcere poteſt. Reſtè itaque Aretæus, in Arthritide atroces ſanè dolores ſunt, ſed dolorem comitantia atrociora: defectus animæ, ciborum averſatio, ſitis, vigilia, inter quæ febricula. Imò eadem incertitudo & varietas exacerbationum in Iſchiadicis olim animadverſa eſt à Coel. Aureliano. Dolor, inquit ille, efficitur nunc jugis, nunc deficiens, ordinatus, aut inordinatus, ac longis vel parvis intervallis recurrens, ac paucis ac limpidis lenimentorum ſpatiis, aut mediocres reliquias ſervans.

Aliquot autem Quæſtionibus de Podagricis hic reſpondere lubet: quarum prima eſt cur mulier Podagra non laborat, niſi menſtrua defuerint? Illud verum fuiſſe Hippocratis ævo & in Græcia facile credo. Quod mulieres Græcæ ſummæ caſtitaſis & temperantiæ exempla fuerunt. At apud nos is Aphoriſmus minùs verus eſt; cum infinitæ instantiæ occurrunt Podagricarum mulierum etiam quibus menſtrua benè reſpondent. Illud tamen concedendum eſt, illas multo rariùs affici hoc morbo, quàm viri, ob menſtruorum excretionem à quibus inaniuntur levanturque illi alteri ductus Articulorum excretorii; claro documento, ut id hic obiter notem, magni emolumenti appropriatorum catharticoſum ad morbum hunc præcavendum. Deinde, etiam ex conſuetudine vitæque ratione, cauſis hujus morbi procatarticis parùm noxiæ, adeòque minùs illo vitio opportune ſunt.

Eadem verò ratio eſt de Pueris, quibus plerique ductus excretorii & molliores multo, quàm in ætate proveſtioribus, & indies pro corporis incremento ampliantur.

At quærent porro, Cur Eunuchi Podagra non laborant? Reſpondeo, Admodum pauci in omni ævo fuerunt. Deinde iis ipſa muliebris cura & conſuetudo imperata eſt. Imo mollitiæ & teneritudine carnis non mulieres tantum, ſed &



pueros superant ; ut de omnibus cujuscunque generis castratis animalibus satis constat ; adeoque iis ductus articularum excretorij facile dilatabiles, & humores liquidiores sunt.

Cùm autem intentiones curativæ præcipuè duæ sunt ; *una* ad præcautionem ne redeat morbus , aut tardius mitiusve. *Altera* ad dolem citò sedandum, dissipandum, resolvendum : ideo ad Ægrotorum exempla pro more nostro jam procedo ; in tam vulgari autem & quotidiano morbo paucis tantum opus est ; nempe ut naturam & usum aliquot remediorum specificorum ostendam.

## ÆGROTUS I.

Domina *Ashton de Whallie*, primaria fœmina, sexagenaria, ex multis annis graviter Arthritide in omnibus artubus afflicta est. Tophi ingentes ubique articularum, etiam in mediis membris Tubercula tophacea ; alia ad ovi gallinacei, alia ad nucis avellanæ magnitudinem, alia minora infinita grandinis instar.

Huic Urina semper pallida, etiam ipsis accessionibus, ut ipsa ejusque necessarii mihi retulerunt.

Ex Lancastria ad Eboracum venit, meum auxilium implorans, quòd, multo maximam anni partem, arthriticis doloribus vehementer vexata, decumbere consuevit.

Hæc erat obesula, certè non macilenta fœmina. Huic verò sic præscripti. ( *℥ Vini Emetici ℥℥ decocti Senna Gereonis ℥i℥. Syrup. Violar. ℥℥. m. f. Potio Emetica.* ) Ab eo verò medicamento aliquoties vomuit ; alvusque mota est cum euphoria. Idemque adeo medicamentum singulis septimanis exhibui ad mensem. Domum autem reversa, singulis mensibus idem emeticum semel repetiit ex præcepto meo ; valetudinemque ei annuam & duos menses bonam præstabat.

Ex hoc verò successu lætata Londinum abiit, ubi inter alia, ad Tophos dissolvendos, ( nam id fieri potuisse vehementer credidit ) Antimonij Diaphoretici à L. R. diu sumpsit. Atque alia infinita : tandem à N. pulverem *Hues* dict. i. e. præcipitatum rubrum per se, magno pretio redemit ; item Arcanum ejusdem N. etiam ad integrum annum sumpsit ; item chalybeata ex plurimorum Medicorum præscriptis. At hæc omnia vana, imò noxia, & tandem perniciofa fuere. Nam ipse post septennium forte Londinum adiens, morienti fœminæ accersitus hac didici ab illa. Huic autem supra fidem *pruritus* continuus ab istis remediis non in universa tantum cute, sed & in ipsis faucibus, stomachoque, quod seriò centies mihi affirmavit, ( nam in hac misera conditione ad decem minimùm menses vixit ) excitatus est, & tandem convulsa mortua est.

## ÆGROTUS II.

D. *Buchenham* sexagenarius, vir admodum obesus, diu podagricus ad totalem ambulandi impotentiam ; tandem manibus captus est : mox in omnem corporis ambitum vagatus est morbus ; sævissimisque doloribus etiam in colli vertebriis, & omoplatis



& omoplatis cruciatus est; post sexaginta vero dies singuli paroxysmi, quibus ferè annuatim corripì solebat, vix finiti sunt. Atque hæc illius podagrici conditio erat, cùm primùm hominem viderem. Ad septennium meæ curæ se commisit. Hæc autem expertus sum in 12 minimùm paroxysmis: nempe, ineunte morbo, sanguinem ei semel atque iterum prima *diatrìto* mittendum curavi, cujus semper crassamento frigido cutis densa atque albida adhæsit verè coriacea: item sub eodem tempore ventrem subduxi lenioribus injectionibus. Febricula autem paulatim finita, aliaque cum viderem victæ cruditati, indicia ex Urinæ hypostasi levi & albicante, hominemque jam in declinatione morbi constitutum, hujusmodi potionibus dejectionem alvi aliquoties mollitus sum. (℞ *Decoct. Sennæ Gereon. ℥iv. Syrup. è Rosis purg. cum Agarico. Syrup. Violar. Aq. Mirab. succi limon. āā ℥ss. manna ℥i. misce, f. Potio.*) Hoc autem medicamentum adeo profuit, ut intra tres plurimùm septimanas ad integram sanitatem sæpiùs restitutus est: nec memini illum ullo paroxysmo semel excessisse mensem toto illo septennio, quin ad integritatem corpus rediret; cùm tamen antea ad duos trèsvē menses decumbere consueverat. Quis verò exitus fuit hujus viri, si quæras, dicam. Dum forte laudaret effectum medicamentorum purgantium in Podagra curanda, aliquis ex officio ei pilulas nescio quas Scoticas vehementer commendabat. Quid sit? Ultimo paroxysmo quo vivere desiit, & sanguinis detractionem, & omnem methodum meam omnino noluit; sed clam à primo insultûs die ad decimum è pilulis Scoticis duas trèsvē devoravit, quibus alvus quotidie aliquoties mota est. Jam læpidè mecum confabulatus est, an crederem illum tot annis valetudinarium vixisse, nec, sibi certè, Medicum esse posse? Illa verò nocte urina citra ullum dolorem compressa est. Imò mingendi cupiditas ex toto desiit. Ad decimum verò quintum diem vixit, nec unquam vesica respondit néque enim guttula urinæ in ea inventa est; cathetere sæpiùs immisso à perito chirurgo.

### ÆGROTUS III.

Domina Ch. optima fœmina, mediæ ætatis, obesula, aliquot liberorum mater. Huic menstrua semper benè responderunt; attamen ex Arthritide jam diu miserè afflicta est. Huic bimestries Paroxysmi & interdum longiores, & quæ aliquoties in singulis annis: dolores in paroxysmis continui & vehementes præter fidem: perpetui ejulatus, nisi ex opio quotidiano epoto. Item totis pedibus, talo & manuum carpis cubitoque inflammatis & mirè tumefactis. Adhibitum est remedium Anodynum nullo secundum ex præscripto S. nempe ex opio crudo Spir. Vini dissolut. De Sanguinis verò missione, aut dejectionibus ventris nihil audiui. In hac itaque conditione erat mulier, cùm primùm accersitus sum. Sanguinem verò, etiamsi nimistardè, è brachio mitti jussì; enematis eodem die ventrem subduxi: postridie sic dejectionem mollitus sum. (℞ *Extract. rudi* ℥ss. *de duobus gr. iv. Bals. Peruv. gutt. ii. m. f. Pilul. n. ii. in aurentur.*) His verò alternis diebus exhibitis, & dolores, & inflammatio intra septimanam desierunt; mirè & præter consuetudinem convaluit. Hæc hyeme acciderunt. Vere autem ineunte, iterum



iterum ex podagra decubuit, solitis symptomatis ex toto corpore, nempe primum in pedum digitis & talo, postridie in carpo & cubito grassatus est morbus, dolor in articulis intensissimus: Urinae paucae & rubrae; sitis; vigilia; febricula. Huic jam sub ipso primo insultu, die sanguinem e brachio mittendum curavi. Sanguinis vero frigidi crassamento rubro *Coriaceum* tegumentum crassum adhæsit; cruditatis certissimum indicium. Dolori autem mitigando hujusmodi cataplasma & Talo & Cubito admovendum præscripsi (*Mica panis siliginei ex Lacte cocti lbj. Croci ℥β. Aloes Succotrin. ad pulverem siccum & friabilem ustulati, ℥iiij. Olei Liliorum alb. q. s. f. Cataplas. ex arte.*)

Alio vero Paroxysmo atroci Empl. viride Glyconis apud Scribonium Largum descriptum adhibui non minori cum successu ex molli aluta illitum. Ubi autem concoctionis signa sese ex urina manifestarunt, & morbus in declinatione positus fuit, sic mulierem purgavi. (*℥ Decoct. Senn. Gereon. ℥iiij. Syr. Violar. ℥j. Syr. e Spin. Cervin. Aqua Mirab. Succu Limon. aa. ℥j. Confectio Hieræ Diacolocynth. ℥β. misce, f. Potio.*)

NB. In biennij spatio & ad aliquot menses amplius à meo adventu, Podagra quinquies correpta est. Intra biennium vero à tempestiva sanguinis missione, & levi cathartico appropriato, statim exhibito, ante septimum diem morbus ter ex integro profligatus est. Bis vero sævissimis paroxysmis Decumbens, intra 14. dies morbus ex toto judicatus est.

Jam vero & ambulare & manibus sese exercere commodè potuit. Item gravida fit, uterumque ex 22 septimanis gestabat, cum forte ruri ad *Epsam* degens propter aëris æstivi salubritatem, villarumque infinitam commoditatem, pede altero subito capta est; alicujus temerarij suasu *aqua nescio qua chymica*, mirificæ, si diis placet, virtutis, ineunte paroxysmo pedem inflammatum fovebat. Quid sit? Ingenti ventriculi & præcordiorum dolore angustiaque statim affecta est. Postridie Londinum rediit, à quo malo valentioribus Antidotis Stomachicis foeminam liberavi. At *Epsam* denuò adiens post duos menses iterum ex articulis pes doluit, eademque aqua chimica illum irrigavit, atque iidem dolores in stomacho cum motibus convulsivis illico redierunt. Londinum vero protinus advecta, obstetricem Medicum vocavit Doctissimumque virum D. *Carolus Scarborough*, militem & Medicum egregium quem summi cultus & honoris causâ æternum memorabo: his mecum conjunctis omnis lapis motus est ut ei aliquas suppetias ferre possemus: at frustra omnia, interque diros cruciatus plurium dierum & vehementer convulsa, ipso abortionis momento, expiravit.

#### ÆGROTUS IV.

*Penruddock* quidam aulae regiae famulus pede pro more captus, ex necessitate alicujus negotij expediendi, agyrtæ suasu, biduo ab accessione Emplastrum nescio quod pedi dolenti admovit, ac die tertio dolore quasi solutus foras ambulavit, nec ante vesperam domum rediit; manè lætus surrexit, vestitusque subito concidit, animaque defecit. Ipse vocatus, quod in vicinia mea habitavit urbe



urbe Westmonasteriensi, hominem mortuum inveni; atque hæc à filia ejus, aliisque necessariis, mihi de Emplastro narrata sunt.

## ÆGROTUS V.

Illustrissimus Comes de C. mediæ ætatis vir, aliquoties Atthritide affectus est; ac diutiùs in morbo hæsit; nec citra longam membrorum imbecillitatem solvi consuevit. Bistandem ei podagra laboranti medicinam feci. Huic autem in singulis paroxysmis urina Biliosa: dolor in articulis cum inflammatione; febricula à primis diebus. Sanguine sub initio misso; peptica nonnulla mitiora propinavi, item vinum Canariense ex sero lactis vel se quotidie indulsi, victumque præterea tenuem maximè secunda diatrilo. ubi autem declinatio morbi instabat, quæ ferè fit tertia diatrilo, cartharticum hujusmodi sumpsit (℥ decoct. Senna Gereon ℥iij. Syrup. è Spin. Cervin. Aq. Mirab. Succi Limon aa. ℥ij. Confect. Hier. Diacolocynth. ℥ss. m. f. Potio. (Ante 14. diem ex toto convaluit; parum aut nihil debilitatis membris.

Ad præcautionem verò hujusmodi pilulas devoravit. [℥ Antidoti Marcian. ℥ss. aut ejus loco Spec. Aromatic. Rosac. ℥ij. Cortic. Peruv. ℥ss. Sal. Mart. agarice aa. ℥j. Succi Hypocistid. Aq. Ros. dissolut. ℥j. f. Pilul. exiguae, inaurantur.] Ex his unam vel duas, quotidie, vel alternis noctibus tantum ad mensem sumere consuevit. Huic methodo assuetus à multis annis jam sibi medicus est: nec mirum quòd omnigena eruditione excellit, non sui ordinis viros, sed etiam instructissimos Philosophos.

## ÆGROTUS VI.

Domina C. Quinquagenaria, primaria fœmina diu Athritide vehementer affici consuevit. In aliquo paroxysmo accersitus, hæc ejus morbi conditio. Manus pedesque simul inflammati, ut nec interdiu noctève quiescere præsummo dolore posset. Item in ventriculo nescio quis dolor & Ciborum fastidium. Huic, quòd tardè veni, fœminamque ab omni evacuatione averfam habui, sic præscripsi. (℥ Bals. Leucatelli ℥ij. Salis Martis ℥j. diligenter optimèque terantur super marmor. in singularem levitatem unitatemque) Ejus gr. x. dormituræ: quotidie exhibui: ab ipsa prima nocte meliùs se habuit, & deinceps convaluit.

N.B. De Vitriolo Martis illud scire licet ex Galeno \* ferri squamas inter siccantia medicamenta citra rosionem numeratas fuisse, easdèmq; abstergere, purgarèque. At omne ferrum Vitrioli particeps est.

Item Bitumen Judaicum ex aq. mulsa optimè facit ad Arthriticos, authore Ætio.

## ÆGROTUS VII.

Dominus T. mediæ ætatis vir robustus, ex frigore, Arthride & artuū doloribus vagis vehemente affectus est: huic Febricula, stomachus æstuans, vigilia, urina admodum biliosa.

M

Ante

\* De comp. Medicam. secund. prima lib. 3.  
Lister de Morbis Chronicis.



Ante meum adventum hominem vehementer purgavit, sudorémque nocte movebat quidam . . . omnia tamen symptomata pejora; die 7. decubitus accersitus, sanguinem è brachio mitti jussi: Ei verò refrigerato crassamento crassa & albida cutis adhæsit.

Postridiè febricula paululùm remittere visa est. Ad 12. verò diem symptomata æquè gravia, ac antè. Rursus sanguinem mittere curavi; qui refrigeratus idem visus est ac prior. Tunc primum è Pilulis Agatico-martialibus alibi descriptis unâ dormituro dedi. Atque illâ nocte optimè quievit, cras urina minùs biliosa; ex bona parte desiit febricula.

*Ad 16. diem integrè convaleuit.*

Quoniam autem hic & illic, nempè ad Talum aut ad carpum dolor interdum leviter exacerbatus est: Hujusmodi Emplastrum ex Scrib. Largo supra injeci: à quo mirficè, adjutus est.

[Rz. *Aris usti, æruginis rasa* āā ℥vj. *Salis Gemmei, gutta Ammoniaci, Thuris masculi* āā ℥℔. *Aristolochia rotund.* ℥j. *Aluminis* ℥℔. *Myrrhæ, Galbani. Aloes* āā ℥j *Cera* ℥ij. *Terebith. Chia* ℥j℔. *Olei* ℔j. *Oleo, Galbano, Cera Terebinthina super ignem liquefactis cætera ex aceto, ex arte misce. s. Emplastrum viride.* ]

N. B. Intra noctem illa pars pedis, quæ & dolore & infirmitate vexabatur, cæteris jam prævalebat.

## ÆGROTUS VIII.

Illustrissimus Comes de P. Quadragenarius, obesus, ex aliquot annis Arthritide vagâ miserè affectus est. Ante verò biennium Parisius hoc malo decubuit, & post quantum mensem vix ad sanitatem restitutus est.

Hoc autem paroxysmo, quo ipso accersitus sum, cubiti dolore vexari cœpit, non sine febricula, & urina crassa & biliosa.

Ex meo consilio, siti, abstinencia & quiete contra primos morbi insultus pugnabit; nam ipsius rebus domesticis maximè tum temporis interesse dicebat, ut protinùs convalesceret.

Ideoque ut nobili viro quantum in me esset satisfacerem, etiamsi aliquo modo temeraria esset methodus, nec sanguinem misi, nec Alvum ullo modo duxi aut movi, nec sudorem provocavi. Alvus tamen per se quotidie respondebat. Parti verò affectæ Empl. Paracelsi linteo molli illitum illico superinjeci. Quotidie autem alterum è manibus pedibusve denuò cum magna inflammatione malum adortum est. At protinùs Emplastrum adhibuimus, & cum vehementiùs doluit, etiam ipso Emplastro cataplasma ex mica panis Aloe & Croco, &c. latè superposuimus. Ita ad quintam diem se habuit.

Sexta autem die concoctionis signa de urina observavi, ac istud medicamentum propinavi [Rz. *Hier. Diacolocynth.* ℥ij. *Sacch. Cand. alb.* ℥i℔. m. f. Bolus: cui-

*super-*



*superbibit Aq. Epsam. ℥vj. Succi Lim. ℥j. Syrup. Violat. ℥ß. m.]*

Septimò omnino desiit febricula, atque urina citrina qualis sanorum reddita est.

Novo exiit foras negotij expediendis. Decursu autem morbi ad sitim leniendam aquam hujusmodi limac. ℥vj. ter quotidie indulsi, [Rz. Cochlearum Hortensium lbvj. Nucis Mochatae contusæ ℥j. Lactis lbxij. cautè distillantur evitando Empeurema ad medias; singulis libris aq. distillata adde Sacchari Cand. ℥ij. Succi Limonum maturorum & de Malaga ℥ß.]

## ÆGROTUS IX.

Illustris Comes H. Bronchard Sexagenarius exeunte Septembri Podagra vehementer correptus est; utroque pede inflammato, item dolore Ischiadico. Huic præterea assidua Tussis, difficilis admodum anhelitus, ut non decumbere quidem in lecto posset, sed fella pēsili dies noctesque residere coactus est. Huic pulsus celer, formicans, & ad tres minimùm pulsus intermittens.

Sic autem hominem ex bona parte intra hebdomadam restitui.

In primis sanguinem mittendum jussi, hujus crassamenti refrigerati pellis crassa & albida adhæsit.

Deinde à prima nocte Balsamum Agaricomartiale ad ʒß exhibui. Idque singulis noctibus sumpsit. Desiit autem ex toto dolor & inflammatio pedum post dies quinque. Item tussis, & facilis ei Spiritus redditus est, pedum autem & tibiæ tumor à perpetua sessione remansit; nec catharticum, quo id incommodum optimè tolli posset, sumere voluit.

## ÆGROTUS X.

Quidam pauper Sexagenarius Ischiadico dolore correptus: malum ad Ischiam dextram non tantùm sæviit, sed Tibiam etiam occupavit. Huic Hier. Diacoloc. ad ℥ij. exhibui: à quo sexies purgatus est. Intra biduum ex toto dolor desiit, & misso baculo, quod ad se sustentandum gestabat, intra hebdomadam ad consuetum bajulatoris munus rediit. Post alterā verò septimanam ex eodem medicamento se purgavit, & jam firma valetudine fruitur.

## ÆGROTUS XI.

Dominus J. L. miles Baronetus, Sexagenarius, macer: ex multis annis [minimum viginti] Arthritide vexatus: itē cui jam in plerisq; articulis Nodi Tophacei: huic olim aliquoties paroxysmi trimestres, & bimestres sæpiùs contigerunt. Ex biennio & ampliùs sese meæ curæ commisit; illum autem quinquies illo tempore malum invasit: in carpis digitisque & pedum manumque ingens inflammatio. Item non rarò ipsis colli vertebrae humerisque capi solet; febricula ab ipso impetu, vigilia, infinitus articulorum dolor, urina pallida, tenuis. Huic autem ferè sic sæpiùs medicinā feci. In primis sanguinē detrahi jubeo; leniori injectione



si præcordia inflata sint, ventrem duco. Inediam impero *prima diatrīto*. Mox si dolor vehementior & omnem tolerantiam excedat, haustulum è Diacodio permitto, aut etiam Laudani liquidi guttulis aliquot adjectis. Itē aliqui ē pulverem vel è Bezoar. Orient. vel è Chel. compos. aut è lapid. Goæ. dict. aliquot sex grana bis quotidie propino ex Aq. Alexiterii Haustulo: at hæc citra sudorem. Item *altera diatrīto* & Avenacea, aut juscula è pullo Gallinaceo; item Vinum Canariense, vel per se, vel ex lactis sero incoctum, cui succi Limon. cum tantillo sachari adjecta sunt, liberè indulgeo.

In malo autem declinante, cum scilicet Urina tenuis paulo coloratior fuerit; ac febricula, doloresque remiserint, sic præscripsi. [Rz. *Tinctura Sacra ex Vin. Canariensi confect.* ℥j. *Cochineil. pulverisat. nodulo inclus.* ℥jss. *Spiritus Vitroili* ℥j. *misce.*] Hujus Cochleare unum nocte dormiturus capit; idque triduo, vel quatrīduo pro ratione alvūs motæ & dejectionum tolerantia. Ita omni paroxysmo ferè intra 10. aut 14. dies integrè convaluit.

## ÆGROTUS XII.

**D** Reynolds, mediæ ætatis vir, aliquoties per tres quatuorve annos *Rheumatismo* miserè afflictus est. Ei verò sanguis primis illis morbi insultibus pro more nostrorum hominum, ad aliquam multas libras missus est: nec tamen defuit bimestri spatio malum; & interdum diutiùs hominem tenere consuevit: virēsque ei tandem ægrè restitutæ sunt.

Exeunte autem brumâ, gravissimo illius mali paroxysmo correptus est. Me vocavit. Ejus verò morbi hæc erat conditio: nempe, febris intensa, sitis, perpetuæ vigiliæ; dolores vagi, ut plurimum tamen in scapulis, humerisque, tibiis carpiisque, non sine inflammatione, partiumq; affectarum tumore, Urina pauca valdè biliosa.

Hunc autem curatonis methodum institui. Imprimis sanguinem ad ℥xij. mitti jubeo. Item ut alvus enemate leniori, cui Vini Emetici ℥iv. adjectæ sunt, curavi. Hæc autem circiter diem quintum decubitûs facta sunt. Sexto autem & septimo hordeatis tantum & vino oligophoro vel ex sero lactis, vel ex aqua nutritus est. Item Julapia refrigerantia & modicè diuretica propinavi. Octavo verò inclinata febre, hujusmodi medicamentum catharticum & anodynum exhibui. [Rz. *Spec. Hieræ Picræ* ℥ß. *Cochineil. pulveris.* ℥ij. *Vini Hispanici* ℥bj. *misce. Stent in frigido.* Hujus Cochleare unum nocte, & tantundem mane per triduum aut diutius quotidie bibat.] Paucis autem diebus à sumpto illo cathartico omnino convaluit.

At cum nec amplius purgari voluit, & quod foràs ad negotia curanda ei exire necesse esset ex frigore recidavit. In hoc autem relapsu malum admodum vehementibus symptomatis antedictis recrudit. Iisdemque ego vestigiis insistere volui, nempe semel sanguinem in principio mittendo, &c. Priori tantum methodo adjeci propter sævitiam dolorum & vigilias, Diacodii ℥j. nocte bibendam. Quinto autem recidivæ die, quod jam paululum remittere mihi symptomata videbantur, sic hominem purgavi. [Rz. *Decoct. Sennæ Gereon.* ℥v. *Syrup.*



*Syrup. è Succo Limon. Aq. Mirab. āā. ℥β. Syrup. è Spina Cetrina ℥ij. Confect. Hier. Diacolocynth. misceſ. Potio.* ] Alternis verò diebus pro tribus vicibus hanc ſumpſit potionē, & convaluit, poſtque alteram ſeptimanam ſtrenuè ſe habuit. Haecenus Ægrotorum aliquot paucas Hiſtoriolas ex Adverſariis noſtris tranſcripſimus. Antequam verò medicamentorum rationes ac uſus diducam, Prognſticon illud de *inſanabilitate* hujus morbi diſcutere paucis lubet.

Hæc autem ad quæſtionem rite intelligendam faciunt.

Nemo ſenſatus à Medico expectabit ut à Podagra ſemel liberatus, deinceps in perpetuum ſanus evadat. Quippe quòd ſi diſcrimen evaſerint, ex natura morbi, inquit *Aretaus*, laxiorum vitam degunt tanquam *ab inferis elapſi* hilares, incontinentes, in victu molles & delicatuli. Idcirco tanquam mortem rurfus ſubituri, *licentioſè* præſenti vitâ fruuntur. His adde, Plerosq; Ægrotos non morbi cauſam legitimam afferre ſolere, novæ crepidæ attritum puta, alius longam ambulationem: alius plagam, aut calcationem; at nullus *intestinam domesticamque cauſam* Medico explicabit. At nec ab aliis morbis, etiamſi medicis præceptis obedientis fuerint ægroti, in totum præcavendis, tanta cautela à nobi requiri ſolet. Nonne itaque ſatis eſt hominem Podagricum ſanitati ſemel reſtituiſſe?

Rurfus, Tophos ulla arte poſſe diſſolvi vehementer nego: nec Paracelſi ejusque ſectatorum jaſtantia multum moveor. Vel ſi fortè ex toto chirurgiâ tollantur non multum profecerunt. Nam oſſium carioſorum, è quibus eliquantur, nulla reſtitutio eſt; ſiquidem quod ſemel periit ex organica partium conſtitutione, natura non reſicere ſolet. Hæc itaque extra quæſtionem ſunt. Imò verò ſi quæ apud veteres Medicos de Arthritide tanquam morbo inſanabili uſpiam dicta ſunt; ea omnia in hoc vel illo ſenſu intelligenda ſunt. Verbi cauſa. Hæc apud *Hippocratem* † legi poſſunt. “Qui in ſenectute Tophos, aut Callos in articulis induratos habent, ii omnes, ut ſentio, *humana arte ſervari nequeunt*. Item *Inſanabilis affectus* audit, inquit *Aretaus*, quoniam principiis, cum debiliſſimus morbus eſt, Medicus non reſiſtit, qui ut temporis progreſſu vires acquiſiverit, *nihil Medici diligentia proficitur*.

Eſt Paſſio, inquit *C. Aurelianus*, non facilis curatione, & aliquando *magnitudine* inſanabilis, non, ut plerique putant, *natura*. Cauſæ autem difficilimæ curationis, vel ut ſæpe contigit, impoſſibilis, manifeſtæ ac plurimæ reperiuntur. Eſt enim paſſio in nervis conſtituta, qui ſunt natura *denſiſſimi* & inter articulorum nodos conſtituti, quorum anguſtia comprimuntur; & ad omnem motum aſperantur, magis in pedibus: hi enim plurimas conligationes nodorum naturaliter habent, & totum corpus ſuſtinendo laborant. Præterea hæc paſſio initio, parvitatis cauſa, negligitur, & contempta convaleſcit: quippe cum à multis minimè credatur emergere. Alij denique digito laxati, aliqui pedis verſionem, aliqui cujuſdam rei calcatæ, vel offenſæ duritiem, aut fervorem queruntur: tùm neceſſitate coacti augmenti temporibus in conſeſſionem veniunt ægrotantes. Ob hoc igitur Paſſio perſeverare, atque corpora poſſidere meditatur. Non autem minus etiam longorum lenimentorum cauſa, quibus reſeſſiſſe putatur, cum ſanos ægrotantes fingendo promittit, *adjuvante etiam intemperantiâ, qua cum ſæpe*



*concupi passio perspicitur, manere posse non dubitatur.*

Quæritur itaque, si quis novissimè podagrâ affectus est, vel ex inveterato morbo aliquis membris ex toto captus, & cui etiam articuli diu etiam ex Tophis obcalluerunt, ac paroxysmo vehementi corripiatur, an melius sit curam omnem naturæ committere, vel à Medico auxilium petere.

Etiam si autem aliqui moderni, tetrici ingenii viri, & quibus in foelix medicina fuit, aliud suadere videntur; non tamen dubitabo ex antiquorum virorum auctoritate ac propria & multiplici plurimorum annorum experientia asserere, Arthritidem posse sanari non ineunte tantum morbo sed etiam veterascente: imò non ulla parte medicinæ faciendæ *utiliores* Medicos fore, quam in Arthritide sanandâ, quocunque morbi tempore & ratione id demum occurrat.

Hoc itaque prognosticon, tanquam insanabile malum in Medicis nostris, meritò culpat eximius *Mayernius*, ejusque rei rationem optimam reddit. Medicorum quippe plerique *fama consequenda* potiores partes habent quàm ægrotorum sibi commissorum salutis: atque compescendis *ejulatibus* intentos, de valetudine integra restituenda ne cogitatio quidem subit.

De morbo verò *recenti* consentiunt Antiqui. “ Juvenis verò, inquit *Areteus* “ cui nondum circa articulos calli induruerunt, cuique victus ratio curæ est, ad “ laborem est impiger, alvumque habet vitæ institutæ probè cedentem, is sanè “ prudentem nactus Medicum evadet.

Idem sentit *C. Celsus*. “ Ubi sentire cœperunt articulorum vitia, sanguis mit- “ tendus est. Id enim inter initia statim factum, sæpè annuam, nonnunquam per- “ petuam valetudinem bonam præstat. Quidam etiam, cum *Asinino* lacte poto, “ ex toto se *eluisent* ( nota vim purgantem lactis *Asinini* ) in perpetuum hoc ma- “ lum evaserunt. Quidam cum toto anno à vino, mulso, venere sibi tempera- “ sent, securitatem totius vitæ consecuti sunt Idq; utiq; post primum dolorem “ servandum est, etiam si quieverit.

Imò verò veteres aliis etiam medicamentis infinitis contra *inveteratum* mor- “ bum non infelicitè pugnârunt, ipso *Hippocrate* attestante “ Hi, quibus To- “ phi in articulis, succedentes *intestinorum difficulattes* optimè medentur, quin “ & quæcunque aliæ colliquationes inferiores eos valdè juvant.

Item; cum dolor adfuerit, *Medicamentum* deorsum purgans propinato ( non expectata scilicet morbi remissione ) & post hæc, *serum coctum* & *lac Asininum* potui exhibeto. ( Nam hæc duo posteriora ferè inter purgantia medicamenta numerârunt Antiqui; nostrique homines eundem effectum ex *Lacte Asinino* ad infinitum damnum Phthisicorum, & à plurimis morbis convalescentium etiam inviti quotidie in hac Urbe experiuntur ) id est, post potentius medicamentum purgantia leniora da; ut rectè observavit *Fernelius* in hunc locum.

Inclinato Morbi impetu tentanda, inquit *C. Aurelianus*, & procuranda ventris facilitas, sed fugienda quæcunque *vehementiora*, quantum quidè res admittant.

Verum enim verò hi novi homines, etiam si omnino nihil in Podagra moveri volunt *totus* tamen *homo* è lecto in curriculum omnibus modis & machinamentis quotidie moliendus est, ut unâ aut altera hora extra urbem

\* de Arthrit. \* Lib. de Affect.



quotidie rusticaretur *Etiamsi dolor & ad motum inhabilitas contra indicare videantur*, hic tamen labor omnino exantlandus est. Profectò si hæc doctrina, præ omni medicina, in Arthritide tanti est; benè actum esse nostris podagricis si ipsis Plaustris, *Scytarum* more, innascerentur; ut iisdem aliquando commode ægrotarent: deinde, alia insignis utilitas *Plaustro* genitis nostris accederet; quòd cum omnia medicamenta præter unum *lac asininum* exulare oportuit, ipsa etiam jumenta quibus trahitur plaustrum, officinam quandam ambulatoriam de se præstarent.

Non autem ignoro gestationem inter remedia antiquissima ad demendam materiam positam fuisse; at in Podagra illam adhibere, novum est. At hoc exercitij genus Stomacho emendando, Calculo præcavendo, Somno conciliando utile est Eugè, optime. At dolor primùm leniendus est, quam aut iis cum appetitu, aut somnoses erit.

Qui vero negant medicinam ullam posse opem ferre Arthriticis, his illos orationibus moveri, verisimile est.

Quod à medicamentis quibuscunque evacuantibus (sive ea *emetica* sive *cathartica*, aut quocunque modo inanitiones humorū moliantur) ferè periclitantur: cum tamen Arthritis, etiamsi longus & gravis morbus sit, minimè Lethalis est.

Deinde, quicunque Podagrici fiant, hi sedata intra 40. (triginta Celsus) dies inflammatione, finiunt, authore Hippocrate. At nostri homines podagram frequenter trimestrem, & ferè annuam exhibent: quod ideo præter naturam Morbi accidere videtur, à remediis aliquando perperam & temerariè sumptis.

Quid autem faciant illa argumenta contra nos appello Ægrotorum Historiolas fidelissima narratione & sine fraude supra expositas.

Sed lubet privatim persequi vestigia hodierni cujusdam Medici de Podagræ curatione.

*Phlebotomiam* autem adhiberi nolit in ætate provectioribus, quod sanguinis detractio spiritus animales, concoctionis instrumenta minuit, opprimítque. Spiritus autem animales quod attinet, ii ad *aniles fabulas* proximè accedunt, & ignorantiae asylo sunt: sanguinis verò detractio modica, & tempestitiva, cordis onus sublevat, vitiosi chyli plenitudinem diminuendo, hinc articulorum inflammationi summoque eorum dolori, & febriculæ succurritur; adeoque si id fiat sub initio Morbi, citiùs multo morbus solvitur. Deinde etiam ætate provectiores plerique podagrici æquè intemperanter, ex Morbi naturâ, \*in victûs ratione, ac juvenes peccant: cui rei, si impotentia quoque eorum ad omne exercitium adjiciatur, etiam guinis missionem magis requirunt.

*Emetica* porrò damnantur, quod ex articulis materiam peccantem revellant intra habitum corporis: hoc autem gratis dictum est. Emetica ad præcavendum, morbū in plerisque podagricis ferè benè faciunt, ubi scilicet vitatur stomachus & primæ viæ saburra pituitæ indomabilis premuntur: Deinde istiusmodi remedium materiam vitiosam è ductibus excretoris intestinorum evellit, evocat, exprimit: unde in aliis, articulorum puta corporis ductibus minorem quantitatem accumulari verisimile est. Idem dictum puta de Cartharticis, ad præcautionem

\* Vide Artæum.



exhibitis: imò in *Tardante* passione, *radicum* vomitus & *Hellebori* approbatur, autore Aureliano.

At *Podagra* id habet peculiare, ut non tantùm non juvetur, sed etiam lædatur à Catharticis. Respondeo, Si quæ medicamenta purgantia sinistrum aliquando eventum habuerunt, vel transferendo morbum in aliqua viscera ab articulis, vel febriculam augendo, vel novas accessiones, veteribus penè sopitis, excitando: illa omnia evenire verisimile est vel ægroti culpa, vel à minùs appropriatis medicamentis perperam ac intempestivè exhibitis. In qua occasione captanda medici prudentis *Ars ex toto* constat.

Quod autem vehementer urget ex morbi naturâ articulos necessariò affici, materiamq; morbificam non securè posse aliò ablegari; id ex parte concedo; at sine sequela est, nec contra cathartica facit: nam omni morbi tempore, articulis valdè aggravatis, & sanguis mitti tutò, & venter subduci injectionibus; item tenui victu aut inediâ pugnari potest, ad demendam materiam morbificam: ubi autem symptomatum remissionis ac concoctionis materiæ morbificæ signa apparent, infinito *Podagricorum* beneficio ꝛ cathartica damus. Idque ex ipsius naturæ indicio; nempe quod jam viscositate chyli ex corruptione attenuata, reliquæ sanguinis massæ denuò commisceri circumferriq; incipit, expulsionemque adeo multis de causis requirit; ne articuli ex diutinâ tensione lædantur; aut ipsa demum ossa in topheam materiam corrumpantur. Nam hoc certo certius evenit, ubi nullis auxiliis ad jutus languet ægrotus, & usque putrescit materia morbifica in articulis ipsisque ossibus impacta.

*De Diaphoreticis* verò alia res est. Nam viscosi humores parùm evaporant, ac istiusmodi materiam vitiosam in articulos vehementius adigere solent. At quatenus istiusmodi Medicamenta fere Antidota sunt, ad Ventriculum confirmandum plurimùm faciunt, si parca dosi, & citra sudorem, exhibeantur.

Quod autem innuit, Antidota & Cathartica non posse simul exhiberi, falsum est. Cùm multa egregia antidota, imò ipse *Cortex Peruvianus*, non rarò alvum vehementer movent; maximè si modo pleniore propinentur.

Quod autem remedia *externa* ad *Podag.* beneficientia omninò ignorat; item, nulla dari specifica affirmat. Proximum est, ut de eis dicam, rationesque remedium ad *Podagram* appropriatorum, breviter, pro more nostro, explicem.

Vanum autem, & nimis præter institutum nostrum prolixum esset, omnia medicamenta ad *Podagram* adhibita recensere: imò multa, animi causâ, in hoc morbo probaverunt veteres, autore Aureliano.

Utilia itaque ac maximè appropriata aliquot tantùm medicamenta, exempli causâ, commemorabimus; sive illa in ipso morbo, sive ad præcautionem & in paroxysmorum intervallis exhibita sunt.

Imprimis verò *exteriora remedia* videbimus, inter quæ laudantur Unguenta & acopa

ꝛ. Potest morbus etiam qui per se finem habiturus est, citius tamen adhibito auxilio loti; quod duabus de causis necessarium est: & ut quàm primùm bona valetudo contingat; & ne morbus, qui remanet, iterum, quàmvis levi de causa, exasperetur. Potest enim morbus minùs gravis esse, quàm fuerit; neque ideo tamen solvi, sed reliquis quibusdam inhærere, quas ad motum auxilium discutiat,



acopa ex squilla confecta, & hæc ubi ex admodum tenaci humore malum solvi tardavit; nec sine ratione cum squilla & cucumer, sylvestris (ex quo Elateriū; conficitur) potenter attenuando, viscosos humores discutiunt; i. e. ductibus excretorijs movent, cum humores liquidiores efficiant, imò eadem ratione ex articulis affectis, si quis humor ex fluiditate regurgitaverit, evocant nempe per ductus excretorios cutaneos.

Reliqua acopa minùs laudo, etiamsi interdum valde efficacia experta sunt, ut sinapismus & reliqua rubificantia, propter doloris sensum, quem delicatulis inferre possint. Illorum autem ratio eadem est.

His accedit *marina aqua ferventis & aquarum naturalium calidarum* fomentatio, ubi illa commoditas erit.

Illud scire licet, salis particulas aqua marinâ & naturalibus aquis calidis (nam omnes calidæ quas adhuc novi, ex bona parte muriaticæ, id est, salis marini sive gemmei participes sunt) comprehensas supra fidē minutissimas esse, nec à coagulato sale iterum in tantas minutias dissolvi solere aut posse credo: appello Microscopium, hoc aut. posito facile, certè ferventes, id est, plurimum agitatæ ad ipsos articulos penetrant, viscososque humores vehementer incidunt, attenuant abstergunt.

Atque hæc omnia adhibita sunt in Tardante passione.

Ad articulorum verò dolores *leniendos*, vel ineunte paroxysmo, vel in statu ejus inter alia multa, hæc Emplastra nobis commendarunt veteres, nempe *Empl. viride Gliconis*. [Audiendus *Scribonius Largus*] Ad Podagram præter quodvis aliud medicamentum, satis convenit, & huic *mirificè* prodest.

De resinis verò, & aristolochiis in hoc Emplastro nihil attinet dicere, quòd plerisque aliis, maximè illi Paracelsi, cōmunes sunt; illa tantum medicamenta observare lubet, quæ verè anodyna privatim huic in sunt: nimirum *eris* triplex genus, Myrrha atq; Aloes. De *Æris* verò virtute eximia adnoyna supra in dissertatione de Hydrope satis diximus. Myrrha soporem gignit: Dioscor. Qualis autem Aloe sit, hic breviter exponere lubet.

Hæc autem de Aloe constat, illam alvum movere, somnumque alicere; atque hæc efficit tam extrâ, quàm intus adhibita, nimirum temporibus admota somnum inducit, æque benè ac deglutita ad eundem modum. Umbilico illita, maximè tenellis puerulis, alvum dejicit. In articulorum itaque doloribus adjecta dolorē sopit, humoresq; simul movet, attenuat, evocat; nam illa sola Purgationis ratio est. His adjice, eximiam ejus virtutem Emplastice, nempe ad inflammationes tollendas; unde oculis suffusis egregium medicamentum, si torreatur.

Proximum est ut *interna remedia* eorumque rationes expediamus: horum præcipua sunt Hiera antiquissima *Diacolocynthidis*; atque illa altera *Piera* Galeni. Hæc autem duo cathartica sunt.

De Aloe verò satis, ut opinor, supra dictum est: ejus verò medicamenti proprietates ad hunc morbum sanandum requisitas si pensitare velimus, Dioscorides consulendus est; apud quem insigne stomachicū Audit; item vulnerariâ virtute præcipuâ donatur: etiâ ipsis oculis torrefacta, hoc est, tenerrimis corporis parti-



bus adhiberi tutò potest. Hoc insuper pono, hujus compositionem deberi *Antonia Musa*, ut ex *Scribonio Largo* discimus: at nomē Hieræ ei forte, ad imitationē antiquissimæ Hieræ, quod ejus præstantiam in plurimis malis expertus est, à Galeno inditum est.

De *Colocynthide* autem è valentissimis Medicamentis purgantibus huic malo optime facere è veteribus discimus: *clysteribus* indita privatim coxendicū doloribus prodest: imò verò virentis Succo, inquit Dioscorides, Ischiadici *utilissimè* perfricantur; claro documento, veteres, usū unius & ejusdem medicamenti tam ultra corporis habitum & intestinis, quàm citra & in cute externa, æquè & ob easdem rationes utrobq; proficiū esse, existimasse. At cum Colocynthis stomachum labefactatū, iisdem authoribus maximè ostendat, ideo nunquam satis miranda est doctrina & prudentia medicorum antiquissimorum, qui cum tot tantæque alia antidota, & privatim ejusdem omnia efficaciam ad idem malum adjecissent, illam tamen ferè exiguā mensura dederunt: nempe ut integra compositionis dracha non sit plus uno vel altero grano Colocythidis; qui tamen, etiam robustis, istius medicamenti justus modus est.

*Agaricus* itaq; alter è cathartici ejusdē compositionis, Colocynthidi & præsidio & auxilio est; quòd mirifica venenorū antidotus est; item quòd ad dissolutum & acidum ructantē, cibiq; non tenacem Stomachum efficax est; quòd insuper leniter purgat, privatimq; facit ad coxēdicū ac articulorū dolores, In summa; hoc est illud verū antiquorū medicamentū domesticū, quod, teste Dioscoride, *omnibus internis vitiis cōvenit*, Addo equidē, illū tātas virtutes ex bona parte habere, quòd è Larice arbore Terebinthinifera nascatur, ejusq; virtutis emul<sup>9</sup> Fūgus sit.

*Sagapeni* verò atq; *Opoponacis* Medius modus adjectus est: hæ autem resinae inter antidota quoq; sunt: utrisq; sanè similes facultates sunt; privatim verò Ischiadicis & Podagricis illinuntur, laterum dentiumq; dolores tollunt. At utraque vasa excretoria præcipuè aperiunt, quod menses pellunt & Tusses vetustas expediunt. Illorum autem alterum ideo æstimandum est, quòd *Silphium* Antiquorum, teste Dioscoride, proximè referat.

Nimius essem, præter modulum institutionis nostræ, si reliqua medicamenta in hac utilissima compositione percurrerem, cum alibi fortè de iis comodior dicendi locus dabitur. Croci itaque, myrrhæ, atque aristolochiæ virtutes anodynas & discutientes impræsentiarum silebo.

{ Ad præcautionem verò rationes restant remediorum expediendæ.

Inter *animalia* verò medicamenta præcipuum locum habet abstinencia à vino, mulso, venere, toto anno. At cur mulsum hic refert Celsus? nempe ut sciamus omnem Liquorem inebriantem prohiberi: nam veteribus pauci noti sunt præter vinum, & qui melle conficerentur.

Inter præcipuas verò causas *procatarticas* hujus mali apud veteres vinū & Venus perhibetur: quòd, ut opinor, nervi tendineq; ab iis maximè labefactatur; cū Venus, vinumq; perpetuā distensionē iis partib<sup>9</sup> inferant; unde tandē ex nimio usu laxatur, ac resolvūtur articuli, artusq; vacillāt; & si quādo Morbi articularis ex chylo crudo & lēto, accessio fiat, vigore necessariò ad sāguinē crassiusculum circum-



cumpellendum deficient. Huic rei fidem facit; quod sæpè expertū est; nempe podagricum aliquem in inclinato & tardante passione ex immodico usu vini subito sese in pedes conjicere potuisse & ambulare, imò saltasse.

At hæc methodus iis tantum convenit, qui non plurimo tempore fuerint passione vitiati, id est, ut Aurelianus exponit, intra quinqueñij tempus constituti, id est, antequam obcalluerunt articuli, & longa morbi consuetudo fuerit.

Aliud remedium *longi usus* est (ut à C. Celso discimus) nempe lactis Asinini potus: podagricos novitios *illo se eluere* vult: quod ejus vim planè purgatoriam indicat. Forte si diu ex victu diarrhœa fiat, articuli à saburra liberati ad pristinum vigorem restituantur. Huic conjecturæ favet illud Hippocraticum supra comprehensum, His, quibus Tophi in Articulis, succedentes intestinorum difficultates, optimè medentur; quin & quæcunque aliæ *colliquationes* inferiores eos valdè juvant.

Porro C. aurelianus alia medicamenta *annalia* memorat, ut *diacentaurion*, *diascordion*, potanda anno nempe continuo: hæc veteres probârunt, inquit ille; secundum nos autem (juxta Sorani judicium est) metuenda diuturna medicaminis sumpti; cum neque soliti cibi juges, atque idem utiles, rectè probentur. Sic denique legimus quosdam veteres memorâsse ex jugi medicamine poto in celeres vel acutas venisse passiones, & alios apoplecticos, alios pleuriticos, alios peripneumonicos interiisse; item quosdam continua difficultate Spirationes affectos.

Alij verò qui se isto medicamine profecisse testantur, non advertunt, servatæ digestionis causa, id fuisse permixtum; quippe cum cæterarum rerum excessus declinando quidam servaverint sanitatem, cum interrumpere metuerint sumptionem medicaminis sui: & propterea his intentionibus occupati, alias sibi nesciverint profuisse rationes.

At nostri homines sua egregia quoque *Annalia* medicamenta jactitant: verbi causa, chalybeata medicamenta infinito lenocinio confecta; item *aquas minerales*, quas chalybeatas, etiam nimius abusivè appellare amant. Ex his autem non solum ex omni tardante passione convalescentiam integramque sanitatem, sed & ad omnium malorum præcautionem certam, (modò ad annum annolve in eorum usu diligentèr persistant) audactèr promittunt.

Sed & tanti medicamenti & spatij illud dandi rationes reddat, cui id curæ est, velim. Nam quæ Aurelianus jam de suis, vereor, ne potiore jure de nostris dicatur, nempe, si non alios morbos & infirmitates ex longo istiusmodi medicamentorum usu corpori adsciscant, quæ tot apoplecticorum nuperorum una ratio esse potest; ex dicta ratione & abstinentiæ regula plus proficere videntur, quam ex talibus remedijs.

Unum illud illorum consolatione certissimum addam. Si quid emolumentum nobis detraxerit Cortex Peruvianus, abundè restituit ejus *intempestiva ac infinitè repetita exhibitio*.

De Emeticorum verò usu ad præcautionem audiendus *Aurelianus*. Pluri-



mi vomitum post cibum laudaverunt, vel tertio per menses singulos adhibendum: siquidem & *materiam auertit ab articulis*, & *indigestos esse non sinit*. Sed magis vexabilis est ipso morbo. At rationes ejus, quæ optimæ sunt, laudo. Cum verò elleborismi fortè servitatē vituperat, illa ejus seculi infœlicitas fuit, quippe veteribus emetica mitiora adhuc incognita fuerent. At nobis ex vino emetico insigne remedium ad omnes ferè nervorum affectus inventum est, utpote tutissimum, & quod, certè extra paroxysmum podagricum, omnibus ætatibus ac viribus accomodari potest: quod de Ellebori radicibus, aliisque herbaceis emeticis vix dici posse vereor.

Porro ad præcautionem ulteriùs processerunt veteres Medici, authore Aureliano; Multi Medicinæ Scriptores, *Purgativis* & acrioribus uti solent *Clysteribus*, & *Urinalibus*. Sed oportet *cavere* Stomachi vexationem, item vesicam provocare. Tradit enim necessario universo corpori vexationem per sibi cognatā nervorum qualitatem. Quid autem fieri potest hujusmodi medicamentis, me latet; illud tantum mihi semper in votis fuit ut paroxysmus commodè & tempestivè tollatur: id quod fieri posse sine ulla nervorum vexatione centies expertus sum.

Interim, unica illa aurea regula de abstinencia mihi certè, nescio an Podagricis arridet; nempe ut iis, quibus aut integra sanitas, aut longiora valetudinis bonæ intervalla cordi sunt, *parva cibatio summæ curæ* sit. Atque hoc omnibus, hominibus quocunq; statu & conditione sint, cum ipsius quoque exercitij loco esse potest, etiam pedibus ex toto captis.

Qui tamen plenius vescantur, illos cathartica appropriata, aut emetica (qualia supra comprehensa sunt) interdum sumere, necesse est.

F I N I S.







